

ԴՐՕՇԱԿ

ISSN 2579-2954



Հայ Յեղափոխական Դաշնակցության Պաշտոնաթերթ

(74-րդ տարի) Թիվ-11 (1645)

Նոյեմբեր 2020

Բովանդակություն



«Դրոշակ» ամսաթերթ
 Հայ Յեղափոխական Դաշնակցության
 պաշտոնաթերթ
 Հիմնադիր՝ «ՀՅԴ պատմության թանգարան
 հիմնադրամ»
 Երևան, Միեր Մկրտչյան փ. 12/1
 Հեռ. (+374) 10-52-18-90
 Էլ. հասցե՝ droshak@arf.am
 Կայք՝ <https://www.droshak.am>
 Գլխավոր խմբագիր՝ Արտաշես Շահբազյան
 Խմբագրական խորհուրդ



1- Առաջնորդող

Ա. Շ.

Պայքար, որի վախճանն է փրկություն (Էջ 1-2)

2- Հարցազրույց

ՀՅԴ Բիւրոյի անդամ Յակոբ Խաչերեանի հարցազրույցը «Վանայ ձայն» ձայնասփիւռի կայանին

Հայրենիքն ու հայրությունը դեմ յանդիման Արցախի պարտուղական համաձայնության (Էջ 3-6)

3- Քաղաքական

Հրանտ Սարգսյանի խոսքը՝ Արցախ մեկնող ՀՅԴ կամավորներին (Էջ 7)

ՀՅԴ Բիւրոյի յայտարարությունը (Էջ 8)

4- Դաշնակցական բեմ

Արտաշես Շահբազյան

Դաշնակցականի ճանապարհը (Էջ 9)

5- Իրավաքաղաքական

Գևորգ Ղուկասյան

Արցախի Հանրապետության անկախության հռչակման իրավաքաղաքական հենքը (Էջ 10-11)

6- Տարածաշրջանային

Վարդան Հակոբյան

Արցախյան հակամարտության կարգավորումը փորձություն Ռուսաստանի համար (Էջ 12-14)

Վահե Սարգսյան

Արցախի դեմ Ադրբեջանի սանձազերծած պատերազմը և Վրաստանը (Էջ 15-19)

7- Աշխարհաքաղաքական

Հրաչ Վարժապետեան

Արցախի պաշտօնական ճանաչումը, Ֆրանսան եւ մասամբ Նորին (Էջ 20-21)

8- Գաղափարական

Վաչե Բրուտեան

Հայ քաղաքական միտքի Նորագոյն մարտահրաւերը՝ այս պատերազմը (Էջ 22-24)

9- Դաշնակցական բեմ

Շողիկ Աշրգեան

Ապագայի կուսակցություն (ՀՅԴ հայրենասցման երեսունամեակին առիթով) (Էջ 25-29)

10- Պատմության լուսարձակ

Անի Մելքոնյան

Իրադրությունը Հայաստանի Հանրապետությունում 1920 թ. նոյեմբերին: Հանրապետության անկումը (Էջ 30-32)

Խաչատուր Ստեփանյան

Արցախցիները Ռուբեն Տեր-Մինասյանի հուշերում (Էջ 33-35)

Դերենիկ Մելիքյան

ՀՀ Դաշնակցություն կուսակցությունը Ատրպատականում (19-րդ դարավերջ – 20-րդ դարասկիզբ) (Էջ 36-43)

11- Ընկերական Չրույցներ

Վրեժ-Արմեն

Համաներո՞ւմ (Էջ 44)

Պայքար, որի վախճանն է փրկություն

Ա. Շ.

Հայ ժողովուրդը արյունով ու արցունքով գրում է իր պատմության սև էջերից մեկը: Պարտադրված պարտությունը ոչ միայն կորուստ է հայրենի հողի, տան, ինչքի, հարազատի գերեզմանի, խաչքարի ու եկեղեցու, նորահաս սերնդի, նվաճված ազատության, ապրած տարիների, ապագայի երազանքի, այլև բզկտված հայրենիքի վաղվա օրվա ապահովության: Պարտվեց հայ ժողովուրդը, որտեղ և ինչպես պարտվեց, պարտվեց հայրենիքի փրկության կրակների մեջ նետվելու իր պատրաստակամությամբ, պարտվեց անհավասար կռվի մեջ, անօրինակ սխրանքների ու ինքնազոհաբերման բովմում, հանուն մեկ թիզ հողի զավակին մատաղելու հայ մոր աստվածային զոհաբերությամբ, թե՛ հայրենիքի փրկության համար մեկ բռունցք դառնալու իր համազգային գիտակցությամբ: Հայ ժողովուրդը չպարտվեց, բայց նրան հաղթեցին:


Հայ ժողովրդի դեմ դուրս եկան 90 միլիոնը գերազանցող բնակչությամբ երկու պետություն, համաշխարհային ահաբեկչական շարժումը՝ միջազգային մարդասիրական օրենք չճանաչող իրենց վայրենի էությունը ու ձեռագրով, արդարի հանդեպ ողջ աշխարհի կամազուրկ կարեկցանքի և զավթիչի նկատմամբ քաջալերող լռության պայմաններում:

Հայ ժողովրդին հայրենական պատերազմ պարտադրվեց այն պահին, երբ իր վայ- առաջնորդները պառակտել էին ազգը, կոտրել էին նրա ոգին, աղավաղել էին ազգային գիտակցությունը, հալածել ու մեկուսացրել էին նրանց, ովքեր կառավարելու և պատերազմելու փորձառություն ունեին, երբ ամբարտավան խոստումների ներքո խաթարված էր երկրի զարգացման ընթացքը, պետությունը կորցրել էր իր վարկը, բարեկամին ու դաշնակցին, և ապազգային օտարասուն տարրը զբաղված էր սեփական բարեկեցության ապահովման և երկրի սեփականության վերաբաշխման ընչաքաղց մրցավազքով:

Այս լինել-չլինելու հերոսամարտում հայ ժողովրդին առաջնորդեց ինքնագոհ, տգետ, ազգային իդեալներից և պատկերացումներից զուրկ, կառավարելու ու պատերազմելու փորձառություն չունեցող բախտախնդիր մեկը, որի համար հողի, հայրենակցի ճակատագիրը ստորադաս էր սեփական իշխանության անսասանությունը ամեն գնով պահպանելու գերնպատակին: Ոճրագործության հասնող

անպատասխանատվությամբ նա ամեն ինչ ենթարկեց իր բացարձակ կամքին և այս մոլախաղի մեջ խայտառակ կերպով ձախողեց ազգի լինելիության գոյամարտը: Հետո սեփական իշխանությունը պահպանելու գերխնդիրը օտարների կողմից երաշխավորված տեսնելու համար նա գաղտնաբար, յուրացնելով իրեն չպատկանող սահմանադրական իրավասությունները, պարտվողագիր ստորագրեց՝ ընդունելով պարտադրված բոլոր պայմանները, չառաջադրելով և փոխարենը չստանալով ոչինչ:

Բայց նույնիսկ այսքանով հայ ժողովրդի ողբերգությունը չի ավարտվում: Վայ-առաջնորդի առաջ հեռանալու պայման է դրվում՝ նոր մարդկանցով, այս անգամ քաղաքական- դիվանագիտական նոր պայքար սկսելու համար՝ հնարավոր առավելագույնը փրկելու փափագով: Ապազգային բախտախնդիրը, սակայն, ոչ մի դաս չի քաղել, նրան չի հուզում ո՛չ հայրենի հողի, ո՛չ նրա ապագայի սերնդի կորուստը, նա ամեն գնով կատչած է աթոռից և հանուն դրա պահպանության որոճում է նոր դավեր ու բռնություններ ազգային փրկության երազանքը փայփայողների նկատմամբ:



Նա ցանկանում է ապահովել պայմաններ, երբ կկարողանա հայրենիքի մեկ հատվածը ծախելու, իսկ մյուսի ապագան թուրքական ուժից կախման մեջ դնելու դավադրությունը հասցնել իր ավարտին:

Ինչ ապագա է ունենալու հայկական շունչը պահպանած արցախյան վերջին հողակտորը՝ առանց կարգավիճակի, որ նշանակում է կարգավիճակ Ադրբեջանի կազմում: Ինչ կլինի հողից կառչած արցախահայության հետ հինգ տարի անց, երբ Ադրբեջանի պահանջով ռուսական զորքը լքի տարածքը: Ինչը կստիպի Ադրբեջանին չփակել Բերձորի միջանցքը, ինչպես կապում են պարկի բերանը:

Վարդենիսից մինչև Մեղրի Հայաստանի սահմանին նստած թուրք-ադրբեջանական հորդային ինչը կստիպի պղտոր հեղեղի պես չհորդալ ու ծածկել Հայաստանը, երբ Ռուսաստանը սուզվի հերթական հեղափոխական ալեկոծության մեջ, կամ իշխանության գա թուրքասեր բոլշևիկակերպ հերթական իշխանությունը: Դավադիր գործարքի հետևանքով արցախյան հակամարտության հետ առնչություն չունեցող Մեղրիով թշնամուն հանձնվելիք ճանապարհի համար ինչ երաշխիք կա, որ ամբողջությամբ չի տնօրինվելու վերջինիս կողմից կամ ուղղակիորեն չի գրավվելու: Ունի այս հարցերի պատասխանը Հայաստանի

մեծամիտ ու աթոռապաշտ միապետիկը: Իր իսկ խոստովանությամբ՝ այդ ամենը անորոշ է: Եթե դեռ թուրքական ոտնձգության չենթարկվածի ապագան անորոշ է, ապա որոշակի է այն, ինչ թշնամուն հանձնել է երկրի ամբողջականության ապահովման թիվ մեկ պատասխանատուն:

Պարտության այս խայտառակ գործարքից հետո կամավոր չհեռանալն ու ազգային համախումբ ուժերին փրկության ուղիներ որոնելու հնարավորություն չընձեռելը այլ անուն չի կարող ունենալ, բացի դավաճանությունից: Կա այն, ինչ կա: Մի իրողություն, որի հետ երբեք չի կարելի հաշտվել, իսկ անօրինական գործարքի վկայագիրը մի օր պատռվելու ու դեն է նետվելու: Կանգնած ենք ճակատագրական ընտրության առաջ, իսկ հայրենիքը հայրենասերի համար սակարկության առարկա չի կարող լինել: Այս պայքարը մեկ վախճան միայն կարող է ունենալ, որի անունն է հաղթանակ: ■



Հայրենիքն ու հայությունը դեմ յանդիման Արցախի պարտուողական համաձայնության

ՀՅԴ Բիւրոյի անդամ Յակոբ Խաչերեանի հարցազրույցը «Վանայ ձայն» ձայնասփիուի կայանին

Պատասխանելով այն հարցումին, թե՛ ինչպե՛ս և ինչու՛ նման պարտուողական կացության առջև կանգնեցաւ հայութիւնը, ՀՅԴ Բիւրոյի անդամ Յակոբ Խաչերեանը ըսաւ, թէ՛ եղածը կուտակուած սխալներու հետևանք էր, որմէ՛ զերծ չի մնար որևէ քաղաքական կողմ, բայց և այնպէս, պատասխանատուութեան չափը կը տարբերի, մանաւանդ եթէ՛ նկատի ունենանք այն հսկայական ատերը, որ գործուեցաւ վերջին փուլին: Ըստ անոր՝ արձանագրուած հետևանքներէն ակնյայտ է, որ այս իշխանութիւնը իր երկուքուկէս տարուան գործունէութեամբ և յատկապէս իշխանութեան միանձնեայ ղեկավարը կը կրեն այդ սխալներուն մեծագոյն բաժինն ու ամբողջական պատասխանատուութիւնը:

Խօսելով ժողովրդային շարժման մասին՝ Յ. Խաչերեան յայտնեց, թէ՛ օրին ան յուսադրեց բոլորը, ատելի պայծառ ապագայի, ատելի ամուր հայրենիքի և ատելի բարգաւաճող միջավայրի ակնկալութիւն ներշնչեց, բայց և այնպէս, ժամանակն ու փաստերը ցոյց տուին, որ այդ ամէնը խաբկանք է, ոչ իրական աշխարհ մըն է:

«Սկսինք ժողովրդավարութիւն և ընկերային արդարութիւն հաստատելու խոստումներէն: Օրերը եկան փաստելու, որ իշխանութեան առած բոլոր քայլերը տրուած խոստումներուն հակառակ ուղղութեամբ ընթացան. կազմուեցաւ Ազգային ժողով մը, ուր կայ բացարձակ մեծամասնութիւն մը, ինչ որ ժողովրդավարութեան դէմ է լիովին, իսկ ընդդիմադիր կուսակցութիւններուն արտայայտուելու և գործելու կաշկանդումներ եղան՝ բիրտ ոճով կամ պատգամաւորներու հալածանքով, բանտարկութեամբ, գաղտնալուծումներով, բազմակարծութեան արգելումով, հասան մինչև սահմանադրական օրէնքներու կոպիտ խախտումի, դատական գործընթացի արգելակման, Ազգային անվտանգութեան ծառայութեան մէջ եղած շարունակական փոփոխութիւններուն և այլն: Այս բոլորը ցոյց տուին, որ Հայաստան շատ հեռու է ժողովրդավար երկիր ըլլալէ: Յակոբ Խաչերեան հաստատեց, որ համացանցային հարթակներու վրայ և իշխանութեան հովանիին տակ կը գործէ կեղծ լրատուութեան բանակ մը, որ կը գործէ ժողովուրդին միտքը ստրկացնելու, անոնց հոգիները բռնաբարելու ուղղութեամբ: «Այս վախի մթնոլորտն է, որ ստեղծուած է Հայաստանի մէջ, ինչ որ կը մղէ եզրակացնելու, թէ՛ ժողովրդավարութիւնը դժուար թէ՛ վերականգնի այս իշխանութեան տիրապետութեան օրերուն», - հաստատեց Յակոբ Խաչերեան:

Նախորդ իշխանութիւններուն վերադառնալու



ձախից աջ Յակոբ Խաչերեան, Վիզէն Ավագեան

մթնոլորտին մասին մնայուն կերպով խօսելու ներկայ իշխանութիւններուն քաղաքականութեան վերաբերող հարցումի մը պատասխանելով՝ Բիւրոյի անդամը յայտնեց, որ ՀՅԴ-ի դէմ եղած կեցուածքներուն մէջ միշտ ակներև է անցեալին վերադառնալու ամբաստանութիւնը: «Մենք մեր առաջին հաւաքին՝ 2019-ի կէսերուն Օփերային հրապարակին վրայ, յայտարարեցինք, թէ՛ անցեալին վերադարձ չկայ, որովհետև մենք ևս դժգոհ էինք անկէ: Բայց ժամանակը ցոյց տուաւ, որ ներկայ իշխանութիւնը տարբեր չէ՛ նախկիններէն, միայն դիմակներն են փոխուած: Նոր դիմակը ատելի նենգ, վախազդու և տոճոյն է», - յայտնեց ան՝ ատելցնելով, որ այս իշխանութիւնը նաև շերտաւորեց հայութիւնը Հայաստանի մէջ թէ՛ անկէ դուրս՝ «բաժնէ, որ տիրես» սկզբունքով առաջնորդուելով:

Յ. Խաչերեան դիտել տուաւ, որ արտաքին ճակատի վրայ ասիկա ամէնէն տխուր ժամանակշրջանն է մեր միջազգային յարաբերութեանց առումով, իսկ Դաշնակցութիւնը, փաստօրէն, եղաւ արտահայաստանեան քաղաքականութեան շրջուն թարգմանը՝ իր Հայ դատի և կուսակցութեան գրասենեակներով, որոնք քաղաքական տեսանկիւնից կատարեցին այն աշխատանքը, որ ենթադրաբար պէտք է կատարէր արտաքին գործոց նախարարը: Իբրև օրինակ ան յիշեց, թէ՛ ինչպէս վերջին 45 օրերուն ընթացքին ՀՅԴ գրասենեակները արտաքին գործոց նախարարին կողքին վարեցին արտաքին քաղաքականութիւնը, յարաբերական աշխատանքները տարբեր ձևերով և այլազան մակարդակներու վրայ:

Պատասխանելով այն հարցումին, թէ՛ ինչ է իր մօտեցումը պատերազմի փուլին դրսևորուած ազգային միասնականութեան, Դաշնակցութեան մեծ ընտանիքի գորաշարժին, հայ զինուորին ցուցաբերած մարտունակութեան և հերոսական երևոյթներուն

վերաբերեալ, Յակոբ Խաչերեան ըսաւ. «Մենք միշտ եղած ենք ամուր, կուռ, միակամ, երբ թշնամին կայ: Ատիկա բնական է, հայր չի կրնար այդպէս չըլլալ, և կը յուսամ բոլորիս ալ համոզումն է, որ պատերազմը չէ վերջացած, թշնամին տակաւին կայ և պիտի մնայ, մինչև որ մենք յաջողինք թուղթերու վրայ արձանագրուած այս պարտութիւնը և պատերազմի դաշտին վրայ արձանագրուած նահանջը վերածել յաղթանակի: Այս օրերուն առաջին փուլով աշխատանք կը տարուի, որպէսզի ատելի ծանր, անտեսանելի այլ հետևանքներ ալ չընդգրկեն այս յայտարարութեան յաջորդելիք բանակցութիւնները»,- ընդգծեց Յ. Խաչերեան:

Յաջորդ հարցումը կը վերաբերէր նախորդ երկուքուկէն տարուան ընթացքին Արցախի տագնապին գծով Դաշնակցութեան տարած աշխատանքներուն: Յակոբ Խաչերեան յիշեցուց, որ, պատմութեան մէջ առաջին անգամ ըլլալով, ՀՅԴ-ն իր նախորդ Ընդհանուր ժողովը գումարեց Արցախի մէջ անկախ Հայաստանի հողերուն վրայ գումարած առաջին Ընդհանուր ժողովէն ճիշդ հարիւր տարի ետք: «Ասիկա փաստացի ազդանշան մըն էր, որովհետև մեր բոլոր մակարդակի ժողովներուն ընթացքին Հայաստանն ու Արցախը առաջնակարգ օրակարգի վրայ եղած են: Ժողովներէն դուրս ևս՝ մեր գործնական աշխատանքին մէջ: Այդ ժողովէն անմիջապէս ետք մենք ունեցանք ռազմաքաղաքական դաշինքի կնքման և կարևորութեան գծով ֆորում, ատելի ուշ՝ ամրան, ունեցանք Հայ դատի գրասենեակներու միջազգային համագումարը կրկին Արցախի մէջ: Բնական դարձած էր մեր և մեզի ուղեկից բոլոր կազմակերպութիւններուն աշխատանքներու ծաւալումը Հայաստանի կողքին, երբեմն ալ ատելիով՝ Արցախի տարածքին՝ շրջանային թէ՛ միջազգային ժողովներուն զուգահեռ: Նիւթական ներդրումներու իմաստով ևս ՀՅԴ համակիրներ տարբեր ձևերով՝ հանգանակութիւններ կամ այլապէս, չեն զլացած իրենց լուսնան ներդնելու բազմաբնոյթ ծրագիրներու, որոնց կիզակէտը Արցախն ու անոր բարգաւաճումն է: Այս բոլորով հանդերձ՝ կ'ըսեմ, որ ինչ որ տուած ենք Արցախին, անբաւարար է, կրնայինք ատելին տալ թէ՛ ազգովին և թէ՛ իբրև Դաշնակցութիւն»,- շեշտեց Յ. Խաչերեան՝ հաստատելով, որ Արցախը միշտ ալ ատելին կ'արժէ:

Վ. Աւագեան անդրադարձաւ այն հարցին, թէ ստորագրուած նոր յայտարարութեան լոյսին տակ արդեօք այս բոլոր ներդրումները, գործունէութիւնը, իրականացած ծրագիրները, տարուող և ընթացքի մէջ եղող աշխատանքները յճրս ցնդեցան: «Մեր կամքը ամուր է, տրամադրութիւնները առկայ են: Երբեմն աշխարհաքաղաքական շահերը մեր կամքէն ատելի զօրատր կրնան ըլլալ, բայց մնայուն չեն անոնք, որովհետև չկան մնայուն կապեր ու մնայուն շահեր, ուրեմն այս դրուածքը կրնայ փոխուիլ ապագային: Մենք պէտք է միշտ պատրաստ ըլլանք այդ փոփոխութիւններուն: Մենք այսօր կը գտնուինք պէտքով ծովու վիճակին մէջ, միշտ տրամադրուած ըլլանք ու ծրագրենք՝ առանց վայրկեան մը իսկ մտածելու, որ մենք կրնանք ընկրկում ունենալ: Պէտք է մեր կամքը



Հայ դատի խորհրդածողովը Արցախում

միշտ անկոտրում պահել»,- յայտնեց Յ. Խաչերեան: Ներկայ կացութեան անդրադառնալով՝ ՀՅԴ Բիւրոյի անդամը յայտնեց, որ այսօր կը գտնուինք պէտքով ծովու մը մէջ, որ պէտք է իր աղբերը թափէ դուրս և ինքզինք վերագտնէ:

«Մենք վերջին փուլին տեսանք ազրպէյճանական և թրքական միացեալ ռազմավորձեր, բայց մեր Ազգային անվտանգութեան ծառայութեան պատասխանատուները պէտք է գիտնային, որ մարզումներ կ'ըլլային, և անոնք պէտք է նկատէին, որ այդ մարզումներէն ետք զինամթերք կը կուտակուէր Ազրպէյճանի մէջ, և մարզումները կը կատարուէին թուրք սպաներու կողմէ: Անոնք պէտք է նկատէին այն, ինչ որ տնտեսագէտներ նկատած էին, թէ տնտեսական մագլցում արձանագրուած է Ազրպէյճանի զինուորական պիտուէին մէջ վերջին երկու տարուան ընթացքին, և թէ անիկա պիտի գործածուի պատերազմի ընթացքին, իսկ Ազրպէյճանի միակ թշնամին Հայաստանն է ու Արցախը:

Դիւանագիտական մարզին մէջ ևս, բացի Արտաքին գործոց նախարարութենէն, ընդհանուր անճրկում տեսանք դեսպաններէն, որոնք պէտք եղածին պէս պատրաստուած չէին՝ հակառակ մեր բազմաթիւ յիշեցումներուն: 2016-ին ալ նոյնը եղաւ. ազրպէյճանական դիւանագիտութիւնը յաղթեց հայկականին, և այն, ինչ որ օրին ըրին, այս օրերուն ալ նոյնը կրցան ընել ազրպէյճանցիները՝ օգտագործելով մամուլը, ընկերային հարթակները և տանելով յարաբերական աշխատանք: Մենք թերացանք ճշմարտութիւնը բացայայտելու մէջ, չկրցանք ցոյց տալ, որ կեղծ է այն թէզը, որ Ազրպէյճան կ'ուզէ վերափոխանալ իր «պատմական հողերուն», կը կռուի իր «հողերու ամբողջականութեան համար», քարոզչական և յարաբերական անհրաժեշտ արշար չկատարեցինք, չկրցանք համոզել աշխարհը, որ մեր դատը արդար է, չկրցանք վերադառնալ մեր չորս հազար տարուան պատմութեան, իսկ իրենք ցոյց տուին իրենց հարիւր տարուան պատմութիւնը՝ ըսելով, որ ասոնք իրենց հողերն են»,- նշեց Յ. Խաչերեան:

Վարչապետ Նիկոլ Փաշինեանին հետ ՀՅԴ յարաբերութեան անդրադառնալով՝ Յ. Խաչերեան ըսաւ. «Վերջին տասը օրերուն վարչապետին հետ հանդիպումի մեր դիմումին պատասխանը չորս

որ սպասել է ետք ժխտական էր: Անկէ առաջ ալ կայացած մեր հանդիպումներուն մեր արտայայտած մտահոգութիւնները լսող կար, բայց ոչ ընկալող: Բայց և այնպէս, մենք միշտ ալ կը մնայինք ամուր և կը շարունակէինք մեր յարաբերական, դիւանագիտական, նուիրահաւաքի աշխատանքները: Նաև մենք է, որ կը ֆինանսատրէինք մեր կամատրական ջոկատները: Ասկէ վերջ նոր պահ է, նոր աւիշով պէտք է շարունակենք աշխատանքը»,- ընդգծեց Յ. Խաչերեան՝ հաստատելով, որ այս պատերազմը պարտուած ենք, սակայն տակախին յաղթելիք այլ պատերազմներ կան, և անոնց համար պէտք է աշխատանքի լծուիլ:

Արցախեան պատերազմին սահմանագիծին մէջ դաշնակցական վաշտերուն և անոնց դերակատարութեան, ինչպէս նաև քաղաքական մակարդակի վրայ իբրև համախմբող ուժ տարած աշխատանքին մասին ան ըսաւ. «Չեմ ուզեր արժևորել, հայ ժողովուրդը ինք թող արժևորէ, և վստահ եմ՝ պիտի արժևորէ: Մենք այս անգամ ալ ունեցանք նահատակներ, օրինակ՝ մեր հաստատութիւններէն մէկուն մէջ աշխատող նահատակին յի կինը անոր դագաղին ետև քալեց և երկու օր ետք ծննդաբերեց: Ասիկա նոր երևոյթ չէ Դաշնակցութեան և դաշնակցականներուն համար, միշտ ալ այդպէս եղած է, երբ օրհասական պահը հնչած է:

Պատերազմի առաջին օրը՝ սեպտեմբեր 27-ի առաւօտուն, մենք ՀՅԴ Գերագոյն մարմինի միջոցով եղանք վարչապետին կապուող առաջիններէն և մեր պատրաստակամութիւնը յայտնեցինք մեր կառոյցներով ու կարողութիւններով ծառայելու Հայաստանին ու հայութեան: Քանի մը ժամ ետք մեր առաջին վաշտի հերոսները արդէն հաւաքուած էին Արամ Մանուկեանի արձանին մօտ, վերանորոգեցին իրենց ուխտը և մեկնեցան ճակատ: Յաջորդող օրերուն նորանոր վաշտեր հետևեցան անոնց»,- դիտել տուաւ Յակոբ Խաչերեան՝ ատելցնելով, որ Դաշնակցութեան կատարածին գնահատականը պէտք է տայ ժողովուրդը:

Քաղաքական առումով ՀՅԴ Բիւրոյի անդամը յայտնեց, որ 27 սեպտեմբերին միւս կուսակցութիւններուն հետ համատեղ գումարուցեալ զօրակցական հաւաք, երկրորդ հաւաքը եղաւ օրեր ետք, երբ տեղեկութիւններ ստացանք այն մասին, որ հարցերը չեն ընթանար փափաքելի հունով: Հոկտեմբեր 12-ին Բիւրոյի ներկայացուցիչն ու նախագահը մեկնեցան Արցախ և հանդիպում ունեցան Արցախի ներկայիս նախագահ Արայիկ Յարութիւնեանի, նախկին նախագահ Բակո Սահակեանի, Արկաղի Ղուկասեանի, Ռոպերթ Քոչարեանի, Վիթալի Բալասանեանի, Արցախի հայոց թեմի առաջնորդ Պարգև արք. Մարտիրոսեանի հետ կէսգիշերէն մինչև յաջորդ օրը կէսօր: Բոլորին ալ առաջարկ եղած էր, որ պէտք է որոշ փոփոխութիւն մտցնել մեր արտահայաստանեան քաղաքականութեան մէջ, այս պարագային՝ դէպի Ռուսիոյ, և համախմբել մեր կարողականութիւնը, յատկապէս մարդուժը, որ կրնայ որոշ ուղղութիւն և լիցք տալ ստեղծուած այս իրավիճակին: Այդ օրերուն արդէն



կորսնցուցած էինք Ֆիզուլին, Հատրութի շրջակայքը, բայց կը յայտարարուէր, թէ կացութիւնը այդպէս չէ: Մենք կը գտնուէինք բարձունքներուն, բայց տէրը չէինք այդ շրջանին, չեմ ուզեր ատելին ըսել: Նոյն օրը վերադարձան, հանդիպում ունեցան վարչապետին հետ: «Զգուշացուցինք, յիշեցուցինք, լսող կար, բայց մտիկ ընող չկար»,- ըսաւ Յ. Խաչերեան՝ ատելցնելով, որ երբ գործնական ոչինչ շօշափուցաւ, խորհրդարանական և արտախորհրդարանական կուսակցութիւններու համախմբումով յայտարարութեամբ հանդէս եկան:

«Մեր առաջարկը սահմանադրական յօդուածով արդէն սահմանուած կարելիութիւն է, ոչ յեղաշրջում, ոչ իշխանափոխութիւն, ուժերու համախմբման մասին էր խօսքը, որովհետև պահը օրհասական էր: Հարցը հոն այլևս քաղաքական չէր: Մենք առաջարկեցինք վստահութիւն ներշնչող նախկին քաղաքական ծանօթ դէմքերէ, բանակին մէջ վստահ շահած և վստահելի անձնատրութիւններէ կազմուած յատուկ մարմին մը ստեղծել, և ըսեմ, որ առաջարկուած այդ անձնատրութիւններու անուններուն մէջ ոչ մէկ դաշնակցականի անուն կար: Մենք ոչ իշխանութեան կը ձգտէինք, ոչ ալ կ'ուզէինք յանձնախումբերու մէջ ըլլալ, այլ մեր նպատակն էր օգտակար ըլլալ, որպէսզի այս վիճակին չհասնինք, այլ հոգեկան փոփոխութիւն յառաջացնել և մեր բանակը զինել հարկ եղածին պէս»,- շեշտեց Յ. Խաչերեան: Ան յայտնեց, որ եղաւ փոյ մը, երբ արցախեան օդային տարածքը ամբողջապէս գտնուեցաւ ազրայէճանական-թրքական տիրապետութեան տակ, այդ օրերէն ետք էր, որ մեծ կորուստներ արձանագրուեցան, և պատերազմի շրջադարձը սկսաւ՝ ի վնաս հայկական կողմին:

Վերջին բաժինով Յ. Խաչերեան խօսեցաւ Նիկոլ Փաշինեանի ստորագրած յայտարարութեան մասին՝ իբրև ձևի և բովանդակութեան:

«Անին ծախուեցաւ»-էն ալ ատելի գէշ էր ասիկա, հայ ժողովուրդի արժանապատուութիւնը, հայոց պետականութիւնը, Արցախի Հանրապետութիւնը ծախուեցան:

«Չենք հաւատար, որ ասիկա պատերազմի դաշտին վրայ եղած բարդութեան արդիւնք ծրագիր էր, ծրագրի աւարտն էր թերևս: Հայաստանի մէջ թէ անկէ դուրս ապրող ոչ մէկ ողջմիտ անձ կրնայ ըսել, որ թաւշեայ յեղափոխութենէն ետք բանակցային

առումով որևէ յառաջխաղացք արձանագրուեցաւ Արցախի տագնապին գծով: Այն սուտը, որ կը տիրէր պատերազմական օրերուն, տիրական էր նաև քաղաքական գործընթացին մէջ, որուն գծով վարչապետը կը յայտարարէր, որ բանակցութիւնները տակաւին պիտի սկսին զերոյէն, իր վարչապետութեան օրերէն, և որ Փաշինեան այս հարցով պիտի դիմէր ժողովուրդին՝ առանց անոր կարծիքին ու տեսակէտին ոչ մէկ որոշում տալով: Նաև ան յայտարարած էր, որ որևէ փաստաթուղթ պիտի ստորագրէ միայն այն ատեն, երբ Արցախի և Հայաստանի ժողովուրդը համաձայն ըլլայ: Ոչ մէկ ձևով եղան այս բոլորը, ոչ մէկ ձևով վերադարձ կատարուեցաւ ժողովուրդին, նոյնիսկ վերադարձ չկատարուեցաւ ժողովուրդին ընտրած պատգամաւորներուն, որոնք վարչապետին խմբակցութեան անդամ են նաև, ի յայտ եկաւ, որ վարչապետին դաշնակից պատգամաւորները տեղեակ չեն եղած, նախագահը ևս տեղեակ չէր որոշուած համաձայնութենէն՝ բացի իր անմիջական շրջապատէն, իր նեղ շրջանակէն:

Այդ գաղտագողի գործելատճին նախանշանները տուած էր վարչապետը: Պէտք է յիշէք նոյեմբերին առաջին կիսուն վարչապետին կատարած մէկ յայտարարութիւնն ու տխրահոջակ ելոյթը, երբ ներկայացուց ամէն բան ձեռքէ դուրս ելած տրամադրութեամբ, խօսեցաւ ցաւոտ զիջումներու մասին, որոնք ցնցեցին համայն հայաշխարհը: Արդէն մենք իր ձայնի, խօսքի ոճէն նկատեցինք պարտուած ղեկավար մը: Թէև օր մը ետք փորձեց ուղղել, սակայն զգալի էր, թէ հայկական կողմին անունով բանակցողը, պաշտպանութեան գերագոյն հրամանատարը ինչ վիճակի մէջ էր: Մենք առաջարկեցինք մեր օժանդակութիւնը, բայց ինք մերժած էր որևէ օժանդակութիւն. իւրաքանչիւրը իր կաթիլով կրնար լեցնել բաժակը, և այլ վիճակի մէջ ըլլայինք: Յաւ ի սիրտ, պատմութիւնը կարդալով չէ, որ եզրակացութիւն կ'ընեն, մենք կը խօսինք մեր այսօրուան ակնոցով. այս է, որ կը ցուցնէ», - ընդգծեց Յ. Խաչերեան:

Անդրադառնալով ներկայիս շրջանառուող այն լուրերուն, որ Դաշնակցութիւնը իր բողոքի հաւաքներով իշխանութեան կը ձգտի, Խաչերեան ըսաւ. «Այսօրուան կացութիւնը կրնայ քաջալերական չթուիլ ունէ մէկուն, որ իշխանատենչ է: Մենք կ'ուզենք Հայաստանը այսօրուան կացութենէն դուրս բերել, գործակցիլ բոլոր կողմերուն հետ: Մենք ներքին թշնամի չունինք: Ինչ իշխանութիւն, ինչ փառք, կայ ազգային պարտականութիւն՝ քանդուած Անին վերականգնելու: Այսօր մեր թշնամին մեզ պաշարելու վիճակին մէջ է, Հայաստանը պաշարելու վիճակին մէջ է: Մենք վրէժխնդրական ոչ մէկ զգացում ունինք ոչ մէկ անձի նկատմամբ, մենք մեր պարտականութիւնը կ'ուզենք կատարել բոլորով, նոյնիսկ «Իմ քայլ»-ի պատգամաւորներուն հետ, որոնցմէ ոմանք ներկայ կ'ըլլան ցոյցերու: Մենք միայն կը խնդրենք, որ վարչապետը անցնցում հեռանայ»:

Վարչապետի հրաժարականի երկրորդ պատճառն այն է, որ, ընդունուած հասկնալի տրամաբանութեամբ,

պարտուած ղեկավարի հոգեբանութեամբ ոչ մէկ բանակցութիւն կարելի է վարել, և այսօր Փաշինեանը պարտուած ղեկավարի հոգեբանութեամբ անգոր է բանակցութիւն վարելու: «Բաւարար են իր արձանագրած սև էջերը հայոց պատմութեան մէջ: Պէտք է անդրադառնայ, մտածէ, առիթը տայ և հեռանայ իշխանութենէն, կարելիութիւն տայ փրկելու այն, ինչ որ կարելի է փրկել», - շեշտեց ան:

«Վանայ ձայն»-ի տնօրէնը հարցուց, որ եթէ վարչապետ Փաշինեան չհրաժարի, կայ իրաւական, օրինական, սահմանադրական ելք՝ այս կացութենէն դուրս գալու, իսկ եթէ չկայ, որն է այլընտրանքային ծրագիրը:

«Սահմանադրական լուծումներէ առաջ պէտք է ապաւինիլ մեր ժողովուրդին ողջմտութեան, զինուորներուն, կառավարութեան, ազգի ղեկավարներուն, հոգևորականներուն դատողութեան, որպէսզի ստեղծուի անցնցում այս փոփոխութիւնը ընելու մթնոլորտը», - շեշտեց Յակոբ Խաչերեան՝ յառաջիկայ քայլերուն մասին ըսելով. «Մեր թղթածրարը պէտք է պատրաստուի իր իրաւական հիմքերով, և մենք արդէն մեր գրասենեակներուն փոխանցած ենք իրաւաբանական անհրաժեշտ ցուցումները, որպէսզի դիմեն ամերիկեան, կրոնական և ԵԱՀԿ Մինսկի խումբի ղեկավարութեանց: Բայց անմիջապէս պէտք է ունենանք պետական ղեկավարութիւն՝ պետութեան թևի մասնակցութիւնը այդ աշխատանքներուն ատելի յաջող և արդիւնաւէտ տանելու համար, որովհետև այլապէս բոլորս պիտի կորսնցնենք, Սփիւռքի մէջ նստած հայութիւնը պիտի կորսնցնէ», - ընդգծեց Յ. Խաչերեան:

«Տատամտումներ պիտի չըլլան օժանդակութեան ձեռք երկարելու դէպի Արցախ: Մենք պիտի փորձենք այդ ողնայարը շտկել, մենք ժողովուրդը պիտի պատրաստենք այն մտքին, որ մեր հողերուն վերատիրանալու գործը նաև պատերազմ է», - ըսաւ Յ. Խաչերեան՝ իբրև օրինակ թուելով Պէյրութի նաւահանգիստի անհաւոր պայթումէն վնասուած լիբանանահայութեան վերականգնումի ճիգերը:

Հայաստանի մէջ ներքին երկփեղկումի հարցին անդրադառնալով՝ Խաչերեան ըսաւ. «Քաղաքացիական պատերազմը աւարտած է հայուն համար, չկայ հայ մը, որուն ատրճանակը ուղղուի հայու դէմ, բացի դաւաճանէն, որ չկայ Հայաստանի մէջ»:

Իսկ երիտասարդութեան ներուժին վերաբերեալ ան ընդգծեց. «Ներկայով է, որ մենք պիտի կարենանք ձևաորել մեր ապագան: Պէտք է բոլոր նախաձեռնութեանց, բայց մասնաւոր Արցախի վերակառուցման նախաձեռնութեան տերը ըլլայ երիտասարդութիւնը»: ■

Հարցազրոյցը վարեց «Վանայ ձայն» ձայնասփիւռի տնօրէն Վիգէն Ավագեանը
13 նոյեմբեր, 2020 թ.



Յրանտ Մարգարյան «Կամավորական շարժում» ՀԿ նախագահ

Միռելի՛ բարեկամներ, ընկերներ.

Մենք միշտ խոսել ենք ազգ-բանակի, համաժողովրդական բանակի, պահեստագործ կազմակերպելու, պատրաստ լինելու մասին: Ցավոք, մեր կոչերը շատ ուշ են արձագանք գրել, հազիվ կարողացել ենք մե՛նք պատրաստվել: Բայց պատրաստ ենք: Պատրաստ ենք և սպասում ենք հրամանի, պատրաստ ենք և ստում ենք՝ ոչ մի քաղաքական հարց, ոչ մի քաղաքական փարսաձայնություն չի կարող այսօր մեր միասնականության մեջ որևէ կեղտ առաջացնել:

Ազգովի դեպի ճակատ պետք է գնալ, դեմ դուրս գալ և ուժը դեմ փայ թշնամու հարվածներին: Մենք պետք է հաղթենք այս պայերազմում և հաղթանակը պետք է նվիրենք մեր գալիք սերունդներին: Գերխնդիրը թշնամին է, որին պետք է ծնկի բերել: Այս պահին չունենք այլ գերխնդիր: Կգա օրը, նորեն կհավաքվենք, նորեն կքննարկենք ինդիրները, բայց այսօր ունենք մեկ ինդիր՝ թշնամուն ծնկի բերելու, և դրան պետք է պատրաստ լինենք:

Իբրև Գևորգ Չավուշի, Սերոբ Աղբյուրի, Արամ Մանուկյանի, Դուռնան Վարդանի, Թաթուլ Կրպեյանի ժառանգ՝ ՀՅԴ-ն պետք է լինի առաջամարտիկը և գնա առջևից: Պետք է գնանք առջևից՝ մեզ հետ փանելով ժողովրդին ու ազգին: Մենք պետք է կարողանանք սովորեցնել, որ հայրենասիրությունը գործ է, որ պետք է կատարվի, ոչ թե խոսք: Եվ այդ գործի սպացույցը պետք է լինենք մենք բոլորս:

Հրանտ Մարգարյանի խոսքը՝ Արցախի մեկնող ՀՅԴ կամավորներին

Երևան, 27 սեպտեմբերի 2020 թ.



ՀՀԴ Բիւրոյի յայտարարութիւնը

2020 թուականի նոյեմբերի 10-ին ՀՀ վարչապետ Նիկոլ Փաշինեանի կողմից պարտերազմը դադարեցնելու մասին արտրագրուած յայտարարութիւնը ոչ այլ ինչ է, քան պարտողական և նուսարացուցիչ մի փաստաթուղթ, որը ոչ միայն մեծագոյն յանցագործութիւն է հայրենիքի և ողջ հայ ազգի շահերի, իղձերի և նպարակների նկարմամբ, այլ նաև միանշանակօրէն վրանագում և ուրնսհարում է հայ ժողովրդի ներկայ և գալիք սերունդների՝ անկախ, անվրանգ և զարգացող երկրում ապրելու և արժանապարհի ապագայ կառուցելու բացարձակ իրաւունքը:

Հայասրանի և Արցախի ամբողջական անձնատրութեան (կապիտոլյացիայի) մասին դարապարտելի և անընդունելի այս փաստաթուղթն առաջացրել է հայ ժողովրդի ընդվզումն ու ցասումը, որի արդարացի պահանջը կացութիւնը փրկելու նպարակով Նիկոլ Փաշինեանի անցնցում հեռացումն է:

Համաժողովրդական ընդվզման ֆոնին պարասիանատրութիւնից խուսափելու, սեփական իշխանութիւնը երկարաձգելու և բռնի միջոցներով համաժողովրդական ընդվզումը լռեցնելու նպարակով իշխող վարչատրամբը սկսել է ձերբակալել ընդդիմադիր կուսակցութիւնների ղեկավարներին և այլ հանրային գործիչներին:

Խարօրէն դարապարտելով հակաօրինական ձերբակալութիւնները՝ վարահեցնում ենք, որ նման արարքներով անհնար է գալել համաժողովրդական բողոքի և ցասման արդար ալիքը:

Միևնոյն ժամանակ կենսական ենք համարում եռակողմ յայտարարութեամբ նստարեւտած քայլերի իրականացման շորք և առհասարակ Արցախի հիմնահարցի կարգաւորման յաջորդ փուլերի բանակցութիւններին Հայասրանի և Արցախի Հանրապետութիւնների, ընդհանրապէս հայ ժողովրդի շահերը արժանատր կերպով պաշտպանելու հնարատրութիւն սրեղծելու համար՝ վարչապետ Փաշինեանի հրաժարականը այդ պաշտօնից:

Վարչապետի հրաժարականը կը վկայի այն մասին, որ նա իր անձնական քաղաքական փառասիրութիւնը սրորատրաւում է ազգային-պետական շահին: Եթէ իսկապէս վարչապետը եռակողմ յայտարարութիւնը սրորագրել է հայրենիքի մնացորդացի փրկութեան նպարակով, նոյն տրամարանութեամբ նա պիտի հեռանայ իր պաշտօնից՝ հնարատրութիւն տրալով քաղաքական դաշտին միատրելու ազգային ամբողջ ներուժը և դուրս գալու այս իրավիճակից: Զգուշացնում ենք վարչապետին իր բռնութիւններով, հալածանքներով և սադրանքներով երկիրը չտրանել ապակալունացման: Կոչ ենք անում մեր ժողովրդին լինելու զգօն և չտրուելու սադրանքների:

Առնուազն ինքը՝ վարչապետը, շար լաւ գիրի ՀՅ Դաշնակցութեան անսակարկ ու անմնացորդ նոտրումը հայրենիքին, պարտերազմի առաջին իսկ ժամերից հէնց իրեն՝ վարչապետին յայրնսած մեր պարտասարակամութիւնը՝ մեր միջև բոլոր տրարաձայնութիւնները դէն դնելու, և հայոց բանակին զինտրագրուելու Դաշնակցութեան ողջ կառոյցի յանձնատրութիւնը և այդ պարտասարակամութիւնն ու յանձնատրութիւնը հետագայ օրերին ուազմաձակարում և թիկունքի ներքին ու արտաքին հարթակներում իրագործելու փաստը: Պարտերազմի ողջ ընթացքում տրարբեր առիթներով այդ մասին յայրնել ենք վարչապետին:

Վերջապէս դիմում ենք աշխարհացրի մեր երկրատրատրութեան՝ չվհարուելու, չհիատթափուելու և չյուսահարուելու. մեր ազգային շահերի պաշտպանութեան համար մեր յանձնատրութիւնը ամբողջական է, և յարարն պայքարով, թէկուզ երբեմն անյաջող, ի վերջոյ կը հասնենք մեր համազգային նպարակներին:

ՀՀԴ ԲԻՒՐՕ
12 նոյեմբեր, 2020 թ.

Դաշնակցականի ճանապարհը

Արտաշես Շահբազյան

Հայ ժողովուրդն անցավ դժոխքի միջով: Արցախին ու ողջ հայությանը պարտադրված պատերազմի հրդեհի մեջ այրվեց ազգի ծաղիկը, նրա սերունդը մի մասը: Բազմաթիվ են անկրկնելի սխրանքների և անձնագոռի վարքի օրինակները, որոնք ակնառու վկայություններն են հայ ժողովրդի հերոսական ոգու, որ հպարտություն է ներշնչում նման որդիներ ծնող ժողովրդին պատկանելուդ համար: Հերոսներն ու նվիրյալները հավասար են, նրանք բոլորը նույն ազգի զավակներն են, և մենք պարտավոր ենք հիշել բոլորին ու յուրաքանչյուրին առանձնաբար, խոնարհվել բոլորի վաստակի առաջ: Միաժամանակ, որպես մեկ ընտանիքի զավակների, ցանկանում եմ խոսել Դաշնակցության անդամ, հայրենիքի փրկության համար կռված և նահատակված զինվորների մասին: Ուլքեր էին նրանք, որ մեր կյանքի մասն էին և մի ակնթարթային պահի պոկվեցին իրականությունից ու համբարձվեցին երկինք: Նրանք հայրենիքում վերածնված կուսակցության երեսնամյա երթի մասնակիցն ու դրոշակակիրներն էին: Նրանց կշիռն ու առաքիլությունը դիրք, պաշտոն, հասարակական ճանաչում ունենալով չէր պայմանավորված, եթե նույնիսկ իրենց մեջ կային այդպիսիք: Մեզ համար նրանց առաքիլությունը հայրենիքում վերընձյուղված Դաշնակցության պոստերը լինելն էր, եթե անգամ նրանցից ոմանք ավելի ուշ են միացել ազգային պայքարի այդ երթին կամ միացել են հայրենի կառույցին այլ վայրերում, բայց նույն դրոշի ներքո որոշակի ճանապարհ անցնելուց հետո:

Հայրենիքում Դաշնակցության վերածնունդը տեղի ունեցավ արցախյան ազատագրական պայքարի բովում: Կարելի է ասել, որ Դաշնակցության Հայաստանի ներկա սերունդը արցախյան պայքարի սերունդն է, որպես կուսակցական շրջան հավաքականությունը ձևավորվել և գործում է ցայսօր այդ հոգեբանությամբ: 1989 թվականից սկսած՝ ազգային ինքնագիտակցությամբ օժտված մարդիկ՝ երիտասարդ ու հասակավոր, կին թե տղամարդ, գալիս էին Դաշնակցություն, որպեսզի նրա ճանապարհով օգտակար լինելին այդ պայքարին, յուրաքանչյուրը՝ իր կարողությունների ու ընդունակությունների չափով:

Իհարկե, Դաշնակցության գլխավոր անելիքը արվեց Արցախում ու Հայաստանի սահմանների վրա նրանց կողմից, ուլքեր կամավորագրվեցին զինյալ պայքարին: Նվիրյալների այդ բույլից զգալի թվով ընկերներ նահատակվեցին, մյուսները վերադարձան ու ներգրավվեցին երկրի և կուսակցության խաղաղ աշխատանքներում: Լինելով գաղափարական մարտիկներ՝ նրանք երբեք չփորձեցին շահարկել իրենց մարտական կենսագրությունը, առավել ևս չփորձեցին մյուսներից շատ ուզել սեփական վաստակի դիմաց: Նախապես այս տղաներին չճանաչած մեկը, նրանց կողքին երկար ժամանակ գտնվելով, այդպես էլ դժվար թե իմանար, որ իր ընկերն անցել է մարտական փառավորույթի և իրական հերոս է, իսկ գործը հրապարակայնացված չէ, որովհետև այդպիսին է Դաշնակցությունը: Նրանք բոլորը, երեկվա կամավորները, պատերազմից վերադառնալով, եղան սովորական կուսակցականներ, սպրեցին այն



Դաշնակցական կամավորականները

առօրյայով ու հոգսերով, ինչ բոլորը: Մենք մեր ընկերների իրական սխրանքների մասին պատմություններ ենք լսել միայն այն ժամանակ, երբ նրանք այլևս մեզ հետ չեն եղել: Չեմ կարող հիշել որևէ դեպք, երբ անցած ավելի քան քսանհինգ տարվա ընթացքում նրանցից որևէ մեկը պատմեր, թե այսինչ ժամանակ այսպիսի կարևոր բան է արել: Նրանք խուսափել են նաև լրագրողներից ու տեսախցիկներից: Հաճելի տրամադրության, ուրախ առիթների դեպքում ընկերական միջավայրում եթե ինչ-որ բան էլ հիշվել է նրանց մարտական կենսագրությունից, ապա հիմնականում զվարճալի միջադեպեր: Նրանք գատվեցին մյուսներից միայն այն ժամանակ, երբ կրկին զինվորական համագեղատ հագնելու անհրաժեշտություն առաջացավ: Այդպես մեր վետերանները երիտասարդների հետ զենք վերցրին 2016 թվականին և ապա՝ 2020 թվականին: Վերջին պատերազմը եղավ առավել դաժան ու ողբերգական էր, որովհետև այս անգամ ավելի շատ մարտադաշտից դուրս պարտություն պարտադրվեց մեզ, ու կրկնակի ողբերգական դարձան մեր կորուստները: Տեղն է, որ անուն առ անուն հիշենք մեր նոր նահատակներին, սակայն այս անգամ ես այդ բանն անել չեմ ցանկանում: Իմ խոսքը բոլորի մասին է՝ որպես մեկ հավաքականության՝ գործի, գաղափարի, նպատակի ու նահատակության:

Եթե ցանկանում ենք հասկանալ, թե ինչ է արել Դաշնակցությունը Հայաստանում անցած երեսուն տարվա ընթացքում, ապա արժե առաջին հերթին հիշել մեր կամավորներին և նրանց կատարած գործը՝ առանց նսեմացնելու մնացած բոլորի գործունեությունը: Կարելի է ասել, որ Հայաստանում երկրորդ հարյուրամյակի շեմն անցնող Դաշնակցության ճանապարհը հենց դաշնակցականների և մասնավորապես մարտական ուղի անցած ընկերների անցած ճանապարհը եղավ:

Համեստ, պարզ, հայրենասեր ու անձնագոռ մարտիկներ, ուլքեր Դաշնակցության մեջ ճանաչեցին իրենց ժողովրդի հերոսական անցյալն ու չավարտված դատը, անմասցորդ ու պատվախնդրորեն նվիրվեցին հարազատ կուսակցությանը՝ սեփական ուսերի վրա բարձրացնելով նրա հզոր կառույցը և սեփական մեջքին կրելով նրա գործի բեռը: Փառք մեր բոլոր մարտիկներին, հավերժ հիշատակ անմահացածներին: Անկախ իրադարձությունների ընթացքից նրանց կամավոր ընտրությունը եղել է գիտակցված ու արդարացված: Նրանց սպրած կյանքն օրինակ է դառնալու վաղվա պայծառ Հայաստանը կերտողների համար: ■

Արցախի Հանրապետության անկախության հռչակման իրավաքաղաքական հենքը

Գևորգ Ղուկասյան

«Երկիր» ռազմավարական ծրագրավորման հիմնադրամի տնօրեն, ՀՀ պետական կառավարման ակադեմիայի քաղաքական կառավարման և հանրային քաղաքականության ամբիոնի ասպիրանտ

Արցախի Հանրապետության դեմ 2020 թ. սեպտեմբերի 27-ից սանձազերծված լայնամասշտաբ ագրեսիայի և դրան ուղեկցող պատերազմական հանցագործությունների խորապատկերին ցանկանում ենք ուշադրություն հրավիրել Արցախի Հանրապետության անկախության հռչակման և դրա իրացման գործընթացի իրավաքաղաքական հիմնավորումների վրա՝ մեկ անգամ ևս ցուցելով միջազգային իրավունքի տեսանկյունից այդ գործընթացի անթերի լինելը՝:

Արցախի Ժողովրդի ինքնորոշման իրավունքի իրացումը

ՄԱԿ-ի կանոնադրությամբ, ԵԱՀԿ Հելսինկիի 1975թ. եզրափակիչ ակտով և ԽՍՀՄ Սահմանադրությամբ սահմանված կարգով Լեռնային Ղարաբաղի Ինքնավար Մարզի բնակչությունը մարզային իշխանության միջոցով 1988 թ. սկսեց ինքնորոշման իրավունքի իրացման իրավաքաղաքական գործընթաց, որը 1988 թ. փետրվարի 20-ին վերաճեց ինքնավար մարզի մարզխորհրդի՝ ԼՂԻՄ-ը Ադրբեջանի կազմից Հայաստանի կազմ տեղափոխելու և այդ հարցով ինչպես կենտրոնական, այնպես էլ Հայկական ԽՍՀ և Ադրբեջանական ԽՍՀ խորհրդարաններին դիմելու մասին որոշմանը: Հայաստանի խորհրդարանն ընդունեց, իսկ Ադրբեջանինը մերժեց ԼՂԻՄ մարզխորհրդի որոշումը: Մոսկովյան կենտրոնական իշխանությունը հարցի լուծում համարեց Լեռնային Ղարաբաղը ադրբեջանական իշխանությունների տիրույթից դուրս բերելն ու ուղակիորեն Մոսկվային ենթարկելը, ինչի վերաբերյալ որոշումը ԽՍՀՄ Գերագույն խորհրդի նախագահությունը կայացրեց 1989 թ. հունվարի 12-ին:

Ստեղծված նոր իրավիճակից իրավական ելք տրամադրեց 1990թ. ապրիլի 3-ի «**Խորհրդային Միությունից միութենական հանրապետության դուրս գալուն վերաբերող հարցերի լուծման կարգի մասին**» օրենքը: Համաձայն սույն օրենքի երրորդ կետի՝ ինքնավար կազմավորումները, որոնք միութենական հանրապետությունների մաս էին, վերջիններիս՝ ԽՍՀՄ կազմից դուրս գալու դեպքում անկախ էին իրենց հետագա ճակատագրի որոշման հարցում:

Ադրբեջանն իր անկախությունը հռչակեց 1991թ. օգոստոսի 30-ին, Լեռնային Ղարաբաղը՝ սեպտեմբերի 2-ին և չմասնակցեց Հայաստանի՝ սեպտեմբերի 21-ին կայացած անկախության հանրաքվեին՝ այդպես բացառելով անկախացման գործընթացի իրավական խոցելիությունը: Այդ գործընթացի իրավական փուլն ավարտվեց նույն թվականի դեկտեմբերի 10-ի անկախության հանրաքվեով՝ միջազգային դիտորդների մասնակցությամբ:



Համաձայն «Խորհրդային Միությունից միութենական հանրապետության դուրս գալուն վերաբերող հարցերի լուծման կարգի մասին» վերը հիշատակված օրենքի՝ անկախության հանրաքվեն նախապայմանային նշանակություն ուներ, որն Արցախն անցկացրեց Ադրբեջանից վաղ: Ադրբեջանում անկախության հանրաքվե անցկացվեց դեկտեմբերի 15-ին: Ըստ այդմ՝ Խորհրդային Միության կազմալուծման պահին նախկին Ադրբեջանի Խորհրդային Սոցիալիստական Հանրապետության տարածքում, միջազգային և ներպետական իրավական կառուցակարգերին համապատասխան, ձևավորվել էին անկախ և իրավահավասար երկու սուբյեկտներ՝ Ադրբեջանն ու Լեռնային Ղարաբաղը:

Վերոնշյալ գործընթացին ադրբեջանական իշխանություններն արձագանքեցին էթնիկ զտումներով, ապա նաև 1992 թ. լայնամասշտաբ ռազմական գործողություններով, որոնք ուղեկցվում էին էթնիկ զտումներով, քաղաքացիական բնակչության ոմբահարումներով և այլն, որոնք ամբողջությամբ ընդգրկվում են ագրեսիայի մասին միջազգային իրավական սահմանումների շրջանակներում:

Ագրեսիայի ակտը

Միջազգային իրավունքը ժողովրդի, ինքնորոշվող կամ ինքնորոշված սուբյեկտի դեմ ագրեսիան որպես այդպիսին սահմանելը ենթակայորեն չի կապում սուբյեկտի միջազգային իրավաքաղաքական կարգավիճակի հետ: Մասնավորապես ՄԱԿ-ի Գլխավոր ասամբլեան իր 1974 թ. դեկտեմբերի 14-ի թիվ 3314 բանաձևով հաստատել է ագրեսիայի ակտի սահմանումը: Ըստ այդ սահմանման՝ ագրեսիա է համարվում մի պետության կողմից ուժի կիրառումը ընդդեմ երկրորդ պետության սուվերենության, տարածքային ամբողջականության կամ քաղաքական անկախության: Բանաձևի առաջին հոդվածը սահմանում է պետությունների հանձնառությունը՝ բացառելու ուժի կիրառումը ժողովուրդներին

Հարցի նախադեպայնությունը

ինքնորոշման իրավունքից, ազատությունից և անկախությունից զրկելու նպատակով:

Հատկանշական է, որ ըստ բանաձևի առաջին հոդվածի ծանոթագրության՝ «պետություն» եզրույթը կիրառելի է նաև այն սուբյեկտների դեպքում, որոնք միջազգայնորեն ճանաչված չեն: Այդ սահմանումից միանշանակորեն բխում է, որ միջազգայնորեն չճանաչված և ՄԱԿ-ի անդամ չհանդիսացող Արցախի Հանրապետության դեմ ռազմական գործողությունների իրականացումը ագրեսիա է:

Ժողովուրդների ինքնորոշման իրավունքի և քաղաքացիական անբողջականության սկզբունքի հարաբերակցությունը միջազգային իրավունքի հիմնարար փաստաթղթերում

Միջազգային իրավունքը շոշափելի դարձնող հիմնարար փաստաթղթերը, հատկապես ՄԱԿ-ի կանոնադրությունն ու ԵԱՀԿ Հելսինկիի եզրափակիչ ակտը, պետությունների տարածքային ամբողջականության սկզբունքը երբեք չեն հակադրում ժողովուրդների ինքնորոշման իրավունքին: Ժողովուրդների իրավահավասարությունն ու ինքնորոշման իրավունքի հարգումն ամրագրված են ՄԱԿ-ի կանոնադրության հենց առաջին հոդվածում, որում թվարկվում են ՄԱԿ-ի նպատակները: Նույն կանոնադրության 2-րդ հոդվածը սկսվում է նախաբանով, ըստ որի՝ կազմակերպության անդամ պետությունները, հետամուտ լինելով առաջին հոդվածում թվարկված դրույթներին, պետք է գործեն կոնկրետ սկզբունքների համաձայն, այդ թվում նաև ձեռնպահ մնան «ցանկացած պետության տարածքային ամբողջականության կամ քաղաքական անկախության դեմ ՄԱԿ-ի նպատակներին անհարիր որևէ այլ ձևով ուժի գործադրումից կամ դրա սպառնալիքից»:

Այսպիսով՝ տարածքային ամբողջականությունը՝ որպես սկզբունք, չի կարող հակադրվել ժողովուրդների իրավահավասարության կամ ինքնորոշման իրավունքին, որի իրացումը ՄԱԿ-ի նպատակներից է, ավելին՝ եթե նույնիսկ ժողովուրդների ինքնորոշման իրավունքի իրացումը պատճառ է դառնում պետությունների տարածքային փոփոխությունների, ապա դա չի կարող դիտվել որպես տարածքային ամբողջականության խախտում՝ համաձայն այն մասով, որով պետությունների տարածքային ամբողջականության սկզբունքը երաշխավորված է ՄԱԿ-ի կանոնադրությամբ: Այլ կերպ ասած՝ սկզբունքը չի կարող հակադրվել նպատակին:

Հատկանշական է, որ ԵԱՀԿ Հելսինկիի եզրափակիչ ակտի՝ ժողովուրդների ինքնորոշման իրավունքի վերաբերյալ ձևակերպումները, բխելով ՄԱԿ-ի կանոնադրությունից, ամբողջությամբ համահունչ են ՄԱԿ-ի շրջանակներում մշակված 1966թ. «Քաղաքացիական և քաղաքական իրավունքների միջազգային համաձայնագրին» ու նույն թվականի «Տնտեսական, սոցիալական և մշակութային իրավունքների միջազգային համաձայնագրին», ինչպես նաև 1970թ. ՄԱԿ-ի Գլխավոր ասամբլեայի թիվ 2625 (XXV) բանաձևով հաստատված՝ միջազգային իրավունքի սկզբունքների մասին հռչակագրին:

Ինքնորոշման իրավունքի և տարածքային ամբողջականության իրավունքի հակադրման ու տարբեր հակամարտությունների օրինակները բազմաթիվ են ու բազմազան, սակայն Լեռնային Ղարաբաղի ինքնորոշման իրավունքի իրացման առումով թերևս զուգահեռներ անցկացնենք Կոսովոյի խնդրի հետ և հպանցիկ դիտարկենք Արդարադատության միջազգային դատարանի (ԱՄԴ) 2010 թ. հուլիսի 22-ի որոշումը՝ ժողովուրդների ինքնորոշման իրավունքի և տարածքային ամբողջականության սկզբունքի հարաբերակցության վերաբերյալ: Համաձայն ԱՄԴ որոշման՝ միակողմանիորեն անկախության հռչակումը միջազգային իրավունքում որևէ կերպ արգելված չէ, և տարածքային ամբողջականության սկզբունքը վերաբերում է բացառապես միջպետական հարաբերություններին:

Հանուն անկախության և ինքնորոշման իրավունքի իրացման աշխարհում ծայր առած գործընթացները ոչ միայն անկասելի են, այլև վիթխարի արդյունքներ են գրանցել: Այսպես՝ ՄԱԿ-ի անդամ պետությունների թիվը 1945 թվականից առ այսօր աճել է 3,5 անգամ՝ 55-ից դառնալով 193: Դրանց թվում են նորանկախ այնպիսի պետություններ, ինչպիսիք են Էրիթրեան (1993 թ.), Արևելյան Թիմորը (2002 թ.), Չեռնոգորիան (2006 թ.), Հարավային Սուդանը (2011 թ.) և այլն:

Ինչ վերաբերում է Արցախին, ապա Արցախի Հանրապետության անկախության միջազգային ճանաչման գործընթացը նախորդ տարիների ընթացքում դրսևորվել է երեք հիմնական հարթություններում՝ ապակենտրոն ճանաչման, ապակենտրոն համագործակցության և միջխորհրդարանական հարաբերությունների: Դրանք կատարված հսկայական աշխատանքի արդյունք են, որոնք թեև վերջնարդյունքում չեն հանգեցրել Արցախի Հանրապետության՝ որպես միջազգային իրավունքի սուվերեն սուբյեկտի ճանաչման, այնուամենայնիվ, դրա համար խիստ անհրաժեշտ հենք են նախապատրաստել: Այսօր էլ պատերազմական իրավիճակի և Արցախի բնակչության իրավունքների զանգվածային խախտումների խորապատկերին Արցախի անկախության ճանաչումը դառնում է կենսական-անվտանգային նշանակության կանխարգելիչ գործոն: Վերջին մեկ ամսվա ընթացքում Արցախի միջազգային հարաբերությունների շրջանակը շեշտակի զարգացում է ապրել. առկա միտումը ոգևորիչ է:

ԱՀ միջազգային ճանաչման և արտաքին հարաբերությունների մասին առավել մանրամասն խոսել ենք «Դրօշակ»-ի նախորդ՝ 2020/09 համարում հրատարակված «Արցախի Հանրապետության միջազգային ճանաչման գործընթացը» հոդվածում: ■

Հոկտեմբեր 2020թ.

Օգտագործված Աղբյուրներ

1- Մոյն հրապարակման մեջ օգտագործվել են կարևոր նշանակության շեշտադրումներ՝ վերցված ՀՀ արտաքին գործերի նախարարի տեղակալ Շ. Քոչարյանի 2015թ. «Ինչո՞ւ դեռևս կարգավորված չէ Լեռնային Ղարաբաղի հակամարտությունը» հոդվածից:

Արցախյան հակամարտության կարգավորումը փորձությունն Ռուսաստանի համար

Վարդան Հակոբյան

Մեպտեմբերի 27-ին Ադրբեջանի կողմից սանձազերծված հարձակումը Արցախի վրա, դրա հետ կապված ռազմաքաղաքական գարգացումները, իրադրության վերաբերյալ տարբեր դիտորդների գնահատականները նորից տեղիք են տալիս մերձավորարևելյան և հատկապես հարավկովկասյան տարածաշրջանում իրենց շահերը հետապնդող տերությունների իրական նպատակներին առկա որոշ հարցերի արծարծմանը: Այս տեսանկյունից ուշադրության կենտրոնում է առավելապես Ռուսաստանը: Գրեթե 3 դար Ռուսաստանը հայ ազգային, հասարակական, քաղաքական գործիչների ուշադրության կենտրոնում է: Երկար և ոչ միշտ հարթ ճանապարհ է անցել հայ ժողովուրդը ռուսական պետության հետ: Այսօր էլ լսում ենք բազմաթիվ ու բազմապիսի կարծիքներ ու գնահատականներ Հայաստանի նկատմամբ այս երկրի վերաբերմունքի մասին: Դա բնական է, ընդ որում, հիմնականում գնահատում ենք այդ երկրի դերակատարությունը տարածաշրջանում հայերի շահերի տեսանկյունից:

Սույն հոդվածի նպատակն է փորձել քննել Հարավային Կովկասում ստեղծված իրավիճակը՝ ընդհանրացնելով ռուս քաղաքագետների և վերլուծաբանների դիտարկումները: Բայց նախ համառոտ ներկայացնենք, թե քաղաքական ինչ մթնոլորտում է գտնվում ՌԴ-ն:

Վերջին 20 տարվա ընթացքում Ռուսաստանը կարողացավ ոտքի կանգնել, վերականգնեց բանակի հզորությունը, ամրապնդեց իր միջազգային դիրքերը և ինքնիշխանությունը: Դրան զուգահեռ՝ 20 տարի ԱՄՆ-ն, գործընթացի մեջ ներքաշելով իր դաշնակիցներին, ռազմաքաղաքական դիվանագիտական, տնտեսական պատժամիջոցների կիրառման և այլ ճանապարհներով փորձում է զսպել Ռուսաստանի մղումը՝ վերականգնելու նախկինում իր ունեցած հզորությունն ու դերակատարությունը, և սահմանափակել գլոբալ քաղաքական ու տարածաշրջանային գործընթացներին նրա մասնակցությունը: Չանդրադառնալով ՌԴ վերը նշված ձեռքբերումներին՝ դիտարկենք, թե Արևմուտքի դեմ ծավալվող այս կոշտ հակամարտության հետևանքով ինչ իրավիճակում է հայտնվել Ռուսաստանը:

Օգտվելով 90-ական թվականներին Ռուսաստանի թուլությունից և օգտագործելով, այսպես կոչված, գունավոր հեղափոխությունների իրականացման հայտնի միջոցներն ու գործիքները՝ ԱՄՆ-ն նախկին խորհրդային հանրապետությունների տարածքը դարձրեց հակամարտության գոտի: Այսօր Ռուսաստանի հարաբերությունները լարված են այդ պետությունների մեծ մասի հետ, իսկ Ուկրաինայի և Վրաստանի հետ թշնամական են: Իսկ եթե հաշվից դուրս չթողնենք մյուս հանրապետություններում նման դեր ստանձնելու պատրաստ և դրան ձգտող քաղաքական ուժերին, ապա կտեսնենք, որ վերոնշյալ լարվածության գոտու ձևավորումը Ռուսաստանի շուրջ մոտենում է իր ավարտին:



Ռուս քաղաքագետները նաև նշում են, որ նախկին խորհրդային հանրապետությունները «գրավելու» համար Արևմուտքը չի իրականացնում ռազմական կամ օպերատիվ դիվերսիոն գործողություններ, այլ ընդամենը «մարտի» է նետում այդ երկրներում ստեղծած հինգերորդ շարայությունը՝ սպաքարելու ընդդեմ ռուսամետ քաղաքական գործիչների հաստատած կոռուպցիոն ռեժիմի և հանուն ժողովրդավարության հաստատման: Դրան զուգահեռ շարունակում են կիրառել տնտեսական պատժամիջոցները, հետևողականորեն լարում են ներքաղաքական դաշտը, օրինակ՝ բեմադրելով Նավախու թունավորման շուն: Նրանք նշում են նաև այն հանգամանքը, որ թե՛ ԱՄՆ-ն, թե՛ նրա արևմտաեվրոպական դաշնակիցները հրաժարվում են որևէ վիճելի հարց քննարկելուց. մեղադրում են, դատապարտում են և վերջ: Սա նշանակում է միայն մի բան՝ վերջիններս գնալու են մինչև վերջ, մինչև իրենց նպատակների իրականացումը: Իսկ նպատակները հայտնի են՝ նսեմացնել Ռուսաստանին՝ միջազգային հարաբերություններում իջեցնելով նրա ստատուսը երկրորդականի և պահանջելով անվերապահ ենթարկվել Արևմուտքի հաստատած խաղի կանոններին: Նշելով այս հանգամանքները՝ ռուս վերլուծաբանները գնահատում են դրությունը որպես ծայրաստիճան լարված, հղի վատթարագույն հետևանքներով:

Մեպտեմբերի 27-ին Ադրբեջանի հարձակումը Լեռնային Ղարաբաղի վրա եկավ վերջնականապես հաստատելու ռուս քաղաքագետների մտահոգությունները: Այս պատերազմը, որը, թվում էր, թե հայազերիական հեթոթական բախումն է և մի քանի օրից ՄԽ համանախագահողների, մասնավորապես ՌԴ-ի կողմից կասսուվի, հանկարծ դրսևորվեց նոր կողմից, բացահայտեց նոր սպառնալիքներ և անակնկալի բերեց ռուս քաղաքագետներին:

Իհարկե, «անակնկալը» Ռուսաստանին հեթոթական անգամ մատուցեց Թուրքիան: Քաղաքագետները չեն մոռացել Սիրիայում թուրքերի կողմից ռուսական ռազմական օդանավի խցումը, դեսպանի սպանությունը, պարտավորությունների մշտական խախտումը: Վերջիններս գայրացան նրանց հանդգնության վրա իրենց շահերի ավանդական դաշտ՝ Անդրկովկաս ներխուժելու համար: Որոշ քաղաքագետներ հարցեր

էին ուղղում նաև սեփական իշխանություններին, համապատասխան պետական կառույցներին՝ պարզելու, թե ինչպես եղավ, որ թույլ տվեցին թուրքերին օրը ցերեկով գեներալ Գենք ու զինամթերք տեղափոխել Ադրբեջան, զորավարժություններ անցկացնել ու պատրաստել ազերիներին հարձակման և, օգտվելով դրանից, հաստատվել այդ երկրում և քաղաքականություն թելադրել այդ երկրի իշխանություններին:

Քաղաքագետները անդրադարձան նաև Ռուսաստանում քաղաքական ու տնտեսական լայն գործունեություն ծավալող թուրք-ադրբեջանական լոբբին՝ փաստելով, որ ռուսաստանյան էլիտան միասնական չէ այս հարցում, և մի շարք խոշոր գործարարներ իրենց շահերն ունեն թուրքիայի հետ բազմամիլիարդանոց առևտրատնտեսական հարաբերություններում: Վերլուծելով իրավիճակը՝ նրանք հանգում են այն եզրակացությանը, որ իրադրությունը չի կարելի դիտարկել հայ-ադրբեջանական բախման սահմաններում: Այն բազմաշերտ է: Այս հակամարտությունում, բացահայտ մասնակից թուրքիայից զատ, կան իրենց իրական նպատակները քողարկած մասնակիցներ:

Որպեսզի ընդհանրացնենք ռուս քաղաքագետների դիտարկումներն ու եզրակացությունները, պետք է դրանք դասավորենք մի տրամաբանական հարթության վրա: Հետևելով այդ տրամաբանությանը՝ դժվար չէ նկատել, որ, վերլուծելով Ղարաբաղի շուրջ ստեղծված իրավիճակը, նրանք մեկը մյուսի ետևից բացում են ՌԴ-ի առաջ ծառայած խնդիրները, կարծես զբաղված են ռուսական ամենահայտնի հուշանվերով՝ մատրյոշկայով:

Այսպես, փորձելով խորանալ հակամարտության պատճառների և հետևանքների մեջ՝ հասկանալու, թե ինչ դիրքորոշում կողդեգրի Ռուսաստանը, նրանք բացում են առաջին մատրյոշկան, որի մեջ երկրորդն է հայտնվում Ռ. Էրդոհանի կերպարով: Վաղուց արդեն Ռ. Էրդոհանը հետևողականորեն ընդլայնում է թուրքիայի քաղաքական ազդեցության դաշտը՝ ընդգրկելով ողջ տարածաշրջանը՝ Լիբիայից մինչև Կասպից ծով: Նա գործում է արագ և համարձակ՝ հաշվի չնստելով ոչ մրցակից, ոչ գործընկեր, ոչ նույնիսկ դաշնակից պետությունների հետ: Թուրքիայի նախագահի ոճն է օգուտ քաղել գործընկերներից, հնարավորինս օգտագործել նրանց, բայց նրանց առաջ երբեք իրեն պարտավորված չզգալ: Այդպես վարվեց Ռ. Էրդոհանը Վ. Պուտինի հետ Սիրիայում: Իսկ եթե գործընկերը թույլ է, թուրքիան քամում է նրան մինչև վերջ: Այսպես, շահարկելով Վրաստանի հակառուսական տրամադրությունները, ձգտումը՝ անդամակցելու ՆԱՏՕ-ին, ներգրավեց այդ երկիրը իր քաղաքական շահերի ոլորտ: Այսօր թուրքիան օգտագործում է վրացական հաղորդակցական ուղիները՝ Ադրբեջանի հետ անխաթար կապի համար, թուրք առևտրականները ողողել են երկիրը Աջարիայից մինչև ադրբեջանական սահման: Ավելին, ձևացնելով, թե Սիրիայում համագործակցում է Ռուսաստանի հետ, և Վ. Պուտինը իր «թանկագին բարեկամն» է, իսկ Ի. Ալիևը՝ իր եղբայրը, նա աստիճանաբար հող նախապատրաստեց Անդրկովկասում հաստատվելու համար. ոտք դրեց Ադրբեջան, և այլևս դժվար է լինելու նրան դուրս բերել այնտեղից: Էրդոհանի ակտիվ ներգրավումը



այս պատերազմում պետք է դիտել ոչ թե որպես իր ցեղակիցների հետ համերաշխության դրսևորում, այլ որպես հերթական քայլ նեոսոմանական նպատակների իրականացման ճանապարհին: Իսկ այդ ճանապարհը, ռուս քաղաքագետների համոզմամբ, տանում է դեպի Հյուսիսային Կովկաս, Վոլգայի ափերը ու Միջին Ասիա: Դա մահացու սպառնալիք է Ռուսաստանի համար, և նա ցանկացած գնով պետք է դուրս մղի Էրդոհանին Հարավային Կովկասից:

Այստեղ նոր հարցեր են ծագում: Որտեղից է գալիս Էրդոհանի՝ լկտիության հասնող համարձակությունը՝ ավազակի նման խցկվելու Ռուսաստանի կենսական շահերի դաշտ: Դա պարզելու համար բացում են Էրդոհանի մատրյոշկան և տեսնում, որ դրա մեջ թաքնված է ՆԱՏՕ-ն խորհրդանշող մատրյոշկան, ասենք, Ազատության արձանի տեսքով, որի ջահի վրա վառվում է քառակողմ աստղը, իսկ գոտու վրա պատկերված են Բաբեյցի ծովից մինչև Սև ծով ընկած երկրների դրոշները: Գոտու վրա իհարկե կան նաև կազմակերպության զինակիրների՝ ՈՒԿրաինայի և Վրաստանի դրոշները:

Ինչ հետաքրքրություն ունի ՆԱՏՕ-ն դարաբաղյան այս պատերազմում: Չէ որ ԱՄՆ-ն և Ֆրանսիան՝ որպես համանախագահող երկրներ, կոչ արեցին դադարեցնելու բախումը, հայտարարեցին, թե որպես հակամարտության կարգավորման գլխավոր դերակատարի տեսնում են Ռուսաստանը, որի միջնորդությամբ է հնարավոր դադարեցնել պատերազմը:

Ինչո՞ւ են ԱՄՆ-ն և Ֆրանսիան նախաձեռնությունը զիջում ռուսներին: Ինչո՞ւ բեղառուսական ճգնաժամի, Նավախու «թունավորման» և այլ դեպքերում հրաժարվում են նույնիսկ մոտ թողնել Ռուսաստանին, իսկ այս դեպքում լիազորում են նրան կարգավորելու հակամարտությունը: Ինչպե՞ս եղավ, որ ՌԴ-ի հետ Արևմուտքի այս ծայրահեղ լարվածության պարագայում դարաբաղյան խնդրի կարգավորման հարցում վերջինս զիջում է քաղաքական առաջնայությունը: Այն բացատրությունը, թե Արևմուտքը Հարավային Կովկասը միշտ համարել է ռուսական շահերի դաշտ, չի դիմանում քննադատության. ինչ է, Ուկրաինայում, Բեղառուսում, Վրաստանում Ռուսաստանը շահեր չունի: Մյուս կողմից՝ հարց է ծագում, թե այս նույն տարածաշրջանում ՆԱՏՕ-ն որևէ շահ չունի: Իհարկե ունի և հետապնդում է դրանք, իհարկե միջնորդավորված ձևով կամ, կարելի է ասել, ուրիշի ձեռքերով: Միջազգային հարաբերություններում այս գործելակերպը ՆԱՏՕ-ի և, մասնավորապես, ԱՄՆ-ի

կողմից վաղուց է կիրառվում: Որպես օրինակ բավական է նշել Լեհաստանի դերը ուկրաինական գունավոր հեղափոխություններում և Բելառուսում: Մերձավոր Արևելքում և Հարավային Կովկասում այդ դերը հանձնված է Թուրքիային, որի նախագահին ներկայացնում են որպես նատոյական այլախոհ, անկարգ և չարահնի անդամ՝ քողարկելու համար իրենց անմիջական կապն այդ այլախոհի հետ: Արևմուտքը իրականում ոչ միայն դեմ չէ, այլև խրախուսում է Թուրքիային՝ հաստատվելու Ադրբեջանում: Իսկ այդ դեպքում Ռուսաստանը չի էլ կարողանա որևէ հարց կարգավորել Հարավային Կովկասում: Ասել կուզե, թե Թուրքիայի միջոցով ՆԱՏՕ-ն Ռուսաստանը շրջափակող գոտին Բարենցի ծովից կհասցնի Կասպից ծով: Այս ճանապարհով Արևմուտքը փորձում է հասնել ևս մեկ նպատակի, այն է՝ Ադրբեջանը դարձնել ռազմաքաղաքական հենակետ Իրանին ճնշելու համար: Այստեղ բացահայտվում է նաև ազերիներին օժանդակելու Իսրայելի շահագրգռվածությունը:

Իսկ հասկանալու համար, թե ինչու է Արևմուտքը այս հարցում առաջ մղում Ռուսաստանին, վերլուծողները բացում են երրորդ մատրոշկան և տեսնում վերջին՝ ամենավոքոր, բայց ամենամուր, ամբողջական կտորից պատրաստված ֆիգուրը՝ դարաբաղցի պապիկ-սատիկի կերպարով:

Ինչպես է Ռուսաստանը լուծելու այս խնդիրը: Պարտադրելու է կողմերին նստել բանակցությունների սեղանի շուրջ և փոխադարձ զիջումների հաշվին գալ համաձայնության: Բայց արդեն 30 տարի է, դա չի հաջողվում իրականացնել: Ռազմական ուժ կկիրառի երկու կողմերի կամ նրանցից մեկի նկատմամբ: Բայց նրանք անկախ պետություններ են, և դա միջազգային հանրության կողմից կդիտվի որպես ագրեսիա: Բացի այդ՝ կողմերից և ոչ մեկը չի էլ հրավիրում Ռուսաստանին ուժային միջնորդության՝ ոչ Ադրբեջանը, ոչ էլ Հայաստանը: Խնդիրը նաև այն է, որ ռուսների համար ծայրահեղ վտանգավոր է հանդես գալ կողմերից որևէ մեկի օգտին: Եթե որպես դաշնակցի՝ ՌԴ-ն պաշտպանի Հայաստանին, ապա Ադրբեջանի համար դա հիմք կհանդիսանա վերջնականապես կողմնորոշվելու դեպի Թուրքիա և վերջինիս միջոցով անդամագրվելու Հյուսիսատլանտյան դաշինքին: Իսկ եթե պաշտպանելով Ադրբեջանին ուժով պարտադրի հայերին ընդունել կարգավորման Բաքվի պայմանները, ապա կմղի Հայաստանին հրաժարվելու դարավոր ռուսական կողմնորոշումից, այն, ինչը և խորհուրդ էր տալիս Ջ. Բոլթոնը, ու նրան նույնպես կմղի դեպի ՆԱՏՕ, մանավանդ, եթե հաշվի առնենք, որ ՀՀ-ում գունավոր հեղափոխության ճանապարհով իշխանության եկածները պատրաստ են դրան: Եվ փաստ չէ, որ այս դեպքում Ադրբեջանը կմնա ՌԴ ազդեցության դաշտում. Էրդողանը շատ պինդ է բռնել Ալիևի կոկորդից, և վերջինս ի գործու չէ ինքնուրույն որոշումներ կայացնելու:

Այս և բազմաթիվ այլ դատողություններից հետո ռուս քաղաքագետներն ու վերլուծաբանները հանգում են հետևյալ եզրակացություններին:

Նախ՝ Ռուսաստանն արդեն կորցրել է իր հսկողությունը Ադրբեջանի և Հայաստանի իշխող քաղաքական ուժերի վրա: Ի. Ալիևը մաքրեց իշխանությունը

ռուսական ազդեցության տակ գտնվող տարրերից, մասնավորապես՝ Արտաքին գործերի և Պաշտպանության նախարարությունները, և բացարձակապես գործում է Էրդողանի թեղադրանքով՝ կապելով Ադրբեջանի և իր իսկ ապագան Թուրքիայի հետ: Նման կերպ վարվեց նաև ՀՀ վարչապետը: Գալով իշխանության՝ նա առաջին հերթին, մեղմ ասած, չեզոքացրեց Ռուսաստանի հետ սերտ հարաբերությունների կողմնակից քաղաքական գործիչներին, մաքրեց բանակը ռուսամետ հրամանատարներից, վարկաբեկեց ՀԱՊԿ-ը: Ուստի զարմանալի չէ, որ նույնիսկ Հայաստանի տարածքին հարված հասցվելուց հետո նա չքիմեց Վ. Պուտինին, չնայած վերջինս հայտարարեց, որ Ռուսաստանը պատրաստ է կատարելու իր դաշնակցային պարտավորությունները: Մի խոսքով՝ տպավորություն է ստեղծվում, որ ոչ Ալիևը և ոչ էլ Փաշինյանը չեն ուզում ներգրավել ռուսներին այս հակամարտության մեջ: Ալևի հայտ է, որ Ալիևին դա թույլ չեն տալիս թուրքերը, իսկ Փաշինյանին՝ ենթադրաբար իր արևմտյան խորհրդատուները:

Երկրորդ՝ հիմնական խնդիրը ոչ թե կովկասյան երկու հանրապետությունների խամաճիկային իշխանությունները, այլ Թուրքիան է, որի նպատակն է հաստատվել Հարավային Կովկասում և դուրս մղել այնտեղից Ռուսաստանին: Օգտվելով Արևմուտքի ամենաթողությունից և խցկվելով նրա աշխարհաքաղաքական ծրագրերի իրականացման գործընթացի մեջ՝ Թուրքիան իր սեփական պանթուրքական նպատակներն է փորձում իրականացնել:

Երրորդ խնդիրը իհարկե ՆԱՏՕ-ն է: Վերջինս, փաստորեն, պլանավորել և թուրքերի ձեռքով իրագործում է Ռուսաստանի դեմ իր ծրագիրը: Ըստ այդ ծրագրի՝ հայ-ադրբեջանական պատերազմը՝ Թուրքիայի ակտիվ մասնակցությամբ, թակարդ է ռուսների համար: Թակարդ է, որովհետև Ռուսաստանը կամ պետք է հեռանա Հարավային Կովկասից և հրաժարվի իր աշխարհաքաղաքական շահերից այդ տարածաշրջանում, կամ ներգրավվի դրա մեջ և դուրս շարտի թուրքերին Անդրկովկասից ու պարտադրի երկու հանրապետությունների իշխանություններին խնդրի լուծման իր տարբերակը: Բայց վերջին տարբերակը իրագործելու համար քաղաքական, դիվանագիտական, ռազմական ու տնտեսական չափազանց մեծ ջանքեր կպահանջվեն ռուսներից: Կդիմանամ արդյոք Ռուսաստանը այդ բեռին:

Այնպես որ այս վերջին մատրոշկան չնայած փոքր, բայց շատ ամուր է, և ով որ փորձի այն բացել, կարող է ատամները կտրել:

Չհանգելով ընդհանուր եզրակացության՝ ռուս հասարակական-քաղաքական մեկնաբանները համակարծիք են այն հարցում, որ Ռուսաստանը կանգնած է չափազանց բարդ խնդրի առաջ, և այն պահանջում է արագ լուծում: Հաշվի առնելով Դրիմի, Միրիայի փորձը՝ նրանք վստահ են, որ Վ. Պուտինը կարող է լուծել նաև այս խնդիրը: Մենք ևս միանում ենք նրանց այս կարծիքին՝ միաժամանակ հույս տածելով, որ այդ լուծումը չի լինի ի վնաս Հայաստանի: ■

Տեղաբնակներ 2020թ.

Արցախի դեմ Ադրբեջանի սանձագերծած պատերազմը և Վրաստանը

Վահե Մարգարյան

պատմական գիտությունների թեկնածու, ՀՀ ԳԱԱ պատմության ինստիտուտի գիտաշխատող

2020 թ. սեպտեմբերի 27-ին Թուրքիայի լայն աջակցությամբ Ադրբեջանի կողմից Արցախի դեմ սանձագերծված արյունալի պատերազմին Վրաստանի «մասնակցությունը» (խոսքը, իհարկե, դիրքորոշման, չեզոքության պահպանման կամ կողմերից որևէ մեկին այս կամ այն կերպ աջակցելու մասին է) տեղիք տվեց հայ և օտար շրջանակներում բազմաթիվ քննարկումների, մեկնաբանությունների, անգամ որոշ մեղադրանքների: Զուգահեռաբար կրկին ակտիվացան հակամարտող կողմերի գինամատակարարման և գինտեխնիկայի փոխադրման տարանցիկ ուղիների վերաբերյալ պաշտոնական հայտարարությունները, որոնք ոչ միշտ էին համահունչ մասնագիտական և հանրային շահագրգիռ շրջանակների ձեռքերում հայտնված փաստերին:

Վրաստանը տնտեսական, էներգետիկ, ռազմական, տարանցիկ և այլ ոլորտներում խոր կախվածություն ունի իր հարևաններ Թուրքիայից և Ադրբեջանից: Եթե այս ամենին գումարենք նաև երբեմն ծայրահեղության հասնող արևմտամետ, դեպի ՆԱՏՕ ձգտող, մինևույն ժամանակ հակառուսական քաղաքականությունը, ապա «Վրաստանն ինչպես կորստի իրեն ուժերի «ուղղահայաց» և «հորիզոնական» առանցքների օղակների (ՀՀ-Արցախ, Ադրբեջան) միջև ընթացող արյունալի պայքարագրի օրերին, երբ վաղուց ներքաշված է «հորիզոնական» ուժային վեկտորի մեջ» հարցադրումը միանգամայն հասկանալի է:

Պատերազմի նախօրյակին

Նախապատերազմական շրջանում Թուրքիայի և Ադրբեջանի ռազմաօդային ուժերի ինքնաթիռները Վրաստանի օդային տարածքով հաճախակի թռիչքներ են կատարել երկու երկրների միջև: Հայկական և միջազգային փորձագիտական շրջանակները, սակայն, պատերազմի նախօրյակին բարձրաձայնել էին, որ, սկսած սեպտեմբերի 23-ից, այդ թռիչքների թիվը կտրուկ աճել է: Նշված ժամանակահատվածում Թուրքիայի Կայսերի, Թեքրիդաղ և այլ քաղաքների օդակայաններից Վրաստանի օդային տարածքով դեպի Ադրբեջանի Գյանջա (Գանձակ), Եվլախ և Բաքու քաղաքների օդակայաններ և հակառակ ուղղություններով գերակտիվ թռիչքներ են իրականացրել ինչպես Թուրքիայի, այնպես էլ Ադրբեջանի ռազմաօդային ուժերին պատկանող ինքնաթիռները՝ հավանաբար Ադրբեջան տեղափոխելով մեծաքանակ գինտեխնիկա: Ավելին՝ ինչպես Ադրբեջանի ռազմաօդային ուժերին, այնպես էլ ադրբեջանական մասնավոր «Silk Way West»¹ ավիափոխադրողին պատկանող բեռնատար



ինքնաթիռները նշված ժամանակահատվածում կրկին Վրաստանի օդային տարածքով ակտիվ թռիչքներ են իրականացրել նաև Ադրբեջան-Թուրքիա-Իսրայել և հակառակ երթուղիներով: Եթե հաշվի առնենք պատերազմի ողջ ընթացքում կիրառված իսրայելական արտադրության անօդաչու թռչող սարքերի ու այլ տեսակի գինտեխնիկայի ահռելի քանակը, ինչպես նաև այն իրողությունը, որ Իսրայելը Ադրբեջանին զենք մատակարարող հիմնական երկրներից մեկն է, պարզորոշ է, որ պատերազմի նախօրյակին թռիչքների նման ակտիվացումը խոսում է գինտեխնիկայի փոխադրման քանակական աճի մասին: Ըստ այդմ՝ Իսրայելը ևս Թուրքիայի հետ մեկտեղ մասնակցել է Արցախի դեմ ակտիվ ռազմական գործողությունների նախապատրաստմանը:

Պատերազմ, քաղաքական հայտարարություններ

Պատերազմի առաջին իսկ օրերին Վրաստանի նախկին նախագահ Մ. Սահակաշվիլին հայտնեց, որ «...իր դիրքորոշումը լիովին ակնհայտ է, որը հիմնված է փարսաձային ամբողջականության սկզբունքի վրա, հետևաբար Լեռնային Ղարաբաղը Ադրբեջանի Հանրապետության ինքնիշխան փարսաձք է, և որևէ բան չի փոխի այդ հանգամանքը»: Որևէ նորություն չպարունակող, իրավիճակի վրա ոչ մի ազդեցություն չունեցող, այդուհանդերձ, պատերազմի օրերին աղմուկ հանած այդ հայտարարությանը Վրաստանի պետական այրերը շտապեցին արձագանքել՝ միաժամանակ ներկայացնելով Վրաստանի պաշտոնական դիրքորոշումը, երկրի տեղն ու դերը արցախա-ադրբեջանական պատերազմի հարցում: Մ. Սահակաշվիլիի հայտարարության հրապարակման հենց հաջորդ օրը՝ սեպտեմբերի 29-ին, նշված հայտարարությունը Վրաստանի խորհրդարանի առաջին փոխխոսնակ Գիա Վուլսկին որակեց սադրանք: Հայտարարելով, որ Վրաստանն առավելագույնս ձեռնպահ և չեզոք պետք է լինի, Գ.



Գիա Գոլակի

Գոլակին նշել է հետևյալը. «Ապակայունացման և մասսայականության դրսևորում է մի կողմին աջակցություն հայտնելն ու դիրքորոշում արտահայտելն այն ժամանակ, երբ Վրաստանի շահն է հարևանությամբ միայն խաղաղությունն ունենալը: Սահակաշվիլիի նպատակը վրացիների հետ հարյուրավոր տարիներ խաղաղ բնակվող հայ ու ադրբեջանական էթնիկ խմբերի բախումներ առաջացնելն է: Ու եթե Սահակաշվիլիի երազանքը կատարվի, այս ամենը կվերածվի հակամարտության: Այդ հայտարարությունն այլ բան չի կարող նշանակել»:

Չնայած այս հայտարարությանը՝ պատերազմի առաջին իսկ օրերին տեղեկություններ շրջանառվեցին, որ Վրաստանի օդային տարածքով Ադրբեջան է տեղափոխվում ոչ միայն թուրքական և իսրայելական զինտեխնիկա, այլև ահաբեկչական խմբեր Սիրիայից և այլն: Դրությունը Վրաստանում լարվեց հատկապես այն ժամանակ, երբ Վրաստանի սահմանային ծառայության աշխատակիցները թույլ չտվեցին ջավախահայության մարդասիրական օգնության քեռները Նինոմիխայի-Բավրա սահմանային անցակետով տեղափոխել Երևան: Ի պատասխան դրան՝ սեպտեմբերի 29-ին Ախալքալաքի և Նինոմիխայի շրջանների բնակիչները հավաքվեցին սահմանային Կարծախ գյուղում և փակեցին Թուրքիա-Վրաստան նորակառույց միջպետական ճանապարհը: Ինչպես պարզվեց, ջավախահայության նախաձեռնած հանրահավաքի նպատակներից էր նաև Վրաստանի ցամաքային ճանապարհով Թուրքիայից դեպի Ադրբեջան գնալի ու զինամթերքի տեղափոխությունն արգելելը:

Սեպտեմբերի 30-ին այդ ամենը փորձեց հերքել Վրաստանի խորհրդարանի անվտանգության և պաշտպանության հանձնաժողովի ղեկավար Իրակլի Սեսիաշվիլին՝ հայտարարելով, որ Վրաստանը ռազմական տարանցման երկիր չի դառնա: «Վրաստանը դարաբաղյան հակամարտության հարցում չեզոք է և բարիդրացիական հարաբերություններ ունի ինչպես Հայաստանի, այնպես էլ Ադրբեջանի հետ: Երկու պետություններն էլ գնահատում են Վրաստանի դիրքորոշումը, քանի որ հարցը երկրի տարածքով ռազմական տեխնիկայի տեղափոխմանն է վերաբերում: Մենք կտրականապես մերժել ենք բոլորին: Դա գիտեն մեր հարևաններն

ու հարգանքով են վերաբերվում: Մենք վերլուծում ենք իրավիճակը, հերևում ենք գործընթացին ու պատրաստ ենք ցանկացած սցենարի», - հայտարարել է Սեսիաշվիլին՝ ընդգծելով, որ Վրաստանը կողմ է հակամարտության խաղաղ կարգավորմանը և կոչ է անում կողմերին դադարեցնելու կրակը: Նույն օրը հայտարարությամբ հանդես եկավ նաև Վրաստանի վարչապետ Գեորգի Գախարիան՝ նշելով, որ Վրաստանը պատրաստ է ցանկացած ձևաչափով օգնելու դուրս գալու ստեղծված իրավիճակից, այդ թվում՝ հակամարտող կողմերի ներկայացուցիչներին երկխոսության նպատակով ընդունելու Թբիլիսիում: Հետաքրքրական է, որ Վրաստանի վարչապետն իր հայտարարության մեջ Ադրբեջանի սանձազերծած լայնածավալ պատերազմն Արցախի դեմ անվանել է «Ադրբեջանի և Հայաստանի միջև հերթական ռազմական առձևակարգում»՝ հավանաբար Ադրբեջանին ցույց տալու համար, որ Վրաստանը չի ճանաչում Արցախի գոյությունն ու չի ընդունում վերջինիս ինքնորոշման փաստը: Այսպես. «Ադրբեջանի և Հայաստանի միջև հերթական ռազմական առձևակարգման հերևանքով ստեղծվել է բարդ իրավիճակ, կան շար գոհեր, և, ցավոք, մինչ այժմ չի հաջողվել դադարեցնել ռազմական գործողությունները և վերսկսել երկխոսությունը: Բոլորս էլ լավ հասկանում ենք, որ իրավիճակի հերևազա սրումը խիստ բացասական ազդեցություն կունենա տարածաշրջանի անվտանգության վրա: ԵԱՀԿ Մինսկի խմբի համանախագահներն ու միջազգային դերակատարները պետք է առավելագույնս օգտագործեն իրենց հնարավորությունները՝ էսկալացիայի դադարեցման և երկխոսության վերսկսման համար: Ինչպես գիտեք, մեր երկիրը բարիդրացիական հարաբերություններ ունի երկու երկրների՝ Ադրբեջանի և Հայաստանի հետ: Պատմականորեն Վրաստանում ապրող մեր ադրբեջանցի և հայ քաղաքացիները միշտ մեծ դեր են խաղացել մեր երկրի, ինչպես նաև ընդհանուր առմամբ տարածաշրջանի զարգացման գործում: Միևնույն ժամանակ նրանց համակեցությունը լավ օրինակ է, որ վրացիները, հայերն ու ադրբեջանցիները ունեն ներուժ՝ ամբողջ Հարավային Կովկասը դարձնելու



Իրակլի Սեսիաշվիլի

խաղաղության և զարգացման փարածք»:

Վրաստանի օդային տարածքով թուրքական և իսրայելական զինտեխնիկայի, ինչպես նաև սիրիացի ահաբեկչական խմբերի՝ Ադրբեջան տեղափոխման մասին բավականին փաստարկված հրապարակումները հոկտեմբերի 3-ին փորձեց հերքել Վրաստանի պետանվտանգության ծառայության ղեկավար Գրիգոր Լիլուաշվիլին՝ հայտարարելով, թե նման տեղեկատվության տարածման նպատակը տարածաշրջանն ապակայունացնելն է: Վրաստանի տարածքով զենք-զինամթերքի փոխադրման վերաբերյալ Գ. Լիլուաշվիլին նշել է հետևյալը. «Հակամարտության էսկալացիայից հեռու Վրաստանը չի սահմանափակել քաղաքացիական բեռների փոխադրումն իր փարածքով: Միևնույն ժամանակ Ադրբեջանի և Հայաստանի միջև շարունակվող ռազմական գործողությունների պարճատու² Վրաստանի կառավարությունը լարվածության առաջացումից ի վեր ժամանակավորապես դադարեցրել է իր փարածքով՝ ինչպես ցամաքով, այնպես էլ օդով, դեպի երկու երկրներ ռազմական բեռների տեղափոխման թույլտվությունների փրամադրումը: Այդ մասին կողմերը տեղեկացվել են»: Այդուհանդերձ, Վրաստանի օդային տարածքով Ադրբեջան ռազմական նշանակության բեռների փոխադրման վերաբերյալ փաստարկված հրապարակումները շարունակվեցին նաև նշված հայտարարությունից հետո: Անդրադառնալով դրանց՝ Վրաստանի ԱԳ փոխնախարար Լաշա Դարսալիան հոկտեմբերի 13-ին հայտարարեց. «Մենք ցանկանում ենք կրկնել, որ Վրաստանի փարածքով ռազմական տրանսպորտ չի իրականացվում: Ըստ Վրաստանում առկա փաստաթղթերի՝ Վրաստանի օդային տարածքով իրականացվող թռիչքները միայն մարդասիրական ու քաղաքացիական բնույթ ունեն և լիովին համապատասխանում են ICAO-ի չափանիշներին»:

Փաստենք, որ այս հայտարարությունը ևս չի փարատել շահագրգիռ շրջանակների կասկածները, որոնք արդեն փաստական հիմք ստացան հոկտեմբերի 22-ին: Եթե մինչ այդ տարբեր հարթակներում խոսվում էր ռազմական բեռների տեղափոխման թույլտվություն ունեցող ադրբեջանական «Silk Way West Airlines» ընկերության բեռնատար ինքնաթիռներով Ադրբեջան զինտեխնիկայի փոխադրման շարունակականության մասին (դրանք վրաց պաշտոնյաներն իրենց հայտարարություններում անվանել են «մարդասիրական» կամ «քաղաքացիական» թռիչքներ), ապա հոկտեմբերի 22-ին Վրաստանի երկնքում արդեն հստակորեն երևաց Ադրբեջանից դեպի Թուրքիա թռչող՝ Թուրքիայի ՌՕՌԻ-ին պատկանող «TUAF512» (Airbus A400M-180) ռազմական բեռնատար ինքնաթիռը: Հայկական մամուլը, փաստական հենք ունենալով, բարձրաձայնեց այդ մասին³, այդուհանդերձ, Թբիլիսին որևէ պաշտոնական հայտարարություն չարեց այդ առիթով:

**Հայ-ադրբեջանական «հակամարտություն»
Վրաստանում՝ քաղաքական հողի վրա**

Վրաստանի խորհրդարանի երկու գործող պատգամավորներ՝ «Միացյալ ազգային շարժում»-ից Ազեր Սուլեյմանովը և «Վրացական երազանք»-ից Ռուսլան Գաջիևը, պատերազմի հենց հաջորդ օրն իրենց ֆեյսբուքյան էջերում անդրադարձել են արցախա-ադրբեջանական պատերազմին: Ազեր Սուլեյմանովը Հայաստանին մեղադրել է Հարավային Կովկասում անկայունություն մտցնելու և Ադրբեջանի տարածքի 20 տոկոսը օկուպացնելու, ինչպես նաև Վրաստանի դեմ հանցագործություն կատարելու մեջ: Նա նաև բաց նամակով դիմել է Ադրբեջանի նախագահ Իլիամ Ալիևին և նշել, որ «վերջինիս որոշիչ քայլերով իրենց հողերը վերջնականապես կազարագրվեն»: Ռուսլան Գաջիևը նույնպես իր աջակցությունն է հայտնել Ադրբեջանին և նշել, որ «Ադրբեջանի զինված ուժերի հաջող ռազմական գործողությունները՝ իր փարածքային ամբողջականությունը հաստատելու համար, հիմք են դրելու, որ մեր փարածաշրջանում նման հակամարտությունները պետք է շարափույթ լուծում ստանան»: Ադրբեջանցի պատգամավորների հայտարարություններին արձագանքեցին ինչպես Վրաստանի պետական, այնպես էլ հայկական հասարակական-քաղաքական շրջանակները:

Նախկին պետնախարար Պաստա Զաքարեիշվիլին Վրաստանի խորհրդարանի անդամների կողմից արված հայտարարությունն ամոթալի է որակել և նշել, որ կուսակցությունները պարտավոր են պարզաբանել կատարվածը. «Բացարձակապես ամոթալի փաստ է: Նրանք Վրաստանի խորհրդարանի անդամներ են և չգիտեն, թե ինչպես պետք է վարվել. սա անընդունելի է և մրածելու տեղիք պետք է տա կուսակցություններին: Փաստ է, որ այս մարդիկ չեն



Գրիգորի Գախարիա



Գրիգոր Լիլուաշվիլի

զգում, որ Վրաստանի պարզամտություններ են և որպես այլ երկրի պարզամտություն, քաղաքացի կամ նրա շահերը պաշտպանող են ներկայանում: Պետության ինդիքն է, որ հակամարտությունը լուծվի խաղաղ ճանապարհով, և փարածաշրջանում պահպանվի կայունություն, իսկ ներկայումս այս քաղաքական գործիչների դիրքորոշումը լրիվ հակասակն է: Չի երևում, թե նրանք մտածում են փարածաշրջանի կայունության մասին. նրանք ակնհայտորեն մտածում են փարածաշրջանի անկայունության մասին: Առանձին պարզամտությունների այս հայտարարությունը խոսում է այն մասին, որ ակնհայտորեն այս մարդիկ չեն գիտակցում որ երկրի քաղաքացիներ են»:

Բնականաբար, Ադրբեջանը քաջ գիտակցում է Վրաստանի տեղն ու դերը ՀՀ-ի համար՝ ռազմավարական, տարանցիկ և այլ առումներով: Որպես արդյունք՝ ամեն ինչ արվել և արվում է ՀՀ-Վրաստան առանց այն էլ փխրուն հարաբերություններում առավել խոր վիճեր ստեղծելու համար, իսկ այդ քաղաքականության լավագույն գործիքը Վրաստանում ապրող ադրբեջանական զանգվածն է: Բարեբախտաբար, Վրաստանի պետական-հասարակական շրջանակները, քաջ գիտակցելով այդ ամենը, հնարավորինս արագ չեզոքացրին ադրբեջանական սադրանքները: Այդ խնդրում կարևոր դերակատարություն ունեցան նաև Զավախքի հասարակական-քաղաքական շրջանակները: Սանցխե-Զավախքի և Քվեմո Քարթլիի հայկական հասարակական կազմակերպությունների խորհուրդը, Վրաստանի խորհրդարանի՝ Զավախքից ընտրված երկու պատգամավորներից մեկը, Զավախքի առանձին շրջանների ՏԻՄ ներկայացուցիչները, Վրաստանի խորհրդարանական ընտրություններին Զավախքից իրենց թեկնածությունն առաջադրած մի շարք քաղաքական այրեր իրենց հայտարարություններով անվերապահորեն աջակցեցին Արցախյան գոյապայքարին, դատապարտեցին Ադրբեջանի

կողմից Արցախի դեմ սանձազերծված պատերազմը՝ միաժամանակ հայտարարելով, որ ՀՀ-Վրաստան հարաբերությունների վատացմամբ շահագրգիռ ադրբեջանական ուժերն ու անձինք որևէ կերպ հաջողության չեն հասնելու:

Հոկտեմբերի 5-ին հատուկ կոչ-ուղերձով հանդես եկավ նաև Վրաց ուղղափառ եկեղեցու եպիսկոպոս, Ախալքալաքի ու Գումբուրդոյի վարդապետ Նիկոլոզ Պաշուաշվիլին: Հայտարարելով Վրաստանի կողմից չեզոքություն պահպանելու անհրաժեշտության մասին՝ նա կողմերին կոչ արեց դադարեցնելու զինված հակամարտությունը և գտնելու ընդհանուր լեզու. «Ես՝ վարդապետ Նիկոլոզ Պաշուաշվիլիս, սպրում եմ Ախալքալաք, Գումբուրդո, Կարս կոչվող թեմում: Իմ թեմում հայերը ճնշող մեծամասնություն են կազմում՝ ավելի քան 97%: Ես սպրում եմ հայերի մեջ, շփվում եմ նրանց հետ, հոգ եմ փանում նրանց մասին, սիրում եմ նրանց: Եվ հերևարար այն, ինչ կատարվում է այժմ Ղարաբաղում, ինձ համար շատ ցավալի է: Սա քաջ վերք է ոչ միայն ադրբեջանցիների և հայերի, այլ նաև Վրաստանի և, հուսով եմ, ամբողջ աշխարհի համար: Ջավախքում անհիշելի ժամանակներից բոլոր հովիվները ադրբեջանցիներ են (նկատի ունի Զավախքի լեռնային արոտավայրերը վարձակալող անասնապահներին, որոնք ամռանն այս վայրեր են գալիս Վրաստանի ադրբեջանաբնակ շրջաններից – Վ.Ս.), և երբևէ հակամարտություն չի եղել ադրբեջանցի և հայ բնակիչների միջև: Հերևարար մենք, ես՝ անձամբ, և վրացիները, և վրացական պետությունը իրավունք չունենք որևէ կողմի սատարելու: Մենք պետք է ամեն ինչ անենք հաշտության համար: Որպես քրիստոնյա՝ ես ուզում եմ ձեզ հորդորել սիրել մարդուն և սիրել սեփական թշնամուն: Իր հայրենիքի պաշտպանը չպետք է վերածվի մարդասպանի: Ես բոլորին կոչ եմ անում գրնելու ընդհանուր լեզու և դադարեցնելու ռազմական գործողությունները»:



Թուրքական բեռնատար ինքնաթիռը Վրաստանի օդային փարածքով թռչում է դեպի Ադրբեջան

Վրաստանն Իրանի «կարգավիճակում»

Ինչպես Իրանի հյուսիսային շրջանների պարագայում, Վրաստանի՝ Ադրբեջանին սահմանակից շրջանները ևս «անհավտան» պատերազմին. հոկտեմբերի 7-ին՝ գրեթե նույն ժամին, Վրաստանի արտակարգ իրավիճակների ծառայությունը հրթիռի ու անօդաչու թռչող սարքի մասին հաղորդագրություն է ստացել: Պարզվել է, որ Ադրբեջանի կողմից արձակված հրթիռն ընկել է Կախեթի նահանգի Գվարելիի շրջանի (սահմանակից է ՌԴ-ին) Կուճատան գյուղի խաղողի այգում, իսկ կրկին ադրբեջանական անօդաչու թռչող սարքը՝ նույն մարզի Սագարեջոյի շրջանի՝ Ադրբեջանին սահմանամերձ Ուդաբնո գյուղում (գյուղի մոտ է գտնվում նաև Դավիթ Գարեջիի հայտնի վանական համալիրը)⁴: Երկրի ներքին գործերի նախարարությունն անմիջապես հետաքննություն է սկսել:


Եզրակացություն

Չնայած Վրաստանի պատկան բարձրաստիճան պաշտոնյաների՝ չեզոքության մասին բազմաթիվ հայտարարություններին և վստահեցումներին, այդուհանդերձ, հավաստի փաստերի համաձայն, Վրաստանի օդային տարածքով Ադրբեջան զինտեխնիկայի փոխադրման գործընթացն ինտենսիվորեն շարունակվել է պատերազմի ողջ ընթացքում: Այդ ընթացքում Ադրբեջան զինտեխնիկա և վարձկաններ են փոխադրվել ինչպես ադրբեջանական ընկերություններին պատկանող քաղաքացիական, այնպես էլ Թուրքիայի ՌՕՌԻ-ին պատկանող ռազմական բեռնատար ինքնաթիռներով: Զինամատակարարումն իրականացվել է կամ Թուրքիայի և Ադրբեջանի՝ Վրաստանի հետ ունեցած ներքին պայմանավորվածությունների շրջանակներում, կամ ստիպողաբար, այն է՝ Վրաստանի վրա ճնշումների գործադրման միջոցով:

Չնայած որոշ քաղաքացիների հրապարակած տեսանյութերին, այդուհանդերձ, Թուրքիայի կողմից Վրաստանի ցամաքային ճանապարհով Ադրբեջան զինտեխնիկայի փոխադրման փաստերը չհաստատվեցին: Կարծիք կա, որ Վրաստանը դա թույլ չի տվել՝ կանխելով ջավախահայության շրջանում հնարավոր ընդվզումները, որոնց դեպքում փխրուն կայունությունը կարող էր վերաճել անգամ քաղաքացիական (հայ-ադրբեջանական) բախումների⁵:

Չնայած Հայաստանի Հանրապետության իշխանությունների կողմից տարիներով անտեսված լինելու հանգամանքին, ինչպես նաև սեփական հողի վրա ազգային-քաղաքական բազում հիմնահարցերի առկայությանը՝ ջավախահայությունը, փաստորեն, թուրք-վրաց-ադրբեջանական «հորիզոնական» առանցքի հակահայ գործողությունների զսպման հարցում ունեցավ անատարկելի դեր: ■

Հոկտեմբեր 2020թ.



Օգտագործված Աղբյուրներ

1- «Silk Way West Airlines»-ը «Silk Way Holding»-ին պատկանող կազմակերպություն է, որի 3 սեփականատերերից մեկը Իլիամ Ալիևի դուստր Արզո Ալիևն է (սեփականատեր է դարձել դեռևս 2010 թ.՝ 21 տարեկան հասակում): «Silk Way West Airlines»-ն ունի ռազմական տեխնիկա տեղափոխելու թույլտվություն և բավականին հարուստ փորձ: Դեռևս 2005 թ., երբ ընթանում էր աֆղանական պատերազմը, ԱՄՆ ղեկավարությունը պայմանագիր է կնքել «Silk Way West Airlines»-ի հետ՝ Աֆղանստանում գտնվող ամերիկյան և միջազգային ուժերին ռազմական տեխնիկա, զենք ու զինամթերք մատակարարելու համար:

2- Վրաստանի պետանվտանգության ծառայության ղեկավարը ևս պաշտպանում է վարչապետ Գ. Գախարիայի դիրքորոշումը՝ համարելով, որ պատերազմն ընթանում է ՀՀ-ի և Ադրբեջանի միջև:

3- Ինչ կարելի է Ադրբեջանին, չի կարելի Հայաստանին. Վրաստանի երկիրը փակ է միայն Հայաստանի համար, <http://www.yerkir.am/news/view/217681.html?fbclid=IwAR0ciQ1CBXVomUeRnGqGhkUYdvd3rFECzb0kmlr-nlRCFTiXarf0emnVOeB8> (մուտք՝ 26.10.2020 թ.):

4- Դավիթ Գարեջիի համալիրի մոտ ընկած անօդաչու թռչող սարքն էր պատճառը, թե ոչ, այդուհանդերձ, դեպքից 3 օր անց՝ հոկտեմբերի 10-ին, «Վրացական քայլերթ» ազգայնական կուսակցությունը (կազմավորվել է 1 ամիս առաջ, իսկ մինչ այդ՝ շուրջ 4 տարի, գործել է որպես ծայրահեղական խմբերի միավորում) «Նախագուշական» բողոքի ակցիա է կազմակերպել Դավիթ Գարեջիի վանական համալիրի մոտ՝ Ադրբեջանի իշխանություններին վերջնագիր ներկայացնելով:

«Քայլերթ»-ի 50-ից ավելի ներկայացուցիչներ «Գարեջին Վրաստան է» և «Կեցցե՛մ Վրաստանը» վանկարկումներով երթ են իրականացրել, որից հետո «Վրացական քայլերթ»-ի առաջնորդ Սամուր Բրեգվաձեն կոչ է արել հարևան Ադրբեջանին՝ Դավիթ Գարեջիի վերաբերյալ կայացնելու «ընկերական որոշում»: «Մենք Ադրբեջանի իշխանություններին 10-օրյա վերջնագիր ենք ներկայացնում: Կարծում ենք՝ Ադրբեջանը մեր ընկեր երկիրն է, և որպես ընկեր՝ նա դուրս կբերի իր զինված կազմավորումները մեր սուրբ տարածքներից», - ասել է Բրեգվաձեն: Վերջնագրի չկատարման դեպքում «Վրացական քայլերթ»-ը սպառնում էր «խաղաղ» ճանապարհով զբաղեցնել վիճելի տարածքը: Ըստ Բրեգվաձեի՝ Դավիթ Գարեջին «վաճառվել է» Վրաստանի երրորդ նախագահ Մ. Սահակաշվիլիի և Վրաստանի նախկին արտգործնախարար (2008-2012 թթ.) Գ. Վաշաձեի կողմից:

5- Հիշեցնենք, որ Վրաստանի իշխանությունները մեծ դժվարությամբ և ջավախահայության բողոքի հուժկու ալիքի ճնշմամբ թույլ տվեցին հումանիտար օգնության առաջին բեռնատարների ելքը երկրից: Նիխոմիրդա-Բավրա սահմանային անցակետի մոտ հավաքվել էր շուրջ 3.000-5.000 ջավախահայ, ինչն աննախադեպ էր: Վրաստանի իշխանությունները քաջ գիտակցում էին, որ այդ օրերին յուրաքանչյուր անզգույշ քայլ կարող էր անկառավարելի իրադրության առաջացման տեղիք տալ:

Արցախի պաշտօնական ճանաչումը, Ֆրանսան և մասամբ նորին

Հրաչ Վարժապետեան
ՀՅԴ Արեւմտեան Եւրոպայի կեդրոնական կոմիտէի ներկայացուցիչ

Վերջին ամիսներուն ֆրանսալեզու լարուած յարաբերութիւններու հետզհետէ վատթարացումը, որ Փարիզի կողմէ հասաւ մինչև իսկ իր դեսպանը Անգարայէն տուն կանչելու փուլին, թողած է այն տպաւորութիւնը, որ Ֆրանսա շուտով պիտի ճանչնայ Արցախի անկախութիւնը, մանաւանդ արցախեան պատերազմին վերաբերեալ ի նպաստ հայկական կողմին նախագահ Մաքրոնի ծանօթ յայտարարութենէն, ինչպէս նաև ֆրանսական քանի մը քաղաքներու կողմէ Արցախի ճանաչման քայլէն ետք: Անշուշտ, նման տպաւորութիւն պարզունակ է և անլի ցանկութիւն է, քան լուրջ մօտեցում:

Սակայն նախքան Արցախի ճանաչման հարցին անդրադառնալը հպանցիկ ակնարկ մը պէտք է նետել ֆրանսալեզու վերջին ամիսներու անլի քան լարուած յարաբերութիւնների վրայ: Ինչն է թէժացման տոն տոտող պատճառը երկու երկիրներուն միջև, յատկապէս միջերկրականեան արևելեան աւազանին մէջ, ուր տեղի ունեցաւ մինչև անգամ ռազմական ուժի ցուցադրութիւն՝ «Շարլ Տը Կօլ» մարտանաւի գործուղումով:

Փարիզ հաշտ աչքով չ'ընկալեր Էրտողանի՝ Թուրքիոյ նէօսմանական ծաւալապաշտական ախորժակը և այդ ուղղութեամբ քայլերը, որոնք լուրջ վտանգ կը սպառնան ֆրանսական տնտեսութեան ծանր արդինաբերութեան, որ ռազմավարական նշանակութիւն ունի Ֆրանսայի համար: Խօսքը կը վերաբերի առաջին հերթին կազի արտահանման, որ տուեալ ջուրերուն մէջ ֆրանսական «Թոթալ» ընկերութեան «մենաշտրին» է:

Կան նաև այլ պատճառներ, որոնք կը մղեն Մաքրոնը որդեգրելու հակաանգարական իր այս քաղաքականութիւնը: Լիպիոյ ճամբով զէնքի վաճառք-փոխադրութիւնը ծայրայեղ իսլամական ահաբեկչական կեդրոններու և խմբակներու, որոնց գլխատր թիրախներէն մէկն է Ֆրանսան, Թուրքիա-Յունաստան սահմանով գաղթականներու արտահոսքը դէպի



Եւրոպա (Էրտողան յաճախ կը սպառնայ իր դոները բանալ և յաւելեալ մէկ միլիոն գաղթական ուղարկել Եւրոպա) և վերջապէս՝ Էրտողանեան կրկնուող ծանր նախատիւքները Մաքրոնի հասցէին, որոնք, ի դէպ, սկսած են ընդվզում և անհանդուրժողութեան մեծ ալիք յառաջացնել ոչ միայն քաղաքական շրջանակներէն ներս, այլև ֆրանսացի ժողովուրդին մէջ ընդհանրապէս:

Ֆրանսալեզու լարուած յարաբերութիւններուն մթնոլորտին մէջ յառաջ մղուեցաւ նաև Արցախի պաշտօնական ճանաչման հարցը: Հարցում. այս խնդիրը պիտի դրուէր արդեօք ֆրանսական քաղաքական շրջանակներու սեղանին, եթէ տեղի չունենար թուրքազերիական յարձակումը Արցախի և Հայաստանի վրայ, որ անմիջապէս վերածուեցաւ ծանրագոյն պատերազմի: Պատասխանը միանշանակ ոչ է: Սուրիայէն, Լիպիայէն, Փաքիստանէն վարձկաններու, ահաբեկիչներու և ժիհադիստներու ներկայութիւնը մղեց Մաքրոնը անմիջապէս դիրքորոշուելու թրքական կողմին դէմ, իսկ հայկական կողմը, բնականաբար, առիթը օգտագործեց ճանաչման թեման յառաջ մղելու համար: Արցախի և Հայաստանի նախագահները, Հայաստանի վարչապետը այս ուղղութեամբ պաշտօնական դիմում յղեցին իրենց ֆրանսացի գործընկերոջ, իսկ տեղւոյն հայ համայնքը և լուպիին միասնաբար լծուեցան գործի, անլի ճիշդ՝ բազմապատկեցին իրենց աշխատանքը, գոր նախաձեռնած էին արդէն վերջին հինգ տարիներուն, և որուն դրական արդիւնքն էր տարբեր քաղաքներու կողմէ Արցախի ճանաչումը կամ արցախեան քաղաքներու հետ բարեկամութեան համաձայնագրերու կնքումը:

Փակագիծ մը բանանք և ընդգծենք, գէթ պատմութեան համար ու յանուն արդարութեան, որ երբ կը խօսինք հայկական միաւորուած լուպիի մասին, պէտք է առանց բարդոյթներու հաստատել, որ այդ լուպիին մղիչ ուժը, «դիմամօ»ն ՀՅԴ Հայ դատի յաջորդական յանձնախումբերն ու մարմիններն են՝





առանց այլևայլի: Նոյն մղումով ահաասիկ Հայ դատի երկարամեայ բարեկամ, երեսփոխան Ֆրանսուա Փիլիոնի, գործակցաբար ու համադրաբար հայկական լոպպիին հետ, ինչպես նաև վայելելով իր խումբ մը պատգամաւոր գործընկերներուն գորակցութիւնը, անմիջապէս Ազգային ժողով ներկայացուց ճանաչման օրինագիծ մը, որ սկզբունքով պիտի քննարկուի մինչև տարեվերջ:

Ճանաչումը, սակայն, հեշտ ու մանաւանդ անմիջապէս իրագործելի գործընթաց չէ թէ թեքնիք, թէ մանաւանդ քաղաքական առումով: Խորհրդարանի զոյգ պալատներու (Ազգային ժողով և Ծերակոյտ) որոշումին համար հարկաւոր է քուէներու մեծամասնութիւն, որուն ապահովումը կը կարօտի լոպպիստական հսկայական աշխատանքի, որ տեղոյն հայ համայնքը ոչ մէկ ճիգ կը խնայէ, ըլլայ ժողովրդային բողոքի նկատառելի հաւաքներով և ցոյցերով, ըլլայ ակադեմական և քարոզչական շրջանակներու մօտ տարրուող յարաբերական աշխատանքով, ըլլայ քաղաքական հանդիպումներով՝ Էլիզէն մինչև կառավարութիւն, մինչև խորհրդարանի զոյգ պալատներու ներկայացուցիչներ և անդամներ: Սակայն հակառակ ուղղութեամբ ևս աշխատանք կը տարուի անշուշտ:

Թուրքազերիական խաւիարային կամ փեթրոտոլարային քաղաքականութիւնը ընդլայնակէտայ կը շարունակէ գործել յատկապէս քարոզչական դաշտին մէջ, որուն նպատակը հանրային կարծիքը ապակողմնորոշելն է:

Միւս կողմէ՝ կայ նաև հրէական լոպպիին ազդեցիկ ներկայութիւնը այս հարցի առնչութեամբ: Թուրքիոյ և Ատրպէյճանի դաշնակից և զէնքի մատակարարման աղբիւր Իսրայէլի գործօնը, բնականաբար, ջերմաչափին սնդիկն է հրէական լոպպիին համար, ուստի անոր տրամադրութիւնը բացասական է ճանաչման հարցով, նոյնիսկ եթէ հրէական յատկապէս ակադեմական և մտաւորական որոշ շրջանակներ որդեգրած են փրօհայկական դիրքորոշում և դէմ կ'արտայայտուին Իսրայէլի գործադիր իշխանութեան և անոր ականջալուր լոպպիին դիրքորոշումին:

Վերջապէս՝ ամէնէն Էականը Քէ տ'Օրսէի (արտաքին գործոց նախարարութեան) կեցուածքն է, որ բարենպաստ գործօն մը չէ ճանաչման հովովոյթին

մէջ, ընդհակառակը՝ խոչընդոտող հիմնական գործօն է: Ֆրանսայի արտաքին քաղաքականութեան մէջ Քէ տ'Օրսէն միշտ ալ ունեցած է և ունի իր վճռական ըսելիքը, նոյնիսկ եթէ սահմանադրականօրէն հանրապետութեան նախագահին կը պատկանի վերջին խօսքը: Քէ տ'Օրսէ քաղաքական այն հիմնարկն է, որ սոսկական նախարարութենէ մը աւելին է և ունի յատուկ լիազօրութիւններ: Ան Հինգերորդ հանրապետութեան մէջ կը մարմնատրէ Ֆրանսայի ռէալփոլիթիքը՝ զերծ աջի կամ ձախի գաղափարական ուղղութիւններէն, և կը մեկնի միայն ու միայն սեփական երկրի շահերէն: Եւ այս մեկնակէտով է, որ արցալեւան պատերազմի վերաբերեալ առաջին իսկ վայրկեանէն նախարար Ժան-Իվ Լը Տրիան յայտարարեց, որ Փարիզ չէգոք դիրք կ'որդեգրէ՝ հակառակ օր մը առաջ նախագահ Մաքրոնի հոչակած փրօհայկական յստակ կեցուածքին: Իսկ այս պարագային Քէ տ'Օրսէի շահերը այլ բան չեն, եթէ ոչ Թուրքիոյ և Ազրպէյճանի հետ կնքած միլիտար կրոյի տնտեսական համաձայնագրեր՝ քարիտի մարզէն մինչև ռազմական արհեստագիտութիւն:

Վերոյիշեալ բոլոր դժուարութիւններն ու խոչընդոտները գիտակցելով հանդերձ՝ միասնական ֆրանսահայութիւնը կը շարունակէ մնալ պահանջատէր, անդու կը պայքարի Արցախի ճանաչման համար՝ իր բոլոր հնարաւորութիւնները մէկտեղելով և առաջնորդուելով այն համոզումով, որ քաղաքական բառամթերքին մէջ «անկարելի» անկան գոյութիւն չունի, իսկ Ֆրանսան կը շարունակէ մնալ աշխարհի այն սակաւաթի պետութիւններէն, որոնք տակաւին կը պահպանեն համամարդկային արժէքներ: Առ այդ ժողովուրդին քուէով ընտրուած ներկայացուցիչներուն՝ խորհրդարանականներուն որոշումը կրնայ գերազանցել ռէալփոլիթիքը այնպէս, ինչպէս պատահեցաւ Հայոց ցեղասպանութեան ճանաչման պարագային: Այս երկուքը թէև երկու տարբեր թղթածրարներ են, սակայն ունին նաև նկատառելի հասարակ յայտարարներ: ■

Հոկտեմբեր 2020թ.



Հայ քաղաքական միտքի նորագոյն մարտահրավերը՝ այս պատերազմը

Վաչե Բրտունյան

Քաղաքական «մոռացկոտություն» գինը ահաուր է ու անչափելի, տասնամեակներու ընթացքին ձևաորոճած, կազմաորոճած քաղաքական մշակոյթը անտեսելը՝ նոյնպէս:

20րդ դարասկիզբի հայ քաղաքական միտքը մեզի լուրջ ժառանգութիւն մը ձգեց, հարատւութիւն մը: Հայաստանը աշխարհագրական հասկացութենէն պետական կառոյցի վերածելը 19րդ դարավերջի և 20րդ դարասկիզբի հայ քաղաքական միտքի մեծագոյն նուաճումը պէտք է համարել:

Բնչ իրագործեցինք

Այս մտածողութիւնն էր, որ գաղափարական հենքի վրայ նախ պատկերացուց հայութեան քաղաքական անօթը, ապա ձև ու մարմին տուաւ անոր: Հայ քաղաքական միտքը առաջադրեց, որ ինչպէս բոլոր ժողովուրդները, հայութիւնը ևս արժանի է իր հողերուն վրայ ունենալու իր սեփական պետութիւնը: Գաղափարականօրէն ան առաջադրեց նաև, որ հայ ազգը ո՛չ մէկ ուրիշէ գերադաս է և ո՛չ ալ ստորադաս, այլ հաւասարազօր մէկ անդամն է ազգերու համերաշխ գոյակցութեան:

Որպէսզի հայութիւնը իր սեփական պետութիւնն ունենար, անհրաժեշտ էր ազգային-ազատագրական պայքարի դաշտնետուիլ՝ ունենալով գաղափարական ամուր խարխիւս ու քաղաքական ռազմավարութիւն: Մեր ռազմավարական նպատակները իրագործելու համար անհրաժեշտ էր ոչ միայն գործի լծել մեր ներազգային կարելիութիւնները, այլև արտաքին ճակատի վրայ փնտռել ու գտնել զինակիցներ, դաշնակիցներ ու առ այդ՝ նպաստաւոր հող՝ մեր ռազմավարութիւնը յաջողութեամբ պսակելու համար: Ասոր համար էր, օրինակ, որ ՀՅ Դաշնակցութիւնը նախորդ դարասկիզբին, սեփական ուժերուն ապաւինելով հանդերձ, գործնապէս զօրակցեցաւ Պարսկաստանի մէջ սկսած սահմանադրական շարժումին, զինակցեցաւ ուրիշ յեղափոխական շարժումներու հետ՝ ընդդէմ օսմանեան բռնապետութեան: Երոպայի մէջ փորձեց գտնել քաղաքական յենարաններ, յատկապէս օրուան առաջադէմ մտաւորականութեան շարքերէն ներս: Պաքոյի մէջ 1918ին ՀՅ Դաշնակցութիւնը չվարանցեալ զինակցելու բոլշևիկներուն հետ (Սո. Շահումեանի ճամբով)՝ պաշտպանելու համար թէ՛ քաղաքը և թէ՛ անոր հայ բնակչութիւնը: Սեփական ուժերուն ապաւինիլ ու միաժամանակ զինակիցներ գտնել, որպէսզի անոնք ևս մեր մէջ տեսնեն վստահելի խօսակից-գործակից, եթէ պիտի ուզենք հասնիլ մեր ռազմավարական նպատակներուն. այս էր այդ օրերու հայ քաղաքական միտքի կարևոր իրագործումներէն մին, որ այսօր՝ հոկտեմբեր- նոյեմբեր 2020ին, սուր



կերպով զգացնել կու տայ ինքզինք:

Հայ քաղաքական միտքի փայլուն դրսևորումներէն մէկն էր Հայաստանի պետականութեան հռչակումի բանաձևը մայիս 30 1918ին, բայց մասնաւոր այդ անկիւնադարձը իրականութիւն դարձուցած Արամ Մանուկեան երևոյթը: Այդ յայտարարագրին մէջ չէր խօսուեր նորաստեղծ պետութեան սահմաններուն կամ տարածքին մասին, չէր խօսուեր նորաստեղծ պետութեան վարչաձևին մասին: Այդ ամէնը գալիք օրերուն ձգելով՝ պարզապէս կ'ըսուեր, թէ, հաշուի առնելով Անդրկովկասի կոմիսարիատի փլուզումը, Թիֆլիսի Հայոց ազգ. խորհուրդը ինքզինք կը հռչակէ հայկական գաւառներու գերագոյն ու միակ իշխանութիւն, մինչև որ մօտ օրէն կազմուելիք կառավարութիւնը ինք ստանձնէ պետութեան ղեկը:

Բարացուցական պէտք է համարել նաև այն, որ նորանշանակ վարչապետ Հովհ. Քաջազունին պէտք է համախոհական (կօալիցիոն) կառավարութեան գաղափարը, որպէսզի այդ փոթորկոտ օրերուն հայութեան մէջ գործող բոլոր քաղաքական ուժերն ու հոսանքները կրէին պատասխանատուութիւնը՝ երկիրը ոտքի հանելու:

Պետականագուրկ ժողովուրդը մէկ ազգ-պետութեան վերածելու համար օրուան քաղաքական ղեկավարութիւնը Հայաստանը հռչակեց միացեալ, ազատ ու անկախ (28 մայիս 1919): Վերջ կըտրուեր թրքահայ (տաճկահայ)-արևելահայ երևոյթին, վերջ կըտրուեր Արևելահայաստան-Արևմտահայաստան հասկացութիւններուն, և հիմը կըդրուեր ազգի ու հայրենիքի մէկութեան:

Պետականութեան հիմքերը հաստատելուն զուգահեռ՝ հայ քաղաքական միտքի փայլուն դրսևորումներէն էր նաև 1915ի ցեղասպանութիւնը ծրագրած դէմքերը պատժելու որոշումը, որ ընդունուեցաւ Երևանի մէջ ՀՅ Դաշնակցութեան 9րդ

Ընդհանուր ժողովին: «Նեմեսիս» գործողությունը, որ կը միտեր նաև վերականգնելու մեր ժողովուրդի վիրավորումը արժանապատուությունը, միաժամանակ ցոյց տուաւ աշխարհին, որ անպատիժ չեն կրնար մնալ հայութեան ֆիզիքական գոյութեան սպառնացողները: Այս գաղափարը տարբեր տարողութեամբ դրսևորուած էր արդէն 1897ին Խանասարի արշաւանքով: «Նեմեսիսի» պարագային գաղափարն ու էությունը նոյնն էին, միջոցներն ու պայմանները՝ տարբեր:

Ազգի մէկութեան ու ապահովութեան այս գաղափարական նուաճումը կը մնայ հենքը մեր այսօրուան քաղաքական պայքարին, և այդ հենքին վրայ էր, որ ՀՅ Դաշնակցութեան քաղաքական միտքը 1970-80 ական թուականներուն մշակեց մեր դատի հետապնդումի թէ՛ գաղափարական և թէ՛ քաղաքական-նազմավարական մօտեցումները:

Հայութիւնն ու Հայաստանը միացեալ տեսնելու գաղափարական մօտեցումն էր, որ թափ տուաւ հայկական պահանջատիրութեան նոյն այդ երկու տասնամեակներուն: Նոյն գաղափարական հենքին վրայ էր, որ ՀՅ Դաշնակցությունը փարեցաւ Արցախի ազատագրական պայքարին՝ Ստեփանակերտի մէջ ծայր առած ցոյցերուն առաջին իսկ օրէն համոզում յայտնելով, որ այդ պայքարը թէ՛ արդար է և թէ՛ անխուսափելի: Ու չէինք սխալած:

Հայ քաղաքական միտքի 1918ի սերունդն էր, որ ստեղծեց պետական կառոյցներ ու վարչամեքենայ՝ նախարարութիւններ, դատական համակարգ, բանակ, արտաքին յարաբերութիւններ, դեսպանատուներ, համալսարան:

Այս բաժինը ամփոփելով՝ պէտք է նշել, որ Պերլինի դաշնագրէն ետք հայ իրականութեան մէջ ձևաւորուած զէնքի գաղափարը զարգանալով ու մշակուելով հասաւ մինչև պետականութեան ստեղծում, «Նեմեսիս», Սփիւռքի կազմակերպում, Հայ դատի գործնական հետապնդում, Արցախի ազատագրական պայքար: Մէկ խօսքով՝ հսկայական հարստութիւն:

Հասանք մեր օրերը

Ինչպէս վերը հաստատեցինք, 70-80 ական թուականներուն այս հարստութեան շէնքին վրայ նոր քարեր դրուեցան: Դժբախտութիւն է, որ Հայաստանի վերանկախացման տարիներու հայ պետական ղեկավարութիւնը մեծ չափով կտրուած էր այդ հարստութենէն: Մինչև իսկ ականատես եղանք նոյն այդ հարստութիւնը ուրանալու փորձերուն, յատկապէս 90ի սկիզբները և վերջին երկուքուկէ տարիներուն, երբ մեր ժողովուրդի արդար իրաւունքները անտեսելու գնով Թուրքիոյ հետ «բարիդրացիական» կապերու մասին «մեծաշփոխ» յայտարարութիւններ կ'արուէին:

Ճիշդ է, որ Արցախի ազատագրումով կենսական քայլ առնուած էր Միացեալ Հայաստանի կերտման



ուղղութեամբ, և սա անուրանալի իրողութիւն է: Սակայն միաժամանակ հայ քաղաքական միտքի կտրած ճամբան անտեսելու դրսևորումներէն էին նախագահ Ռ. Քոչարեանի օրով սկսած հայթորքական, այսպէս կոչուած, «հաշտեցման» փորձերը: Անգարայի իշխանութիւնները իրենք ևս հետամուտ եղան Սփիւռքի մէջ գտնելու և օգտագործելու հայ Քուիսիսկներ: Այս ճիգերը ձախողութեան մատնուեցան ՀՅ Դաշնակցութեան կողմէ:

Պակաս վտանգաւոր չէին նախագահ Սերժ Սարգսեանի «ֆոյսպոլային դիւանագիտութեան» դրսևորումները: Բարեբախտաբար, սա ևս կարելի եղաւ օրին ձախողութեան մատնել՝ շնորհիւ ՀՅ Դաշնակցութեան թափած ճիգերուն, որ օգտագործեց իր ժառանգած, մշակած ու փայփայած այդ քաղաքական-գաղափարական զինանոցը՝ ստեղծելով ժողովրդային ուժեղ ընդդիմութիւն: Միս կողմէ, սակայն, իրողութիւն է նաև այն, որ Թուրքիոյ Քոչարեան և Սերժ Սարգսեան անդրդուելի մնացին մէկ խնդրի՝ Արցախի անկախութեան պահպանման մէջ ու մերժեցին հարցի լուծման որևէ տարբերակ, որ չէր երաշխաւորեր Արցախի գոյութիւնը Ատրպէյճանի կազմէն դուրս:

Վերջին երկուքուկէ տարիներուն Հայաստանի քաղաքական ղեկը ստանձնած Ն. Փաշինեանի իշխանութիւնը, անկախ անկէ, որ գաղափարական որևէ յայտարարում համոզում չունէր, քաղաքականօրէն ինք ևս մեծ չափով խզուած էր մեր նշած՝ քաղաքական միտքի կուտակած փորձառութենէն: Այս պատճառով ալ թէ՛ ներքին՝ ներազգային վարքագծի և թէ՛ արտաքին քաղաքականութեան մէջ արձանագրեց լուրջ խարխալումներ: Խօսքն ու գործը երբէք չհամապատասխանեցին իրարու: Մինչ 20րդ դարասկիզբի հայ քաղաքական այրերը անձն քառուէն պետականութեան հիմքեր ստեղծեցին՝

համապատասխան հիմնարկություններով (ինստիտուտ), ու ամեն քայլափոխի պետական մտածողության համահունչ քայլեր առին, այս օրերուն մենք ականատես եղանք վարչական կառույցներու լուծարքին, ինչպէս էր պարագան կարգ մը նախարարություններու: 1920ին Նիկոլ Աղբալեանի նման մտաւորական մըն էր, որ գալիք սերունդներու ազգային ու գիտական դաստիարակութեան միտող շօշափելի քայլեր կ'առնէր՝ պետական համալսարան հիմնելով, իսկ այսօր մենք ականատես կ'ըլլանք ազգային դաստիարակութեան այնպիսի հայեցակարգերու մշակման, որոնց ներշնչման աղբիւրները բացայայտօրէն կասկածելի նկարագիր ունին:

20րդ դարակիզրի հայ քաղաքական միտքը ըմբռնած էր այն պարզ ճշմարտութիւնը, որ, մեր սեփական ուժերուն յենելով հանդերձ, անհրաժեշտ է արտաքին քաղաքականութեան գետնի վրայ զինակիցներ որոնել ու գտնել՝ առանց տարբերութիւն դնելու տուեալ ուժերու գաղափարա-քաղաքական հակումներուն միջև: Այսպէս կը բացատրուի թէ՛ Երուպա և թէ՛ Մոսկուա առաքուած դիւանագիտական պատուիրակութիւններու աշխատանքը, որ կը բխէր ամէնուրեք Հայաստանի շահերը հետապնդելու ռազմավարութենէն: Իսկ արտաքին ուժերը ամէն բանէ առաջ, միշտ և ամէնուրեք կը փնտռեն յուսալի ու վստահելի խօսակիցներ: Մեր պետական այրերուն կողմէ դրսևորուած անհետևողական ու շատ յաճախ ալ մեծամիտ դրսևորումները չեն կրնար օտար մայրաքաղաքներուն մէջ յարգանք պարտադրել մեր

երկրին նկատմամբ:

Մեր պետութեան ղեկին այսօր մենք չունինք Ռուբէն Տէր-Մինասեանի ռազմավարական միտքին հաղորդ անձեր, չունինք Նիկոլ Աղբալեանի նման հայ մշակոյթի խորքերը պեղած անձնաւորութիւններ, չունինք Արամի կամքին գաղափարական ակունքներուն քաջածանօթ պետական ղեկավարներ:

Հայաստանի վերանկախացումէն ետք հայ քաղաքական միտքի՝ մեր նշած հարստութենէն խզումը ծանր կացութեան մատնած է մեր երկիրն այսօր: Այսօրուան կացութեան մէջ դրական բեկում կարելի է մտցնել միայն այն պարագային, երբ մեր երկրի քաղաքական վերնախաւը ընկալէ, իրացնէ և տիրութիւն ընէ մեր հարիւրամեայ կենսափորձին՝ հետևելով Արամ Մանուկեանի, Նիկոլ Աղբալեանի և ընդհանրապէս 1918ի սերունդին թողած հոգեմտաւոր ժառանգութեան: ■

Հոկտեմբեր 2020թ.



Հունական դիցաբանության վրեժի Աստվածուհի «Նեմեսիս»ի արձանը

Ապագայի կուսակցություն (ՀՅԴ հայրենասցման երեսունամեակին առիթով)

Շողիկ Աշրգեան
Պատմական գիտությունների թեկնածու

«Դաշնակցությունը իր արժեքաբանությամբ ոչ միայն անցեալի և ներկայի կուսակցությունն է, այլև ապագայի»: (Յայտարարություն, ՀՅԴ Հայաստանի Գերագոյն մարմին, 8 Օգոստոս, 2020)

Ա. Յեռահայաց ակնարկ

Իրաքանչիւր ազգ կ'ունենայ իր տարերքը, որ «կը փոթորկի» պատմական ճակատագրական պահերուն, կը շարժի անսխալ ուղղությամբ ու անշրջանցելի կերպով: Ընկերային ամէն շարժում կամ քաղաքական ամէն ալիք, թեկուզ և հոժկու, անպայմանօրէն տարերքի արտայայտութիւն կրնայ չըլլալ: Հայրենի հայութեան տարերքը վերջին անգամ փոթորկեցաւ 1988ին, որուն իբրև հետևանք՝ ան իր վրայէն յաղթականօրէն թօթափեց խորհրդային լուծը, դարձաւ պահանջատէր և, ինչպէս միշտ հայոց պատմութեան մէջ, յաղթական ամարտին հասցուց իր նորագոյն ազատագրական պայքարը՝ Արցախի անկախ պետութիւնը հիմնելով:

Ընթացիկ տարուան օգոստոսին լրացաւ Հայաստանի մէջ ՀՅ Դաշնակցութեան պաշտօնական ներկայութեան երեսունամեակը: 1989էն հայրենի հողին վրայ արդէն վերընձիտած՝ հանրապետութեան ամբողջ տարածքին կառոյց ունենալու մասին 8 օգոստոս 1990ի իր յայտարարութեամբ ՀՅ Դաշնակցութիւնը մուտք գործեց քաղաքական դաշտ: Հայաստանը ամբողջապէս չէր անկախացած, իշխանութեան բաժնեկիցներ էին Համայնավար կուսակցութիւնն ու ՀՀԸն:

Դաշնակցութեան վերադարձը հայրենիք պայմանաւորուեցաւ 1988ի արցախեան պահանջատիրութեան պատմական պահու թելադրանքով, երբ Հայաստանի ու Արցախի հայութիւնը «կու գար տէր կանգնելու համազգային այն առաջադրութեանց, որոնք կը ներշնչուէին հայ ազգային-ազատագրական պայքարէն և կ'արձագանգէին Հ.Յ.Դաշնակցութեան գաղափարական ամանդներուն» (ընդգծումը մերն է),- ինչպէս օրին կը հաստատէր հայրենի հայութեան վերադառնալու իր որոշումը «Դէպի Երկիր» տարագումով բանաձևած ՀՅԴ 24րդ Ընդհ. ժողովը (1988): Վերադարձի առաջին հաստատական քայլերը սկիզբ առին Արցախէն, ուր ՀՅ Դաշնակցութիւնը ազատագրական պայքարին իր մասնակցութեամբ և անոր գաղափարական յստակեցում ու նպատակաւազ ուղղութիւն հաղորդելու առումով յառաջապահ ուժերէն մէկը եղաւ:

Վերահայրենացումով անոր համար սկիզբ առաւ պետականաշինութեան մէկ նոր հանգրուան մը՝ կամրջելով Հայաստանի առաջին հանրապետութեան (1918-1920) կենսափորձը, գումարած Սփիւռքի



կազմակերպման, արդիւնաւետ կառավարման, անոր՝ քաղաքական, մշակութային, ընկերային և յարաբերական մարզի մէջ հարուստ փորձառութիւնը, որ սեփականութիւնը դարձաւ կուսակցութեան հայրենի կազմակերպական նորակազմ միաւորին: Այնպէս որ ՀՅ Դաշնակցութիւնը հայաստանեան իրականութեան մէջ առաջին օրէն գատորոշուեցաւ նորակազմ կուսակցութիւններէն և շարժումներէն իր մէկդարեայ պատմաքաղաքական հարուստ կենսափորձով, բայց նաև իր ընկերվարական գաղափարախօսութեամբ և ունենալով համահայկական կազմակերպական կառոյց: Ասոնց կողքին իր հետ բերաւ արդիական քաղաքական մշակոյթ:

Պէտք է հաստատել, որ վտարանդի ՀՅ Դաշնակցութիւնը բնաւ չէր դադարած հայրենիք իր վերադարձը փայփայելէ: Երկբևեռ աշխարհակարգի մէջ այդ մէկը ցնորատեսութեան հաւասարագօր էր: Գրաւը դրուած էր ոչ այնքան աշխարհաքաղաքական կացութիւններու փոփոխականութեան վրայ, որքան այն համոզումին, որ հայութեան խորթ որևէ վարչակարգ չէր կրնար տևական ըլլալ: Այդ համոզումով ալ Դաշնակցութիւնը խորհրդային վարչակարգին հանդէպ իր գաղափարական և քաղաքական ընդդիմախօսի դիրքէն անխնայ քննադատեց Խորհրդային Հայաստանի իշխանութիւնը, բայց միաժամանակ սփիւռքահայ զանգուածներուն ուշադրութիւնը սևեռած պահեց ՀԱՅԱՍՏԱՆ ՀԱՅՐԵՆԻՔԻՆ վրայ՝ անոնց մէջ վառ պահելով Ազատ, Անկախ և Միացեալ Հայաստանի ազգային տեսլականը, գոր իրականացած տեսնելու յոյսով Սփիւռքի մէջ դաստիարակուեցան սերունդներ: Միւս կողմէ՝ 8 օգոստոս 1990ի յայտարարութիւնը եկաւ ցոյց տալու, որ խորհրդային ամբողջատիրական կարգերուն տակ ապրող հայը սպասած էր Դաշնակցութեան վերադարձը, որուն ծլարձակումը, լաւագոյն փաստը ըլլալով, բոլոր ժամանակներու համար տուած կ'ըլլար բիրտը ու հատու պատասխանը բոլոր անոնց, որոնք ինչ-ինչ շի ու շեղ հաշիւներով պիտի փորձէին սեպ խրել կամ խրամատ բանալ

հայրենի ժողովուրդին և Դաշնակցության միջև:

Արդարև, այն պատմական օրերուն շահադէտությունը, ակամայ ընտրանքը կամ ուղղորդումը մուրանքը չէին, որոնք խորհրդային հայ մարդը մղեցին կուսակցություններու (անոնց կարգին յատուկ նպատակով ստեղծուած կեղծ «Դաշնակցություն»ը) և շարժումներու առատության մէջէն ընտրելու Դաշնակցությունը, այդ կուսակցության պատմությունը, գաղափարախօսությունը, անոր ազգային նպատակները, այդ կուսակցության հետ կապուած ընտանեկան ժառանգական յիշողությունը, ընդհանրական բացատրութեամբ՝ ազնիւ ու գիտակից հայ մարդու գաղափարականութիւնն ու ազգային ձգտումները:

Աւելին՝ Հայաստանի մէջ Դաշնակցութեան ՎԵՐԸՆՁԻԻՎՈՒՄԸ եկաւ ապացուցելու Խորհրդային Հայաստանի իրերայաջորդ իշխանութիւններու հակադաշնակցական պետական քաղաքականութեան սնանկութիւնը, առ այն, որ, հակառակ հալածանքի ու աքսորի, հակառակ հետևողական հակաքարոզչութեան, կարելի չէր եղած հայրենի հայութենէն արմատախիլ ընել Դաշնակցությունը, որ իր հիմնադրութեան (1890) հետևած երեսունամեայ ազատագրական պայքարով, անկախ պետութիւն կերտելով խոր հետք ձգած էր հայ մարդու մտքին ու հոգիին մէջ: Փաստօրէն, ան դուրս չէր եկած հայրենի բնաշխարհէն, արմատախիլ չէր եղած հայրենի հողէն: Հայրենի հայութեան մէջ անթելուած մնացած էր իբրև ոգեղէն ներկայութիւն, իբրև ազգային ապրումներու ու նպատակներու խորհրդանիշ կուսակցութիւն:

ՀՅ Դաշնակցութեան հայրենացումը իր հետ բերաւ կարգ մը ճշմարտութիւններ, որոնք ինչպէս այն օրերուն համար, այնպէս ալ ներկայի և ապագայի համար անժամանցելի են.


- 2-կայ դուրսի և ներսի Դաշնակցութիւն. կայ ՄԷԿ Դաշնակցութիւն:

- Կայ ՄԷԿ հայութիւն՝ Սփիւռքի և հայրենի հատուածներով, որոնք իրենց ազգային ապրումներով և ձգտումներով անբաժանելի են:

Եւ վերջապէս՝ ՀՅ Դաշնակցութիւնը, Հայաստանի մէջ կազմակերպական կառոյց ունենալով (Խորհրդային Հայաստանի մէջ կուսակցութիւնը իր կառոյցը լուծարած էր 1933ին՝ հայրենի հայութեան ապահովութիւնը չվտանգելու նկատառումով), դադրեցաւ համասփիւրքեան կուսակցութիւն ըլլալէ և դարձաւ ՀԱՅՐԵՆԱԿԱՆ կուսակցութիւն՝ վերագտած ըլլալով իր գոյութեան և լինելիութեան պատմական մայր հունը, ուրկէ հարիւրամեայ կուսակցութեան համար սկիզբ կ'առնէր անկիւնադարձային պատմական մէկ նոր հանգրուան:

Բ. Երեսունամեայ կենսափորձին հետքերով... և անկէ անդին

Անցած երեսուն տարիները եկան մեծապէս հարստացնելու 130ամեայ կուսակցութեան գործունէութեան ծանրակշիռ վաստակը,



ազատագրական պայքարի կենսագրութիւնը, մարտական, ազգային, քաղաքական, բարոյական և մարդկային դիմագիծը, 1918-1920 թուականներու պետականաշինութեան կենսափորձին վրայ գումարուեցաւ երեսուն տարիներու ներդրում: Կը բաւէ հայանցիկ թղթատել ՀՅԴ անցած երեսուն տարիներու մամուլը՝ համոզուելու համար, թէ ՀՅ Դաշնակցութիւնը (ընդդիմութիւն, թէ իշխանութեան մաս կազմող կուսակցութիւն) ինչ գնահատելի ներդրում ունեցած է Արցախի ազատագրական պայքարին, պետականաշինութեան, պետութեան հզօրացման, հայրենիքի շէնսցման և քաղաքացիական հասարակութիւն ստեղծելու մէջ:

Բայց և այնպէս, պէտք է հարց տալ. ՀՅ Դաշնակցութեան գործունէութիւնը գնահատելու համար բաւարար չէ նկատի ունենալ անոր անսակարկ նուիրումը հայոց նորագոյն ազատագրական պայքարին, երբ թշնամին յաւելեալ արին կը պահանջէր հայութենէն, մինչ առաջին իշխանութիւնը հետամուտ էր միայն յաւելեալ նիւթական արժէք դիզելու՝ պետական նշանակութեամբ տնտեսական կառոյցները փոշիացնելով, վայրագ ազատականութեան ծուռ հիմերուն վրայ պետականութեան առաջին քարերը դնելով: Պէտք է հարց տալ, թէ անոր որ կեցումածքը կամ քայլը համահունչ չէր պետութեան շահերուն կամ հայրենի հայութեան պահանջներուն ու ձգտումներուն: Ուրեմն ինչո՞ւ ան անկախ ու ժողովրդավար Հայաստանի մէջ հալածուեցաւ, հարուածուեցաւ, բանտարկուեցաւ, ինչո՞ւ ի տես այս ժխտական երևոյթին՝ յանուն ճշմարտութեան ու արդարութեան ժողովրդային բողոք չբարձրացաւ, ինչո՞ւ ներկայիս կը մեղադրուի երկրորդ և երրորդ իշխանութիւններուն հետ այս կամ այն ձևաչափով համագործակցած ըլլալուն համար (արդե՞տք այն պատճառով, որ անոնց առաջին դէմքերը, Արցախէն իրենց հետ ներագգային քաղաքական կեանքը չբնեռացնելու մշակոյթ բերած ըլլալով, բացայայտօրէն թիրախ չընտրեցին Դաշնակցութիւնը՝ ի տարբերութիւն առաջին և չորրորդ իշխանութիւններու առաջին դէմքերուն), ան ինչ պէտք է ընէր, որ չըրաւ կամ թերացաւ ընելու: Ինչո՞ւ ներկայիս անոր դէմ նոր արշաւ մը սանձազերծուած է Հայաստանի մէջ և անկէ դուրս՝ մինչև Լիբանան և քիչ մը ամէն կողմ, ո՞վ, ինչ ուժեր կանգնած են նորոգ

այդ արշալի թիկունքին, երբ Դաշնակցությունը չունի «ներքին թշնամի», երբ անոր համար խորթ է այդ հասկացությունն իսկ:

Այս և շատ այլ հարցադրումներ բացառապես կը դրուին ՀՅ Դաշնակցության նկատմամբ Հայաստանի իշխանություններուն կեցուածքները նկատի ունենալով: Անոնց պատասխանները պետք չէ փնտռել ժողովուրդին մէջ, որովհետև ՀՅ Դաշնակցությունը ժողովուրդին հետ խնդիր չունի, չէ ունեցած, անկէ պահանջելու հաշիւ չունի, թէև արդարօրէն անկէ ունի ակնկալիք, բայց ոչ կուսակցական նպատակներու համար, այլ ժողովուրդին իսկ բարօրութեան ի խնդիր: Ան կ'ակնկալէ ու կ'աշխատի, որ հայ քաղաքացին գիտակից դառնայ իր ազգային, մարդկային, քաղաքացիական, ընկերային և տնտեսական իրաւունքներուն և պայքարի անոնց տէր դառնալու համար:

Ներկայիս ՀՅ Դաշնակցությունը կը մեղադրեն Հայաստանի երկրորդ և երրորդ իշխանություններուն հետ գործակցած ըլլալուն համար: Պէտք է յստակեցնել. ՀՅ Դաշնակցությունը այնքան ատեն, որ իշխող կուսակցություն չէ, եւ ընդդիմադիր է (քննադատելով իշխանութեան բացթողումները, նոյնիսկ երբ պետական պաշտօնով մասնակից է իշխանութեան), եւ պետութեան հզօրացման համար իշխանութեան զօրակիցն ու գործակիցը՝ առանց անոր կցորդը դառնալու: Այս պարզ ճշմարտությունը չհասկնալ ձևացնելը կամ խեղաթիւրել ջանալը քաղաքական և պետական մտածելակերպի տհասություն է:

Առ ի գիտութիւն այսպիսի մտածողներուն՝ ՀՅ Դաշնակցությունը գործակցած է նոյնիսկ Խորհրդային Հայաստանի իշխանութեանց հետ: Այնպէս որ ՀՅ Դաշնակցությունը Հայաստանի անկախութենէն տասնամեակներ առաջ կտրած անցած է Սփիւռքի և հայրենի հայութեան հատուածները իրարմէ բաժնող սահմանը՝ կարելի դարձնելով կենդանի քաղաքական կայի հաստատումը խորհրդային վարիչներուն հետ ազգային հասարակաց օրակարգի շուրջ՝ այս պարագային Հայոց ցեղասպանութեան յիսնամեակին իբրև մէկ ժողովուրդ պահանջատէր ներկայանալու:

ՀՅ Դաշնակցությունը համագործակցութեան իր

ձեռքը հաւասարապէս մեկնեց անկախ Հայաստանի բոլոր իշխանություններուն: Անոր այս կեցուածքը սկզբունքային էր և պայմանաւորուած չէր միայն քաղաքական իրադրություններով, այլ կը բխի անոր զաղափարախօսութենէն, արժէքաբանութենէն և քաղաքական առաջադրանքներէն, պետությունը հզօրացնելու համար համահայկական միասնությունը ամրապնդելու ու մէկ բռունցք դառնալու հրամայական անհրաժեշտութենէն: Իշխանությունները իրենք էին, որ մերժեցին համագործակցի, իրենք էին, որ պէտք եղած ձևով չզննատեցին Դաշնակցութեան ներուժը, իրենք էին, որ հակադրուեցան Դաշնակցութեան: Քաղաքական խաղի կանոններէն անդին՝ հասարակությունը Դաշնակցութենէն հեռու պահելու նպատակադրումով ժողովրդային զանգուածներու ենթագիտակցականի մէջ առկայ ծաղրաշնակցականություն հրահրեցին (ներկայիս ճիշդ այդ երևոյթին ակնատեսներն ենք), որովհետև ժողովրդային զանգուածներէն առաջ և անոնցմէ աւելի իշխանաւորները իրենք քաջածանօթ են ՀՅ Դաշնակցութեան պատմութեան, անոր ներկայացուցած ուժին ու հետապնդած ազգային նպատակներուն և մանաւանդ շատ լաւ գիտեն, որ Դաշնակցութեան ուժի միակ աղբիւրը ժողովուրդն է:

Եւ ինչ ցոյց կու տան փաստերը: Հայաստանի առաջին նախագահին բիրտ հարուածը, ներկայ իշխանութեան առաջին դէմքերու զիկզակուող փոքր քայլերու մարտավարությունը անզօր դուրս եկած են ՀՅ Դաշնակցությունը շեղեցնելու իր ուղեգիծէն կամ զայն լուսանցքայնացնելու քաղաքական ասպարէզէն: Անոր պատասխանը ԴԱՇՆԱԿՑԱԿԱՆ ԳՈՐԾը եղաւ: Ան անշեղօրէն կը շարունակէ առաջ անցնիլ: Կը շարունակէ համակարգային փոփոխություններու պահանջը դնել, կառուցողական դիրքերէ դէմ կանգնիլ ազգային քաղաքականութեան ուղիէն շեղող սամէն քայլի, իշխանություններէն կը պահանջէ ազգային պահանջատիրական խիզախ կեցուածքներ ու հաստատուն քայլեր, անոնցմէ կ'ակնկալէ պետությունը չկուսակցականացնել, ի խնդիր քաղաքական կայունութեան և հասարակական բնականոն զարգացման՝ պետական շահը գերիվեր դասել կուսակցական-խմբակային նկրտումներէ...և մասամբ նորին:

Գուցէ ոմանք այսպէսն, քննադատեն, մեղադրեն ՀՅ Դաշնակցությունը ժողովուրդին գլուխը չանցնելու, բաւարար քաղաքական վճռականություն չցուցաբերելու և պէտք եղած քաղաքական արդինամետ գործելակերպեր չկիրարկելու մէջ: Արդե՞ծք իրեն պակսեցաւ անհրաժեշտ կամքը, գուցէ շատ աւելի վճռական պէտք է ըլլար և այս կամ այն ձևով հասնէր իշխանութեան՝ «Եթէ կ'ուզէք, որ ձեզ ղեկավարենք, կը ղեկավարենք» ի փոխարէն ընտրելով այլ մարտավարություն:

Պատճառ չկայ պնդելու, որ ՀՅ Դաշնակցությունը անսխալական է: Կարելի է համաձայն չըլլալ անոր այս կամ այն քաղաքական կեցուածքին, այս կամ այն գործունէութեան երեսին, մէկ կամ միւս



Դաշնակցական բեմ

առաջադրանքին և, բնականաբար, իրաւունքը ունենալ այդ բոլորը ազատօրէն ու ազնուաբար քննադատելու: Անոր հարիր երեսունամեայ պատմութիւնը վկայ, որ ՄԷԿ բանի մէջ, որ ան բնաւ չէ սխալած, այդ ալ իր հարազատ ժողովուրդին հետ իր յարաբերութեան եղանակն է: Անոր հետ միշտ եղած է անկեղծ, շիտակ, թափանցիկ ու բացճակատ: Ան ԶՈՒԳԱՀԵՌ ընթացաւ ժողովուրդին տրամադրութիւններուն հետ՝ յարգելով անոր քաղաքական նախասիրութիւններն ու անոնցմէ բխած ընտրական արդիւնքները: Բայց նաև ամէն առիթի անոր տուաւ այլընտրանքի կարելիութիւնը՝ իր թեկնածութիւնը ներկայացնելով: Եւ բնաւ պէտք չէ երջանիկ ինքնախաբկանքը ունենան բոլոր անոնք, որոնք կը կարծեն, թէ ՀՅ Դաշնակցութեան ներկայացուցած քաղաքական կշիռը վճռած է ինք ժողովուրդը՝ անոր քուէ չտալով: Քուէ չտալը դեռ չի նշանակել, թէ ժողովուրդը կը մերժէ ՀՅ Դաշնակցութիւնը: Ընդհակառակը՝ մէկէ աւելի անգամ քուէարկող հասարակութեան մեծամասնութիւնը ՄԵԲԺԱԾ է իր իսկ ընտրածները: Եւ ընդհակառակը՝ ՀՅ Դաշնակցութեան ընտրազանգուածը, թէև թուաքանակով քիչ, բայց շատ աւելի կայուն դուրս եկած է:

Ներկայիս ՀՅ Դաշնակցութեան առանցքային նախաձեռնութեամբ ու ղեկավարութեամբ իշխանափոխութեան, նոր որակի իշխանութիւն ունենալու պահանջը արտախորհրդարանական ընդդիմադիր քաղաքական կուսակցութիւններու քննարկման առարկայ է՝ ի տես իշխանութիւններուն ապիկար կառավարման հետևանքով պետութեան հիմքերու խարխիւման, անվտանգութեան սպառնացող մարտահրաւերներուն, կայուն զարգացման միտումներու բացակայութեան ու համազգային ներուժը համախմբող քայլերու չգոյութեան:

Թէ որ քաղաքական ուժը յաջորդ ընտրութիւններուն պիտի հասնի իշխանութեան, կ'որոշուի ժողովուրդի քուէով. առաջին անգամ ըլլալով յուսալի է, որ ան իր քուէն տայ վասն ՅԱՆՈՒՄԻ և ոչ թէ ի հաշիւ ՄԵԲԺՈՒՄԻ: Կարևոր է, որ ան պատրաստ ըլլայ քուէ տալու ծրագիրի և ապա՝ ինչ տեսակ ծրագիրի:

Իշխանութեան կը հասնի ՀՅ Դաշնակցութիւնը: Տեսականօրէն այդ հաւանականութիւնը՝ իբրև կարելիութիւն, ինչպէս որևէ քաղաքական ուժի,

այնպէս ալ Դաշնակցութեան պարագային բաց է ու բացառուած չէ: Առանց անտեսելու այլ գործօններու ներգործութիւնն ու ազդեցութիւնը՝ հանրութեան գիտակցումը իր իրաւունքներուն, առարկայական համապատասխան գործօններու առկայութիւնը աւելի հաւանական կը դարձնեն այդ կարելիութիւնը: Ինչ որ հաստատապէս կարելի է կանխատեսել, այն է, որ երբ հայրենի հայութիւնը իշխանութիւնը վստահի ՀՅ Դաշնակցութեան, այդ պահէն սկիզբ կ'առնէ իր ազատագրութիւնը ընկերային-տնտեսական ամէն տեսակի շահագործումներէն, որոնք անցնող երեսուն տարիներուն մեծ չափերու հասած են՝ հարուած հասցնելով իշխանութիւն-հանրութիւն ներդաշնակ յարաբերութեան և հանրային համերաշխութեան: Ազատական իշխանութիւնները հետամուտ չեղան ընկերային հաւասարութիւն և արդարութիւն հաստատելու: Ասկէ ետք ալ որևէ ազատական իշխանութիւն դժուար թէ իրեն վերապահէ այդ պատիւը:

Երեսուն տարիներու բազմաբովանդակ վաստակով կենսագործուած է հայրենիքի մէջ ՀՅ Դաշնակցութեան՝ քաղաքական հաշուառելի ուժ ըլլալու իրողութիւնը, երաշխատրուած են անոր լինելիութիւնը և գործունէութիւնը հայրենի կենսատու հողին վրայ՝ անկախ բոլոր հանգամանքներէն:

Գ. ՀՅ Դաշնակցութիւնը՝ ապագայի կուսակցութիւն

ՀՅ Դաշնակցութիւնը հայրենիք մուտք գործեց՝ ունենալով հիմնարար սկզբունքներ, յստակ ռազմավարութիւն և նախագծուած քաղաքական ուղեգիծ: 1988ի դրութեամբ նախապայման դրած էր, որ իր վերադարձով ժողովուրդին շարժումի ազատութիւնները և ընդհանրապէս ապահովութիւնը չվտանգէ, դէմ էր Հայաստանի մէջ հրահրուող հակառուսական տրամադրութիւններուն, որովհետև վստահ կը պատճառէին ազգային քաղաքականութեան և շահերուն, կ'ընդգծէր համաթորանականութեան վտանգը, ինք իրեն իրաւունք կը վերապահէր Հայաստանէն ներս բացասական երևոյթներու նկատմամբ ցուցաբերելու ընդդիմադիր քննադատական մօտեցում: Տակաւին կ'առաջադրէր ապահովել սփիւռքահայ ներդրումներ՝



սատարելու համար Հայաստանի տնտեսական հզորացման, նախանձախնդիր էր, որ Սփիւռք-Հայաստան յարաբերությունները միակողմանի չլլան և խտրական ոգիով չարաշահումի նիւթ չդառնան, դէմ էր հայ-թրքական տնտեսական մերձեցման և այնպիսի ընդհանրություններուն, որոնք կրնային վնասել Հայաստանի շահերուն: Շատ բան չէ փոխուած քաղաքական այս ուղեգիծէն: Այս սկզբունքները և առաջադրանքները նոյնքան այժմէական են, որքան էին աւելի քան երեսուն տարի առաջ:

Հայաստանի պարագային ՀՅ Դաշնակցութիւնը կը հետապնդէ հետևեալ նպատակները՝ պետականութեան հզորացում, ժողովրդավարութիւն, իրաւական պետութիւն, ժողովուրդի բարօրութիւն, ընկերային արդարութիւն:

- Առ այդ ան կ'առաջադրէ՝
- ստեղծել շահագործումէ ազատագրուած քաղաքացիական հանրութիւն,
- անհատի աշխատանքի իրաւունքի երաշխարում,
- եկամուտներու արդար բաշխում,
- բնակչութեան անհրաժեշտ կարիքներու բաւարարում՝ ժամանակակից չափանիշներով,
- աշխատանքի ապահովում,
- ստեղծել տնտեսական այնպիսի համակարգ, որ պետական կարգաւորումներով և ընկերային արդարութեամբ ըլլայ արդիւնաւէտ և մրցունակ,
- առաջքը առնելը ընկերային բեռնացումի,
- պահպանել բնութիւնն ու կենսոլորտը,
- տնտեսական որևէ համարկում պէտք չէ վտանգէ ազգային շահերը, մշակութային նկարագիրն ու ինքնատիպութիւնը,
- հաւասարութիւն օրէնքի առջև բոլոր քաղաքացիներուն,
- անձեռնմխելիութիւն՝ անձի, բնակարանի սեփականութեան և հաղորդակցութեան միջոցներուն,
- ազգային դիմագիծի պահպանման մէջ հայ եկեղեցոյ և հայ ընտանիքին դերակատարութեան գնահատում:

Վերոնշեալ առաջադրանքները ՀՅ Դաշնակցութիւնը որդեգրած է 1998ին: Այդ թուականէն Հայաստանի մէջ անոր գործունէութիւնը ընթացած է այդ ուղղութեամբ:

Այս առաջադրանքներու վերաբերեալ քննադատական ամէն խօսք ու անդրադարձ, առողջ բանավէճ, պաշտօնական հարթակներէ լուրջ ելոյթներ աւելի քան ողջունելի են և օգտակար՝ պետութեան զարգացման համար, որովհետև այս առաջադրանքները ի շահ Հայաստանի պետութեան, հանրութեան բարօրութեան և քաղաքացիին իրաւունքներու պաշտպանութեան են:

Մինչդեռ այսօր ականատեսն ենք ճիշդ հակառակ պատկերին: Մանաւանդ ընկերային ցանցերը «կը պատռտին» ու «կը տնքան»՝ Դաշնակցութեան դէմ յանկերգելով խեղաթիւրուած գիտելիքներ, հնամաշ կարգախօսներ և անհիմն կարծրատիպեր (անոնց ծաւալը, տարածուն քարտէսը և որոշակի

թեզերու կրկնութիւնը կասկած չեն ձգեր, որ տեղի ունեցածը սոսկ ամբոխային տրամաբանութեան արտայայտութիւն չէ, ոչ ալ պատահականութեան արդիւնք կրնայ ըլլալ):

Տրամաբանական է մտածել, որ այս առաջադրանքները ունենալուն և անոնց իրականացումը հետապնդելու համար Հայաստանի ընտրողը չի վստահիր Դաշնակցութեան և անոր չի տար իր քուէն: Տեղի՞ն է մտածել, որ ՀՀ քաղաքացին տակաւին ամբողջական գիտակցութիւնը չունի իր իսկ իրաւունքներուն: Եւ ո՞վ է մեղաւորը, Դաշնակցութիւնը՝ իր գաղափարական սկզբունքայնութեամբ, որ, իշխանութիւն չըլլալով, միշտ բարձրաձայնած է ատոնց մասին, գործած է, իշխանութիւնը քննադատած, մեկնած իր ծրագրային այդ առաջադրանքներէն:

Թէև պէտք է ընդունիլ, որ սանձարձակ ազատականութեան մէջ Դաշնակցութեան առաջադրանքները, քաղաքական ուղեգիծը կրնան այնքան ալ ընկալելի ու ըմբռնելի չըլլալ հասարակութեան լայն խաւերուն համար, բայց անոնք չեն դադրիր հզօր Հայաստան կերտելու բաղկացուցիչ տարրերը ըլլալէ, որովհետև, մանաւանդ առանց ընկերային հաւասարութեան ու արդարութեան, կարելի չէ ունենալ հզօր Հայաստան: Գետնի վրայ ՀՅ Դաշնակցութեան այս առաջադրանքները աւելի քան երբևէ այժմէական, իրատեսական ու արդիական են, ներքաղաքական կեանքի ներկայ հանգրուանին, երբ ժողովուրդի դժգոհութիւնը կ'աճի, առաւելապէս ընկերային ենթահողի վրայ:

Միացեալ Հայաստան կերտելու ՀՅ Դաշնակցութեան ազգային հեռապատկերային նպատակին առընթեր ընկերային-տնտեսական իր այս առաջադրանքներով իսկ հայրենի իրականութեան մէջ իբրև ինքնուրոյն քաղաքական ուժ՝ ԴԱՇՆԱԿՑՈՒԹԻՒՆԸ ՈՒՆԻ ԸՆԵԼԻՔ: Երբ մանաւանդ շեղողը չէ, նահանջողը չէ, հրաժարողը չէ իր սկզբունքներէն ու առաջադրանքներէն, Հայաստանի ու հայութեան ամբողջական ազատագրութեան իր տեսլականէն, երբ հաւատարոյ իր շարքերով հաստատամիտ ու հաստատաբայլ անշեղօրէն կ'ընթանայ զանոնք իրականացնելու համար: Դաշնակցութեան գաղափարախօսութենէն բխող, կուսակցութեան արժէքաբանութեան մաս կազմող առաջադրանքներու այս փաթեթով ՀՅ Դաշնակցութիւնը ոչ միայն ներկայի կուսակցութիւն է, այլև ապագայի:

Քաղաքական պահու տեսակէտէն՝ ժամանակն է քաղաքական մարտունակութեան: Մարտունակութիւն, որ բնորոշիչ յատկանիշներէն է Հայ ՅԵՂԱՓՈԽԱԿԱՆ Դաշնակցութեան, ինչպէս ազատագրական պայքարի ճակատին վրայ, նոյնպէս և քաղաքական ասպարէզի մէջ: ■

Քեասայ, 18-19 սեպտեմբեր, 2020

Իրադրությունը Հայաստանի Հանրապետությունում 1920 թ. նոյեմբերին: Հանրապետության անկումը

Անի Մելքոնյան
Պատմաբան, ՀՅԴ «Նիկոլ Աղբալյան» ուսանողական միության անդամ

Այս տարի լրանում է Հայաստանի առաջին հանրապետության անկման 100-րդ տարելիցը: 100 տարի առաջ՝ դեկտեմբերի 2-ին, Հայաստանը խորհրդայնացվեց, բայց թե ինչ իրավիճակ էր Հայաստանում խորհրդայնացման նախօրյակին, ինչու և ինչպես խորհրդայնացավ Հայաստանը, կքննարկենք ստորև:

Ինչպես գիտենք, 1920 թ. հոկտեմբերի 30-ին ընկավ Կարսը. «Կարսի անկումից յետոյ, պատերազմի ընթացքը հայերի համար դարձաւ այլևս յուսահատական»¹: 1920 թ. նոյեմբերին թուրքական զորքերը շարժվում են դեպի Ալեքսանդրապոլ, իսկ հայկական զորքերը, մարտեր տալով, նահանջում են: Նոյեմբերի 3-ին վարչապետ Համազասպ Օհանջանյանը Քյազիմ Կարաբեքիրին զինադադար է առաջարկում, սակայն թուրքերը ձգձգում են այն և ավելի են խորանում Հայաստանի տարածքում: Նոյեմբերի 5-ին զորավար Մ. Սիլիկյանը բանակի հրամանատար Թ. Նազարբեկյանին հաղորդում է. «Զորամիավորումներն ինքնագլուխ թողնում են ռազմաճակատը: Զինվորները խմբերով դասալքում են և չեն ենթարկվում հրամանատարներին»²: Ալեքսանդրապոլին մոտեցած թուրքերին ընդառաջ է գնում տեղի բոլշևիկյան կոմիտեն. «Ալեքսանդրապոլի պրոլետարիատը և չքավոր գյուղացիությունը՝ ազատագրված հայկական դարավոր լծից, հղում է եղբայրական և սրտալի ողջույնը Թուրքիայի կոմունիստական կուսակցությանը...»



Նոյեմբերի 18-ին Հայաստանի ներքգործնախարար Սարգիս Արարատյանը և Քյազիմ Կարաբեքիրը Ալեքսանդրապոլում ստորագրում են զինադադարի պայմանները: Զինադադարի վերջին օրը նոյեմբերի 25-ն էր, իսկ դրանից մեկ օր առաջ պետք է սկսվեին հաշտության բանակցությունները: Նոյեմբերի 23-ին Ալեքսանդրապոլ է մեկնում Հայաստանի Բյուրո-կառավարության պատվիրակությունը՝ Ալ. Խատիսյանի գլխավորությամբ՝ թուրքերի հետ բանակցություններ վարելու:

Նոյեմբերի 22-ին Բաքվում գտնվող Սարգիս Կասյանը ստեղծում է Հայաստանի ռազմաճակատի կոմիտեն, որը մեկ շաբաթ անց՝ նոյեմբերի 29-ին, Իջևանի կողմից պետք է մտներ Հայաստան՝ այն հռչակելով խորհրդային: Այդ նույն օրերին երկրի անկախ գոյությունը երկարաձգելու համար ՀՀ կառավարությունը մի կողմից Ալեքսանդրապոլում թուրքերի հետ բանակցություններ էր վարում՝ հայրենիքի վերջին փշրանքները փրկելու համար, մյուս կողմից փորձում էր ստանալ Ռուսաստանի աջակցությունը: Վրացյանի խոսքերով՝ «...Կառավարութեան նպատակն էր սերտ բարեկամութիւն հաստատել Խորհրդ. Ռուսաստանի հետ և ապահովել նրա աջակցութիւնը: Ամենքի համար պարզ էր այն օրերին, որ Հայաստանը կամ Ռուսաստանի հետ պետք է լինի, կամ պետք է դառնայ թուրքերի ձեռքին խաղալիք, եթէ չընացնուի իսպառ»⁴: Նոյեմբերի 23-ին խորհրդարանը ընդունում է Համազասպ Օհանջանյանի բյուրո-կառավարության հրաժարականը, հաջորդ օրը ձևավորվում է նոր կառավարություն՝ Սիմոն Վրացյանի վարչապետությամբ: Շարունակվող

Կեցցե Թուրքիայի կոմկուսը
Կեցցե կարմիր հեղափոխական Արևելյան բանակը
Կեցցե կոմունիզմը
Կեցցե Սովետական Հայաստանը
Ար. Տեր-Մարտիրոսյան, Մկ. Խաչիկյան
Նոյեմբեր 13, 1920»³:



Սիմոն Վրացյան

բանակցություններում Բորիս Լեգրանը դնում էր Հայաստանի խորհրդայնացման հարցը, ինչը «...մահացու հարուած պիտի հասցնէր Հայկական խնդրին և Հայաստանին տրուած բոլոր միջազգային յանձնառութիւններին ու դաշնագրերին: Մինչդէռ, եթէ Հայաստանը պահուէր անկախ, թէ՛ դրսի աշխարհից չէր կտրուի, թէ՛ կը մնար Հայկական հարցի իրաւատեր...»⁵: Հայաստանի անկախութեան պահպանման դիմաց ՀՀ կառավարությունը Խորհրդային Ռուսաստանին առաջարկում էր ու նաև վստահեցնում, որ եթէ «...Խորհրդ. Ռուսաստանին հարկաւոր է Հայաստանի բարեկամութիւնը՝ մենք այդ կ'ապահովենք: Բոլշևիկների համար անհրաժեշտ են Հայաստանի ճանապարհները՝ մենք կը տանք»⁶:

Հակառակ ՀՀ կառավարության առաջարկին՝ Բ. Լեգրանը պնդում էր, որ «Հայերը ընդմիշտ պէտք է հրաժարուն Եւրոպայից ու Ամերիկայից և խաչ քաշեն Սևրի դաշնագրի վրա: Հայերը իրենց յոյսը պէտք է կապեն միայն համաշխարհային յեղափոխութեան և բանտորագիւղացիական Ռուսաստանի հետ»⁷: Բանակցությունները, փաստորեն, Հայաստանի համար ցանկալի արդյունքը չտվեցին, իսկ Հայաստանի կառավարության մտահոգությունն այն էր, որ «...եթէ Կարմիր բանակը Հայաստան մտնէր Հիւսիսից, թուրքերը առաջ կը շարժուն հարաւից և ռուսների հասնելուց շատ առաջ կը գրաւէին Երևանը: Այդ պատճառով, կառավարութիւնը աշխատում էր Ալեքսանդրապոլի բանակցութիւնները չխզել և հաշտութեան հարցը հասցնել իր տրամաբանական վախճանին»⁸:

Բանակցություններում թե՛ թուրքերը և թե՛ ռուս բոլշևիկները, համաձայն Հայաստանը բաժանելու իրենց ծրագրի, որդեգրել էին անզիջում կեցվածք, և նոյեմբերի 29-ին Բ. Լեգրանը Հայաստանի Հանրապետության կառավարությանը վերջնագիր ներկայացրեց, որում ասվում էր. «...Ռուսաստանի Կոմունիստ. Կուսակցութեան Կենտրոնական Կոմիտէն որոշել է Հայաստանում մտցնել խորհրդային կարգեր: Հայաստանի Յեղկույնը արդէն ոտք է դրել Հայաստանի հողի վրայ»⁹: Արդէն հաջորդ օրը նա Հայաստանի



Մարգիս Կասյան

խորհրդայնացման գրավոր պահանջ ներկայացրեց, և նոյեմբերի 30-ին սկսվեցին բանակցությունները կառավարության ներկայացուցիչներ Դրոյի ու Համբարձում Տերտերյանի և Բ. Լեգրանի միջև: Նույն օրը Հայաստանի խորհրդայնացումն արագացնելու համար Ադրբեջանի հեղկույնը հանդես եկավ մի հայտարարությամբ, որով հրաժարվում էր Լեռնային Ղարաբաղի, Ջանգեզուրի և Նախիջևանի նկատմամբ ունեցած հավակնություններից. «Ադրբեջանը հրաժարվում է «վիճելի» տարածքներից, և տարածքային հարցերը չեն կարող երկու ժողովուրդների՝ «հայերի և մահմեդականների» միջև արյունահեղության պատճառ դառնալ: Հոչակագրով Խորհրդային Ադրբեջանի ղեկավարությունը Ջանգեզուրի և Նախիջևանի գավառները ճանաչել է Խորհրդային Հայաստանի անբաժանելի մաս, իսկ Լեռնային Ղարաբաղի աշխատավոր գյուղացիությանը տվել ինքնորոշման իրավունք, պարտավորվել դադարեցնել ռազմական գործողությունները Ջանգեզուրում և ադրբեջանական գործերը դուրս հանել երկրամասից: 1920-ի նոյեմբերի 30-ին հրապարակվել է նաև Խորհրդային Ադրբեջանի հեղկույնի նախագահ Ն. Նարիմանովի և արտաքին գործերի ժողկոմ Հուսեյնովի դիմում-ուղերձը՝ Ղարաբաղը, Ջանգեզուրը և Նախիջևանը Խորհրդային Հայաստանին վերամիավորելու մասին: Դիմում-ուղերձում Ադրբեջանի ղեկավարությունը հայտարարում է, որ Հայաստանի ու Ադրբեջանի միջև վերացված են սահմանային վեճերը, և այդ օրվանից Լեռնային Ղարաբաղը, Ջանգեզուրն ու Նախիջևանը համարվում են Խորհրդային Հայաստանի անբաժան մասերը: Ադրբեջանի հեղկույնի 1920-ի նոյեմբերի 30-ի հոչակագրի, «Հայաստանի ու Ադրբեջանի Սոցիալիստական Խորհրդային Հանրապետությունների կառավարությունների միջև եղած համաձայնության», ինչպես նաև Ռուսաստանի կոմունիստական (բանվորական) կուսակցության կենտկոմի Կովկասյան բյուրոյի 1921-ի հունիսի 3-ի որոշման հիման վրա Խորհրդային Հայաստանի ժողկոմխորհը 1921-ի հունիսի 12-ին




Դրո

Լեոնային Ղարաբաղը հայտարարել է ՀԽՍՀ անբաժան մաս: Հայտնվելով մի կողմից թուրքական բացահայտ ռազմական ճնշման, մյուս կողմից՝ խորհրդայնացման անխուսափելիության առաջ՝ Հայաստանի կառավարությունը տեղի տվեց: Կառավարության, Դաշնակցության բյուրոյի և խորհրդարանի դաշնակցական ֆրակցիայի համատեղ խորհրդակցությունում որոշվեց ընդունել ռուսական առաջարկը: Մյուս կողմից՝ վտանգավոր զարգացումներից խուսափելու համար Այ. Իսախանյանի պատվիրակությանը լիազորվեց ընդունել թուրքական պայմանները և ստորագրել հաշտության պայմանագիրը:

Գեկտեմբերի 1-ին, երբ Հայաստանը դեռևս խորհրդայնացած չէր, Երևանում տեղի է ունենում խորհուրդների հանդիսավոր նիստը, որտեղ Գ. Օրջոնիկիձեն խոսում է Արցախը, Զանգեզուրն ու Նախիջևանը Հայաստանին թողնելու մասին. «Ինչ որ Զանգեզուր, անբերրի լեռներ, ո՛չ հաց կայ, ո՛չ ջուր: Այնտեղ ոչինչ չկայ: Ինչ որ Նախիջևան ճահիճ, մալարիա և ուրիշ ոչինչ: Ինչ որ Լեոնային Ղարաբաղ: Ինչ կայ այդ Ղարաբաղում: Ոչինչ չկայ: Եւ ահա ընկ. Նարիմանովն ասում է. «Իրանք ձեզ վերցրեք: Այդ անբերրի հողերը վերցրեք Հայաստանի համար»¹⁰:

Բոլշևիկ-ադրբեջանական այս ներկայացումը նպատակ ուներ արագացնելու Հայաստանի խորհրդայնացումը՝ վստահեցնելով, որ Հայաստանը տարածքային կորուստներ չի ունենա: Եվ ահա դեկտեմբերի 2-ին կնքվում է Հայաստանի խորհրդայնացման պայմանագիրը, որով Հայաստանը հռչակվում է «խորհրդային-սոցիալիստական հանրապետություն»:

Այսպիսով՝ Լենին-Քեմալ կամ Թուրքիա-Խորհրդային Ռուսաստան դաշինքը, ի վերջո՝ ոչ առանց հայ բոլշևիկների մասնակցության, հանգեցրեց Հայաստանի Հանրապետության անկմանը: Բոլշևիկյան մուրճի և թուրքական սալի միջև հայտնված Հայաստանի կառավարությունը այլ բան չէր կարող անել, քան հանձնել իշխանությունը բոլշևիկներին՝ անկախության կորստի գնով փորձելով փրկել Հայաստանը թուրքական վտանգից: Իսկ թե ինչ եղավ դրանից հետո, կքննարկենք այլ թեմայի շրջանակներում: Մեզ մնում են միայն 1920



Համբարձում Տերտերյան

թ. նոյեմբերի դաժան, բայց շատ կարևոր դասերը, որոնք չսովորելը կարող է ճակատագրական լինել, հասկապես՝ այս օրերին: Թուրքիան և նրա հովանավորությունը վայելող Ադրբեջանը միշտ կձգտեն պանթյուրքիզմի ճանապարհին պատնեշ հանդիսացող Հայաստանի վերացմանը, և Հայաստանն ու հայ ժողովուրդը կարող են դիմակայել, եթե ներագգային համերաշխությունը, հայրենիքի ու անկախ պետականության գաղափարը միշտ վեր դասվեն անձնական կամ նեղ խմբային շահերից: Հայ ազգը իր պատմության բոլոր հանգրվաններում հետայսու պարտավոր է հիշել Արամ Մանուկյանի պատգամը. «Մենակ ենք և պետք է ապախենք միա՛յն մեր ուժերին...»: Ահա մեծագույն դասը, որ ո՛չ Ռուսաստանը, ո՛չ էլ որևէ այլ երկիր կամ ժողովուրդ պարտավոր չեն մեզ ոչնչով օգնել: Իսկ Ադրբեջանի հեղկոմի՝ Արցախի, Նախիջևանի և Զանգեզուրի վերաբերյալ վերը հիշատակված հռչակագիրը Արցախի հակամարտության կարգավորման հարցում կարող է մեզ բավականաչափ օգտակար լինել, եթե կարողանանք ճիշտ օգտագործել այն: ■

Օգտագործված Աղբյուրներ

- 1- Վրացեան Ս., Հայաստանը բոլշևիկեան մուրճի և թրքական սալի արանքում, Պէլյուրթ, 1953, էջ 58:
- 2- <https://www.nt.am/am/dates/1166>
- 3- ՀԱԱ, ֆ. 1022, ց. 2, գ. 189:
- 4- Վրացեան Ս., նշվ. աշխ., էջ 123:
- 5- Նույն տեղում, էջ 125:
- 6- Նույն տեղում:
- 7- Նույն տեղում:
- 8- Նույն տեղում, էջ 126:
- 9- Նույն տեղում:
- 10- Վրացեան Ս., նշվ. աշխ., էջ 127-128:

Օգտագործված աղբյուրների և գրականության ցանկ

ա) Աղբյուրներ


- 1. ՀԱԱ, ֆ. 1022, ց. 2, գ. 189:

բ) Գրականություն

- 1. Վրացեան Ս., Հայաստանը բոլշևիկեան մուրճի և թրքական սալի արանքում, Պէլյուրթ, 1953:

գ) Համացանցային նյութեր

- 1. <https://www.nt.am/am/dates/1166>.



Լենին - Քեմալ

Արցախցիները Ռուբեն Տեր-Մինասյանի հուշերում

Խաչատուր Ստեփանյան
պատմական գիտությունների դոկտոր, պրոֆեսոր

Հայ ականավոր պետական, հասարակական և քաղաքական գործիչ Ռուբեն Տեր-Մինասյանը Հայաստանի առաջին հանրապետության անկումից հետո ստիպված եղավ անցնել արտասահման, որտեղ կուսակցական, հրապարակախոսական աշխատանքներին զուգահեռ ձեռնամուխ եղավ իր հուշերի («Հայ յեղափոխականի մը յիշատակները» վերտառությամբ) շարադրմանը: Հիմնականում 19-րդ դարի վերջի և 20-րդ դարի սկզբի հայ ազատագրական պայքարը նկարագրող այս անկրկնելի հիշողություններում Ռուբենը մեծ տեղ է հատկացրել արցախցիներին, ովքեր իրենց ծանրակշիռ մասնակցությունն են ունեցել հայոց ազատամարտին:

Մեծանուն հուշագիրը պատկառանքով է խոսում Արամ Մանուկյանի մասին: Ռուբենն Արամի հետ ծանոթացել է Կարսում, «որուն յեղափոխական հնոցին մեջ նորելուկ դաշնակցականները կարող էին եփուիլ և դուրս գալ թրծուած և յոկուած»: Ծանոթության առաջին իսկ օրվանից Ռուբենը Արամի մեջ տեսնում է խստապահանջ գործի մարդուն և նվիրված, կատակասեր, հավասար ընկերոջը: Ռուբենի տպավորությունն այն է լինում, որ Արամը «այնտեղ (Կարսում – Խ. Ս.) հաւաքուածներուն մեջ ամենէն սիրելին, ամենէն յարգուածն էր»: Հուշերում Ռուբենը, նկարագրելով «Կարսի հնոցի» գործիչներին, Արամին բնութագրում է նաև որպես ուղղամիտ մարդու, «որուն համար կըսէին, թէ կոշտ ու կոպիտ է, բայց «քեասա» բան կըսէ, ջանին՝ ջան կըսէ, չոռին՝ չոռ կըսէ»: Արամ Մանուկյանը Կարսում այնպիսի հեղինակություն ուներ, որ անգամ ցարական պաշտոնյաներն էին ակնածանքով վերաբերվում նրան: Կարսում ցարական իշխանությունը բավական ուժեղ էր ներկայացված: Բավական է նշել, որ այնտեղ բնակչության թվին հավասար գործ էր տեղակայված: Եվ նույնիսկ այս պայմաններում ռուս պաշտոնյաները խիստ հարգալից էին Արամի նկատմամբ:

Ռուբենը և Արամը Կարսում հետաքրքիր քննարկումներ են անցկացնում Հայաստանի ծայրագավառների և կենտրոնական նահանգների նշանակության շուրջ: Եթե Ռուբենը գտնում էր, որ Հայաստանի հզորությունը ծայրագավառները՝ Շուշին, Սպերը, Խարբերդն են, ապա Արամի պնդմամբ, առանց Տարնի և Բարձր Հայքի հզորության, ծայրագավառները շատ թույլ կլինեն: Այստեղ հետաքրքիր է նաև այն, որ Ռուբենը Արամի, Նիկոլ Դումանի և մի շարք այլ արցախցիների ուժը պայմանավորում էր Շուշիի հաղորդած ոգով:

Կարսից հետո Ռուբենը և Արամը բախտ են ունենում միասին գործելու նաև Վան-Վասպուրականում: Հուշերում Ռուբենը նկատում է, որ Վասպուրականում ազգային-ազատագրական



շարժման ղեկավարների մեջ մեծ թիվ էին կազմում արցախցիները՝ հնչակյան Մարտիկը (Մարտիրոս Մարոյանյան), դաշնակցականներ Վարդանը (Մարգիս Մեհրաբյան), Նիկոլ Դումանը (Նիկողայոս Տեր-Հովհաննիսյան), Իշխանը (Նիկոլ Պողոսյան), որոնց շարքերը լրացնում է նաև Արամը: Ռուբենը գրում է, որ 1905 թ. Վանի ՀՅԴ կազմակերպության կենտրոնական ղեկն Արամն էր: Արամը և Իշխանը մեծ դերակատարում են ունեցել Վասպուրականում ժողովրդին զինելու, զենքին վարժեցնելու գործում: Ռուբենը փաստում է, որ հատկապես Արամի ջանքերով մեծապես բարձրացավ Վան-Վասպուրականի հայության պաշտպանվածության աստիճանը: Դրա պտուղներն ակնառու դարձան հատկապես 1915 թ., երբ վանեցիները կարողացան կազմակերպված դիմադրություն ցույց տալ թուրքերին և փրկվել անխուսափելի կոտորածից:

Վանում գործելու տարիներին Արամ Մանուկյանը հանգել էր այն մտքին, որ արևմտահայության փրկության համար պետք էր վերջ տալ տեղային պայքարին և համընդհանուր ապստամբության նախապատրաստվել: Այս առումով նա, փաստորեն, Հրայր Դժոխքի, Նիկոլ Դումանի գաղափարների կրողն էր: Ավելին՝ Արամը կարծում էր, որ Օսմանյան Թուրքիայում անհրաժեշտ էր համընդհանուր ապստամբություն իրականացնել և տապալել սուլթանական համակարգը:

1907 թ. մայիսին Արամ Մանուկյանը Վանում ձերբակալվում է և քանտից ազատվում է միայն մեկ տարի անց՝ օսմանյան սահմանադրության հռչակումից հետո: Այդ օրերին (Արամի՝ քանտից դուրս գալուց հետո) Ռուբենը Վանում հանդիպում է օսմանյան ոստիկանության պաշտոնյա Մեմեդ էֆենդուին հետ: Վերջինս նշում է, որ, գործելով թուրքական կառավարության դեմ, Արամը «արժանի» է եղել բանտարկվելուն, բայց և այնպես ավելացնում է. «Բայց Արամ բոլորիս համար կը մնայ յարգանքի և պատուի առարկայ»: Սա ոչ թե օսմանյան պաշտոնյայի կողմից սահմանադրության մեղրամանի

ընդունելով հավուր պատշաճի խոսք էր, այլ հայ ազգային-ազատագրական գործչի հանդեպ ունեցած հարգանքի ակամա խոստովանություն:

Արամ Մանուկյանի և Ռուբենի համագործակցությունը շարունակվում է նաև Հայաստանի անկախության նվաճման և պետականության կայացման շրջանում: Հայտնի է, որ, սկսած 1917 թվականից, Ռուբեն Տեր-Մինասյանը լրջորեն զբաղվել է արևմտահայ գաղթականությանը Արևելյան Հայաստանում տեղավորելու և Հայաստանի Հանրապետության տարածքում թուրք-թաթարական խռովություններն ու անջատողական շարժումները ճնշելու գործով: Այս խառնակ ժամանակաշրջանում Ռուբենին քչերն են աջակցել: Գաղթականների վերաբնակեցման հարցում նրա ամենաջերմ համախոհներից ու գաղափարակիցներից մեկը եղել է Արամ Մանուկյանը:


Արամի ավանդը Ռուբենն արժևորում է նաև Երևանի նահանգի տարածքում Հայոց ազգային խորհուրդների աշխատանքները համադրելու առումով: Անուրանալի է Արամի դերը 1918 թ. մայիսյան հերոսամարտերում տարած հաղթանակներում: Արամը կարողացավ Երևանում կազմակերպել ժողովրդին, հիմքեր ստեղծել ազգային պետականության տարրերի արմատավորման համար: «Հայաստանի Հանրապետության ստեղծումից առաջ Արամը Երևանի նահանգի դիկտատոր էր ընտրուել, և յանձին նրա՝ փաստական հայկական իշխանություն էր ստեղծուած դեռ 1917-ից: 1918-ին, երբ Հայաստանի օրինական կառավարութեան Քաջազնուտու դահլիճն էր կազմուել, փաստօրէն, կառավարութիւնը մնում էր Արամը, թէև նա ներքին գործոց նախարարն էր միայն», - գրում է Ռուբենը:

Ռուբենն իր հուշերում հիշատակում է Արամին առնչվող մի կարևոր հանգամանք ևս: Արամն այն փոքրաթիվ գործիչներից էր, որոնք ձգտում էին 1917-1918 թթ. համագործակցելու բոլշևիկների հետ: Հեռատես քաղաքական գործիչը համոզված էր, որ բոլշևիկների և հայության շահերի համադրումով միայն հնարավոր կլինի խուսափել 1915 թ. կրկնությունից: Պատահական չէ, որ ՀՅԴ ներկայացուցիչներ Ռուբեն Տեր-Մինասյանը և Հակոբ Զավոյանը Ստեփան Շահումյանի հետ Թիֆլիսում համագործակցության նախագիծը քննարկելիս իրենց ձեռքի տակ ունեին նաև Արամի գրավոր կարծիքը: Ավելին՝ Թիֆլիսի բանակցություններից հետո Արամը Երևանում գտնվող բոլշևիկ Պողոս Մակինցյանին հատուկ հանձնարարությամբ ուղարկում է Մոսկվա:

Այսպիսով՝ Ռուբեն Տեր-Մինասյանի հուշերում հանդիպում ենք ոչ միայն Արամ Մանուկյանի կյանքին վերաբերող բացառիկ տեղեկությունների, այլև վերջինիս գործունեությանն արժանի բարձր գնահատականների:

Իր հուշերում Ռուբենն անդրադառնում և ըստ արժանվույն է գնահատում նաև մեկ այլ արցախցու՝ Նիկոլ Դումանին:

Նիկոլ Դումանը, որ տարիքով ավելի մեծ էր և



Արամը և Վահա Բշիսանը

Ռուբենի՝ ազատագրական շարժման հորձանուտ մտնելու պահին բավական փորձառություն ուներ, մեծ ազդեցություն է ունեցել վերջինիս՝ որպես հեղափոխական գործչի կայացման գործում: Նիկոլ Դումանն այն գործիչն էր, ով հանձն էր առել իր հետ առաջին անգամ Արևմտյան Հայաստան տանել Ռուբենին: «Ես առանց գիտնալու, թե ուր կտանի, երջանիկ կզգայի այդ պատուերի համար», - հետագայում գրում է Ռուբենը: Նկարագրելով Նիկոլ Դուման հեղափոխականի անցած ուղին՝ Ռուբենը խոստովանում է, որ նրա ունեցած փորձն իսկական տեսություն էր հեղափոխության մասին: Ռուբենը տպավորված էր հեղափոխության մասին Նիկոլի դատողություններով. «Յեղափոխություն չկայ, երբ նրա համար պատճառ ու նպատակ չկայ: Պատճառն ու նպատակը անարժեք բաներ են, երբ նրանք իրագործելու համար ոյժ և կազմակերպութիւն չկայ: Ոյժն ու կազմակերպութիւնը վճռական են, եթէ նրանք հարազատ պատկերն են յեղափոխութեան նպատակներու և ժողովրդի շահերու»:

1904 թ. հունիսին Ռուբենը Նիկոլ Դումանի մարտախմբի հետ միասին փորձում է անցնել թուրք-պարսկական սահմանը: Սակայն Ղազին (Ռազի) կոչվող վայրում խումբը պաշարվում է թուրք-քրդական ուժերի կողմից և մարտի բռնվում: Շնորհիվ Նիկոլ Դումանի գործադրած ջանքերի՝ խումբը կարողանում է ճիշտ կողմնորոշվել և փրկվել կոտորվելու վտանգից: Հայրուկների խումբը ստիպված վերադառնում է Մավասառ: Ճիշտ է, Ռուբենը չկարողացավ այս անգամ անցնել Երկիր, սակայն Նիկոլ Դումանի հետ շփումները մեծ ազդեցություն ունեցան նրա վրա:

Հայտնի է, որ թուրք-պարսկական սահմանի վրա գտնվող Դերիկի վանքը կարևոր նշանակություն ուներ արևմտահայ ազատագրական պայքարում: Այն անփոխարինելի հենակետ էր Երկիր գնալ, զինամթերք և կոմիտեի ուժեր փոխադրելու համար: Դերիկի վանքը Նիկոլ Դումանի պաշտելի վայրերից մեկն էր: Վերջինս վանքի խորհրդավորության մասին հետևյալն է պատմում Ռուբենին. «Երբ ոչ թիւ, ոչ

որակ, ոչ էլ ոյժ ունիս, թշնամուղ մի՛ զարնէ, հարուածդ տուր՝ նրա երևակայութիւնը բորբոքելու համար: Քո վրայ նետուող գազանի աչքերին նայիր, նա պոչը կը քաշէ, ոչխար կը դառնայ: Այս է գաղտնիքը Դերիկի յաջողութեան»: Սրանով Նիկոլ Դումանն ուզում էր ասել, որ ամենազոր թշնամին անգամ քո վճռականությունից և անակնկալ հարվածից կարող է տեղի տալ:

Անդրադառնալով Նիկոլ Դումանի՝ Խանասարի արշավանքի հրամանատար չդառնալու խնդրին, չնայած որ արշավանքի գաղափարի հեղինակը և նախաձեռնողն ինքն էր, Ռուբենը գրում է, որ Նիկոլի համար էականը արշավանքը հաջողությամբ ավարտելն էր:

Ռուբենի հուշերում կան Նիկոլ Դումանի գործունեությանը վերաբերող այլ դրվագներ ևս, սակայն այսքանն էլ բավարար է՝ պատկերացում կազմելու, թե՛ լեզենդար հայդուկապետի մեծության, թե՛ նրա հանդեպ Ռուբեն Տեր-Մինասյանի ունեցած անվերապահ հարգանքի մասին:

Իր հուշերում Ռուբենը բավական երկար խոսում է նաև Իշխանի մասին: 1905-1906 թթ. նրանք միասին հսկայական կազմակերպական աշխատանքներ են իրականացնում Վասպուրականի Լեռնապարի շրջանում: Ընդ որում, Իշխանն ավելի շուտ էր անցել այնտեղ:

1906 թ. գարնանը մի թյուրիմացություն է ծագում Ռուբենի և Իշխանի միջև: Կեցանից Կարկառ գնալու ճանապարհին Ռուբենի խումբը պատահականորեն և միաժամանակ անխուսափելիորեն սպանում է մի քանի քրդերի: Իշխանը գտնում էր, որ նման քայլերը կառավարության ուշադրությունը գրավելու էին Կարկառի վրա: Կային և ուրիշ պատճառներ, որոնք հիմնականում հայդուկային շարժման երկու մեծությունների՝ մարտավարական և կազմակերպական հարցերի շուրջ ունեցած տարաձայնությունների հետևանք էին: Նրանց տարաձայնությունները գնալով ավելի էին խորանում: 1906 թ. Վանի շրջանային ժողովում Ռուբենն առաջարկում է, որ Իշխանը շարունակի գործել Լեռնապարում, իսկ ինքն անցնի Տարոն: Ժողովն այդ տրամաբանությամբ էլ կայացնում է իր որոշումը:

Չնայած այս հանգամանքին՝ Ռուբենը պատկառանքով է խոսում Իշխանի՝ արցախցի այդ մեծ հայդուկապետի մասին: Օրինակ՝ նա մի առիթով գովեստի խոսքեր է շոյալում մի շարք արցախցիների՝ Արամի, Իսաջանի (Իսաջան Առաքելյան, Կոլոտ), Թորգոմի (Թուման Թումյան), Մենակի (Եգոր Առուտամյան) ու նաև Իշխանի մասին՝ նշելով, որ նրանք «այնպիսի գութան մը քաշեցին Կարսի և Երկրի կեանքին մէջ, որ թէև կէս դար անցած է, բայց անոնց հետքերը չեն ոչնչացած, ու անոնց շափողով ցանք կ'ընէ հայութիւնը՝ իր քաղաքական ապագան կերտելու համար»:

Ռուբենը Իշխանին համարում է Արամի ընկեր-աշակերտը՝ նշելով, որ նա հետևողականորեն գնում է

իր ավագ ընկերոջ ուղիով:

Հուշերում Ռուբենը մանրամասն և տպավորիչ ներկայացնում է Իշխանի մուտքը Վասպուրական և նրա ներդրումը տեղի կուսակցական-կազմակերպական աշխատանքներում:

Պակաս տպավորիչ չեն Ռուբենի հուշերը Խանասարի Վարդանի (Վարդան Մեհրաբյանի) մասին: Ռուբենն աներկբայորեն փաստում է, որ Ատրպատականում տարբեր տեղերից հավաքված և Երկիր անցնելուն տրամադրված հայ երիտասարդների հույսը Նիկոլն ու Վարդանն էին: «Այս երկուսին վրայ կ'ուղղուէին հայեացքները ոչ անոր համար, որ այդ երկուսն էին ամենագաղափարականները, ամենաքաջերը, ամենափորձառուները, ամենասիրուածները, կամ որ անոնք թայֆա ունէին: Ո՛հ: Այս երկու դարաբաղցիները առանցքը կը դառնային բոլորին, և ամէնքը իրենց կեանքը և միտքը այդ օտարական հայերուն կը վստահէին, որովհետև ամենաաղծուար հարցերուն համար անոնք ոչ երկբայութիւն, ոչ «եթէ» ունէին, այլ պարզ ու յստակ կամ «այո՛» և կամ «ո՛չ», - գրում է հուշագիրը:

Մեծ է եղել Վարդանի դերակատարումը Վանի նահանգի 1896 թ. ինքնապաշտպանական կռիվների ժամանակ: Ռուբենը հետաքրքիր մանրամասներ է ներկայացնում ինչպես գարնանը Շատախի ինքնապաշտպանության ժամանակ Վարդանի ունեցած կարևոր ներդրման, այնպես էլ սեպտեմբերին Վան քաղաքում տեղի ունեցած կռիվներին նրա մասնակցության մասին:

Ռուբենի հուշերում հետաքրքիր ակնարկներ և հիշատակումներ կան արևմտահայ ազատամարտին մասնակից բազմաթիվ այլ արցախցիների (Թորգոմ, Իսաջան, Մենակ և ուրիշներ) մասին ևս:

Այսպիսով, ելնելով Ռուբենի հուշագրության մեջ ներկայացված հարուստ նյութից, կարելի է ասել, որ դժվար է գերազնահատել արցախցիների մասնակցությունը արևմտահայ ազատագրական շարժմանը: Ավելին՝ անվարան կարելի է պնդել, որ այդ շարժումն առանց արցախցիների մեծապես թերի կլիներ: ■



Խանասարի Վարդանը

ՀՅ Դաշնակցութիւն կուսակցութիւնը Ատրպատականում (19-րդ դարավերջ – 20-րդ դարասկիզբ)

Դերենիկ Մելիքյան
«Ալիք» օրաթերթի գլխավոր խմբագիր, պատմական գիտությունների թեկնածու

Հայաստանի արևելեան (ռուսական) և արևմտեան (օսմանական) շրջաններում պայքար մղող հայ յեղափոխական խմբերի և միությունների համախմբումով ստեղծում է «Հայ Յեղափոխական Դաշնակցութիւն» (սկզբում «Հայ Յեղափոխականների Դաշնակցութիւն») կուսակցութիւնը 1890 թականին Թիֆլիսում¹: «Դաշնակցութիւնը նպատակադրել էր, - գրում է Ռէյխս օլ Սադաթին, - հայ հասարակական փարբեր խաւերի դասակարգային ու փնտրեաական, մարդկային, քաղաքական եւ ազգային շահերի պաշտպանութիւնը»²:

Պարսիկ պատմաբան Իսմայիլ Ռայինը իր «Իրանաստիպերը» աշխատութեան մէջ մատնանշել է, որ «Կուսակցութիւնն իր գործունէութեան մեծագոյն մասը նւիրել է Արեւմտահայաստանում ինքնիշխանութեան ձեռքբերմանը»³: Հասարակական-քաղաքական ազդեցիկ նախադրեալների և այդ հէնքի վրայ կազմակերպչական քանակական թէ որակական կարելիութիւնների առկայութիւնը (ինչպէս դրանք առկայ էին նրա ազգաբարձական պայքարի արևմտահայաստանեան ու արևելահայաստանեան ուղղութիւններում) ՀՅԴ-ին համարժէք հնարաւորութիւն էր ընձեռել, որ սոյն պայքարում աւելի տևական ու հետևողական մասնակցութիւն ապահովի⁴: Դա պայմանաւորած էր նրանով, որ «Վանը (արևմտականութիւն) և նրանով խորհրդանշող՝ ազգային և Ժնևը (ինչակեաններ) ու նրանով խորհրդանշող՝ համամարդկային իդեալները ազգային կուսակցութիւնների գաղափարաքաղաքական հասունացման գործընթացի այն անհրաժեշտ և փոխյրացնող քաղաքաւարարներն էին, առանց որոնց անհնար էր պարկերացնել ազգային յեղափոխութեան ու սոցիալական ազարագրութեան ինդիւրների համադրութիւնը, ինչը իրականացւեց հետագայում՝ Թիֆլիսի (ՀՅ Դաշնակցութիւն) կողմից»⁵:

Պարսկաստանը ահա այն երրորդ ուղղութիւնն էր, որում ամբողջ հասակով մխրճելու աշխարհաքաղաքական ու յատկապէս գաղափարական-ծրագրային հիմքեր ունէր ՀՅԴ-ն: «1890 թականի ամռանը ձևաւորւած Հայ Յեղափոխական Դաշնակցութեան առաջնահերթ ինդիւրներից մէկը Արևմտեան Հայաստան մուտք գործելու նպատակով Պարսկաստանի հիւսիսարևմտեան հարւածում Արրպարականում, մարդուժ և զէնք կուրակելու առաջադրանքն էր: Պարսկաստանի, մանաւանդ Արրպարականի, նշանակութիւնը գիրակցել ու արժևորել էին դեռևս 1870-1880-ական թականների հայ ազգաբանարտի գործիչները, առաջին հերթին Արսէն Թոխանխեանը, իսկ Բաֆֆին իր «Կայծեր»-ում արդէն պարկերել էր



Արրպարականից Արևմտեան Հայաստան անցնող առաջին հայրուկների նախափայերին»⁶: Ուշագրաւ է նաև, որ Ատրպատականում ՀՅԴ-ի հաստատուելու առաջին քայլերի նախաձեռնողն ու հիմնական կազմակերպիչը Ստեփան Զօրեանն էր (Ռուսում): Նա կեղծ փաստաթղթերով մի քանի անգամ անցել է Պարսկաստան, ուսումնասիրել ապագայ գործունէութեան թատերաբեմը և համապատասխան առաջարկութիւններ ներկայացրել «Հայ Յեղափոխականների Դաշնակցութեան» նորաստեղծ կենտրոնին⁷:

«Պարմական Արրպարականը, Վասպուրականի իր հարևանութեամբ, նորագոյն ժամանակներու հայ իրականութեան մէջ եղաւ այն շրջանը, ուր վաղուց ներուած էին Հայ Յեղափոխական սերմերը: Մարգարէաշունչ Բաֆֆին փողահարած էր առաջին «գարթիք»-ը ի լրր հայրենասէր հայ երիտասարդութեան, և արդէն իսկ ծայր րուած էին յեղափոխական խմորումները, երբ սկսիւ գործունէութեան առաջադրութիւններով ծնաւ Հայ Յեղափոխական Դաշնակցութիւնը 1890 թականին»⁸: ՀՅԴ «Հիմնադիր ժողովներից յետոյ անցած մի



Ռուսում

քանի ամիսների ընթացքում փարերայնորեն սկիզբ առած շարժման ալիքի վրայ ՀՅԴ-ն արագութեամբ փարածեց Անդրկովկասում, Ռուսաստանի հայաշար փայրերում, թափանցեց Պարսկաստան, Միջին Ասիա, Տրապիզոն, Կ. Պոլիս... Արդէն 1890-ին ՀՅԴ-ն մուտք գործեց Պարսկաստան՝ Տիգրան Սրեփանեանի, Գալուստ Արոյանի (Թորոս), Ալեքսանդր Պետրոսեանի (Պետրո) և այլ գործիչների ջանքերով, իսկ այսօրեղից էլ շուրջով Ալեքսանդր Պետրոսեանը թափանցեց Վասպուրական»⁹:

«ՀՅԴ հիմնադրութիւնից յետոյ,- գրում է Մ. Վարանդեանը,- առաջին ուժեղ կազմակերպութիւնն արեղծել է Թիֆլիսում, ապա՝ Բաքուում, ուր կային արար թով մրատրականներ և նիւթական առար միջոցներ: Բաքուից է, որ առաջին գործիչները 1890 թականին եկել են Թարիզ: Սալմաստ անցնող գործիչների մեծագոյն մասը նախ Կովկասից Թարիզ էր գալիս, ապա մեկնում իր գործունէութեան վայրը: 1890 թ.-ին զինական գործով Թարիզ է գալիս Տիգրան Սրեփանեանը, ապա Պարսկաստան են անցնում Գրիգոր Միրզաբեգեանը (Մածուն Խեչօ, հետագայում մասնակից նաև Եփրեմի հետ պարսկական յեղափոխական կոններին) և Արամայիւր, որոնք անցնում են Վասպուրական՝ սահմանների մօտ»¹⁰:

Նոյն՝ 1890 թականին Թարիզ են մեկնում նաև Տիգրան Բեգարեանը և Զալաղը (Ծոռ Երանդ), որոնք նոյնպէս անցնում են Սալմաստ: 1891 թականին Բաքուից Թարիզ են անցնում Նիկոլ Տ. Յովհաննիսեանը (Դուման), Յովսէան Դաթեանը և Ռոստոմը: Վերջինս Ղալայի «Արամեան» դպրոցում ուսուցչի պաշտօն է ստանձնում, Յովսէան Դաթեանը Լիլաայի «Հակազեան» դպրոցի տեսուչ է նշանակում, իսկ Դումանը նոյն դպրոցում ուսուցչի պաշտօն է ստանձնում: Օսմանեան կայսրութեան սահմանամերձ շրջաններում յենակէտեր (խարխիսի) հիմնելը, կարելի է ասել, մաս է կազմում ՀՅԴ գործունէութեան առաջին շրջանի: Ազատագրական պայքարը կազմակերպելու և ղեկավարելու համար ՀՅ Դաշնակցութիւնը իր կազմակերպական կառոյցներն է հիմնում նաև Օսմանեան կայսրութեան սահմանամերձ շրջաններում, մասնատրապէս՝ Պարսկաստանի Ատրպատական նահանգի Մալմաստ գաւառում: Իր աշխարհագրական դիրքի ու հայ բնակչութեան շնորհիւ Մալմաստը Հայաստանի երկու՝ արևմտեան և արևելեան հատածները միմեանց շաղկապող կամուրջն էր և Երկիր մեկնող յեղափոխական գործիչների, մարտական ու զինատար խմբերի յուսալի յենակէտը: Բնականաբար, եթէ չլինէր հայ բնակչութեան գործուն աջակցութիւնը, ապա յեղափոխական կազմակերպութիւնները չէին կարողանայ ամրապնդել գաւառում և կայեր հաստատել Երկրի հետ: «...Թարիզը վերին հսկողն էր Սալմաստի և Խոյի շրջաններու վրայ,- գրում է Ռուբէն Տէր-Մինասեանը,- որոնք կեղծում կը հանդիսանային Արարկաստանի կենդանի գործունէութեան: Այդպէղ կուսակցութիւնը միայն մշակութային ու բարոյական նշանակութիւն չունէր: Սալմաստ և Խոյ տեսակ մը



Նիկոլ Դուման

պահեստ էին Երկրի թէ՛ մարտական ուժերու և թէ՛ ռազմամթերքի: Այդ շրջանները մեծ ծառայութիւններ են մատուցած, և առանց անոնց գուցէ Վասպուրականի գործունէութիւնը այն թափն ու գոյնը չունենար, ինչ որ ունեցաւ»¹¹:

Եւ այսպէս՝ «1890 թ.-ին Թարիզում հիմնում է «Խարխիսի» զինագործարանը, Ռուսրոմի մասնակցութեամբ, որի առաջին ղեկավար-արհեստարտներն էին Արիարակէս Զօրեանը (Վարօ), այնուհետև Արիարակէս Աբրահամեանը, Միրանը, Սամսոնը, զինագործ Պետրոսը (Բագրատ Յովհաննիսեան), վարպետ Բաթանեանը, Լևոնը, Փարսադանը, Ախալցխացի Երանդը, Հրաչ Սեղրոսեանը, Բուլղար Մարգարը, Արշակ Մրինեցին և ուրիշներ: Ռուսաստանի խորքերից (Տուլա) Կովկասի վրայով Թարիզ փոխադրած զէնքերը հաւաքում, նորոգում ու լրացում էին «Խարխիսի» զինագործարանում, ապա գաղտնի կերպով փոխադրում էին Սալմաստ կամ Խոյ ու Թարեոս առաքելի վանք և այսօրեղից Երկիր»¹²: «... Ռուսական աիէն,- գրում է Մալխասը,- քէլէկներով (մակոյկ) Արաքսի վրայով ռազմամթերք կ'անցընէին պարսկական աիւր՝ գիշերով, իսկ անկէ ալ կը փոխադրէին Սալմաստ կամ Խոյ»¹³:

Իսկ «ՀՅԴ Առաջին Ընդհանուր ժողովին յաջորդած փարիները՝ 1892-1897 թթ.-ը, դարձան ազարագրական պայքարի ծաւալման ու դրա հիման վրայ՝ ՀՅԴ կազմակերպական կառոյցի ընդլայնման և ամրապնդման շրջանը, որի հետևանքով կուսակցութիւնը իր գործունէութիւնը կենտրոնացրեց միաժամանակ մի քանի ուղղութիւնների վրայ: Բայց ի վերջոյ, այդ բոլոր աշխարանքները միւրած էին Արևմտեան Հայաստանի ազարագրմանը, թէև անմիջականօրէն հետապնդում էին զէնքի ու զինամթերքի տեղափոխման, դէպի Երկիր ուղիներ հարթելու, ժողովրդին զինելու, դաւաճաններին ու մարտիչներին ահաբեկելու ու նաև ցուցական

ընտյթի գործողութիւններով կրոպական երկրների ուշադրութիւնը Հայկական հարցի վրայ հրահրելու անմիջական նպատակներ: Այդ ինդիւստրիալ իրականացմանը հետամուտ կուսակցութիւնը սկսեց միաժամանակ մի քանի ուղղութիւնների վրայ մարդոժ և գէնք կուրակել Արևմտեան Հայաստան տեղափոխելու համար: Իրանցից առաջինը Արարկայականն էր, որ ՀՅԴ գործիչները թափանցել էին դեռևս մինչև Առաջին Ընդհանուր ժողովը»¹⁴:

Միս կողմից՝ ՀՅԴ-ն Երկրի հետ հաղորդակցելու համար ունէր նաև Կարսի և Բագրևանդի գծերը, բայց ռուսական հսկողութեան՝ սահմանների վրայ խիստ լինելու պատճառով նախապատուութիւնը տրում էր ընդհանրապէս Ատրպատականին: 1900-ական թուականներին Գիլանն ու Մազանդարանն էլ կապեցին Ատրպատականի շրջանին՝ Բաքու-Էնզելի-Ռաշտ գծով գէնքերի փոխադրութեան և ընդհանրապէս Կովկասի հետ կապ պահելու համար: Թարիզը, Սալմաստը, Մակուն, Խոյը, Ռաշտը և այլ վայրեր ամբողջ երկու տասնամեակ ապաստան դարձան ՀՅԴ ընտրեալ գործիչների և հայդուկների համար, որոնք իրենց առաւելագոյն ճիգերը գործադրեցին՝ միշտ վառ պահելու համար յեղափոխութեան կրակը Արևմտեան Հայաստանում: ՀՅԴ ստեղծման հենց առաջին տարում պարսկա-թուրքական սահմանազլխի Դուշմանայ ձորում գտնուող Դերիկի կիսաւեր վանքը ընտրեց որպէս յեղափոխականների կենտրոն¹⁵, որտեղ առաջին գործիչը եղաւ դարաբաղցի Մովսէս Իշխանեանը (1890)¹⁶: Թարիզում Բիրոյի նստավայրը¹⁷ հաստատելու մասին Ընդհանուր ժողովի որոշումը ընդգծում էր այդ ուղղութեան կարևորութիւնը: Եւ պատահական չէր, որ Ընդհանուր ժողովից յետոյ ուժեղացեց տեղի կազմակերպութիւնը՝ ներգրաւելով մարտական



Թարիզի «Խարխիս» զինագործարանը

ու մտաւորական գործիչների մի ամբողջ խումբ, որոնք աշխուժացրին Ռոստոմի նախաձեռնութեամբ և նրա եղբոր՝ Կարոյի (Արիստակէս Զօրեան) ջանքերով ստեղծած «Խարխիս» զինագործարանի¹⁸ աշխատանքը, ինչպէս նաև համախմբեցին պարսկա-թուրքական սահմանին յենակէտ դարձած Դերիկի վանքի շուրջ, որտեղ որպէս վանահայր հաստատուել էր հայ ազատամարտի և ՀՅԴ նիւրեալ հոգևորական Բագրատ վարդապետ Թաւաքալեանը: Դերիկ էին անցել Յովսէփ Արղութեանը (Իշխան), Նիկոլ Դումանը (Նիկողայոս Տէր-Յովհաննիսեան), Ֆարիատը (Սարգիս Օհանջանեան), Սևաբեցի Սաքօն (Սարգիս Ծովանեան), Սաթենիկ Մատինեանը (օրհորդ Ծարիկ) և ուրիշներ: Դերիկի վանքի¹⁹ համար մղած կոնիւնտում եւ Վասպուրական գէնք փոխադրելու նպատակով ձեռնարկած բազմաթիւ վտանգաւոր ու արկածալից արշաւանքներում իր խիզախութեամբ առանձնապէս աչքի ընկաւ ՀՅԴ մարտական լաւագոյն ուժերից մէկը՝ Նիկոլ Դումանը²⁰: Միս կողմից. «...Քուրդերը, հասկնալով, որ իրենց արտի մէջ վրանգաւոր բոյն մը կը շինուի, տեսակ մը հայկական միջնաբերդ, որոշեցին - թուրք կառավարութիւնն այ կը դրդէր արդէն - վերցնել մէջտեղէն այդ վանքը: Ուարի պարբերաբար արշաւանքներ կգործէին անոր դէմ: Կոխը ընդհար-ընդհար տեսեց տարիներ: Վանքը կը պաշտպանէին հոն հասարակած բոլոր մը յեղափոխականները»²¹:

Արշաւանքներից կարևորագոյնը 1897 թ. Խանասորի դաշտում քուրդ մագրիկցիների դէմ հայդուկային կոնիւն էր, որն էլ ակունք էր առել Ատրպատականից, որտեղ 1895 թ. շրջանային (ոսյունական) ժողովի որոշմամբ հաստատուած էր Պարսկ. բիրոն: «1896-1897 թթ. տարեկան «Ընդհանուր» ժողովը որոշել էր Արարկայականում ևս պարբերաբար ուժեր ու գէնք կուրակել, անհրաժեշտութեան դէպքում սահմանն անցնելու և արշաւանք կազմակերպելու համար՝ միաժամանակ փորձելով զինել Վասպուրականի հայութեանը...»²²:

Նոյն ժողովի ամենակարևոր որոշումը, «Անկասկած, Արարկայականից դէպի Վասպուրական արշաւանքի կազմակերպման ինդիւստրիա էր, որին սկզբնական



Յովսէս Դաւթեան



Կարո (Արիստակես Զորեան)

շրջանում դեմ էին արքայապարսում Վասպուրականի գործիչները, ինչպես նաև Արրայարականում գրնուող ֆիդայիների մի մասը՝ Վարդանը, Իշխանը, Սև Քարեցի Սաթու և ուրիշները: Ուսրի Սալմաստում 1897 թ. յուլիսի 8-ին կայացած ժողովը թէև որոշում է բաւարարել Վանի դաշնակցականների պահանջը և այնպէղ ուղարկել 50 զինւած հայդուկներ, սակայն, միաժամանակ, Եիկոյ Դումանի պնդումը կարևորում է նաև «Ընդհանուր» (Ռայոնական) ժողովի որոշումը կարարելու անհրաժեշտութիւնը»²³:

«Սալմաստում յեղափոխական գործը կը տարւեր ամենայն ոգևորութեամբ և անձնագոհութեամբ, երբ 1896-ին Վանէն Պարսկաստան անցնող 200 կուռդներ և 1000-ի չափ անգէն հայեր, Մ. Աւերիսեանի, Պետրոյի և Մարտիկի առաջնորդութեամբ, յարձակում կրեցին Մազրիկ ցեղի քորդերէն և Ս. Բարթողիմէոս վանքին մօտերը կտորուցան կարճ դիմադրութենէ ետք: Ահա այս դէպքին հակահարուածը եղաւ Խանասորայ պարմական արշաւանքը (1897), որ կազմակերպւեցաւ Սալմաստի մէջ»²⁴: Կազմակերպւած արշաւանքը նախորդ բոլոր հայդուկային անցումների համեմատ ամենախոշորն էր, որի ժամանակ կիրառուեցին բանակային կարգապահութեան որոշ տարրեր. հրամանատար՝ Ս. Մեհրաբեան (Վարդան), տեղակալ՝ Յ. Արդուբեան (Իշխան), առանձնացուցին յիանեակներ և այլն, քանզի մօտ 250 հայդուկներին այլ կերպ հնարաւոր չէր դեկավարել: Մազրիկցիների ցեղին հասցւած հարուածը Խանասորի դաշտում 1897 թ. յուլիսի 25-ին շմեցուցիչ էր և անկասկած նպաստեց քրդական տարրին սանձելուն ու զսպելուն²⁵: Արշաւանքից յետոյ Ատրպատականի Կենտրոնական կոմիտէն օգոստոսի սկզբներին հետևեալ գրութիւնն է յղել «Դրօշակ»-ի խմբագրատանը. «Դաշնակցութեան սրւար արշաւախումբը... յարձակում գործեց Խանասորի լեռնադաշտի վրայ և չորս կողմից պաշարեց Մազրիկ կոչւած արիւնարբոս քորդ ցեղը: Ֆեղայիների շեշտակի գնդակները գրեթէ բնաջինջ արին այդ թշնամի ցեղը, որի գործն են Աղբակի բոլոր կտորրածները... որը դեռ անցեալ

տարի Ս. Բարթողիմէոս վանքի շրջակայքում կտորրեց Աւերիսեանի (արմենական - Դ. Մ.) առաջնորդութեամբ Վանից փախած հարիւրաւոր հայերի խումբը, կոխը րունեց լեռնուր դիրքերում մինչև ուշ գիշեր... գոհ րւինք միայն 19 քաջեր»²⁶:

Խանասորի արշաւանքի մէկ այլ առանձնա-յատկութեան մասին Մ. Վարանդեանը այսպիսի բնութագրական է տալիս. «19 քաջեր ընկան հայրենի հողի վրայ այդ բոռն կոհիներու ընթացքին: 19 ՆԱՀԱՏԱԿՆԵՐ ՀԱՅՈՑ ԱՇԽԱՐՀԻ ԲՈՂՈՐ ԿՈՂՄԵՐԷՆ... թորքահայ, ոռուսահայ, պարսկահայ: Վանեցի, շարահացի, համադանցի, մշեցի, գողթնեցի, դազախեցի, դզլարցի, նորբայազէրցի, պէքսանդրապոլցի, թիֆլիսցի, դարաբաղցի, ախալցխացի, ախալքալակցի և այլն...»

....Յուզիչ րողերով փառաբանւեցաւ Խանասորի արշաւանքը Բեռլինի «Die Zukunft» նշանաւոր հանդէսին մէջ: Ընդարձակ թղթակցութիւն-յօղւած մը, որ դրկել էր Գերման ճամբորդ մը թորք-պարսկական սահմանագիւէն և որ ամբողջապէս րպագրւած է «Դրօշակ»-ի մէջ, Լեոն Աթաբէկեանի թարգմանութեամբ («Հայերու մէկ յաղթութիւնը»)»²⁷:

Հետագայում Թաւաքալեան վարդապետի՝ Թաւրիզ մեկնելուց յետոյ, Դերիկը՝ որպէս ՀՅԴ կենտրոն, կորցրեց իր արժէքը, և ՀՅԴ նոր կենտրոն ընտրուեց Ղալասար գիւղը, որտեղից իր ցանցերը տարածեց ամբողջ շրջանում²⁸: Դէպքերը հետագայում որոշ չափով արժեզրկեցին նաև Սալմաստը, այնպէս որ ՀՅԴ-ն, 1903 թականից սկսեալ, իր աշխատանքների կենտրոնը դարձրեց Խոյն ու Մակուն և առանձնապէս Թաղէոս առաքեալի վանքը (Մենասոր)²⁹:

Վերոնշեալ կենտրոններից բացի՝ Ուրմիան (Կասպուրան) իր աշխարհագրական դիրքով շատ նպատակայարմար էր Երկրի հետ կապ պահելու, յարաբերելու տեսանկիւնից: Թէև Սալմաստից Աղբակով կապ էր հաստատուած Երկրի հետ, այդուհանդերձ, այդ ուղին, ինչպէս երևում է ՀՅԴ մարմինների գործունէութիւնից, չէր բաւարարում գործի պահանջները, մանաւանդ որ Դերիկի կործանումից յետոյ Խոյն ու Թաղէոս առաքեալի վանքը ստանձնել էին Երկրի հետ կապի ողջ բեռն ու պատասխանատուութիւնը:



Խանասորի արշաւախումբը



Անդրանիկ

Մուրադ

Կայծակ Առաքել

Սեպուհ

Քեռի

Այդ պատճառով հասկանալի պետք է համարել ՀՅԴ Արևելեան բիրոյի և Թարիզի Կենտրոնական կոմիտեի փորձերը՝ Ուրմիայից Մարզեասար, Թարգեասարի և քրդական Շամստինան շրջաններով Վասպուրականի հետ կապի նոր ճամբայ հաստատելու ինչը կարող էր իրականացնել միմիայն քրդերի հետ համաձայնության գալով և համագործակցելով (*քրդերի հետ Մալխասի քանակացությունների օրինակով*)³⁰։

Կ. Գեորգեանը, նոյն «Ամենուն տարեգիրքը» աշխատության մեջ անդրադառնալով Պարսկաստանում ՀՅԴ գործունեությանը, ընդգծում է, որ անհատնում է շարքը այն դաշնակցական հայդուկների, խմբապետների, գործիչների ու ղեկավարների, որոնք երկար կամ կարճ ժամանակով տարբեր ժամանակներում անցան Ատրպատականից կամ մնացին այնտեղ և գործեցին և կամ նահատակեցին արինալի կոիւնների ընթացքում։ Մի շարք անուններ յիշատակեցին արդեն։ Ուշագրաւ է նաև Անդրանիկի, Սեբաստացի Մուրադի, Կայծակ Առաքելի, Սեպուհի, Քեռիի և Սմբատի դերակատարումը, որոնք իրենց ընկերների հետ 1904 թականի Մասունի կոիւններից յետոյ ապաստանեցին Մենասոր վանքում։

Առանձնապատուկ է եղել Իշխան Յովսէփ Արդուբեանի գործունեությունը, որն իր խոր հետքը թողեց ՀՅԴ պատմության մեջ՝ սկսելով կուսակցության հիմնադրման ու ապա Խանասորի արշաւանքի օրերից և հասնելով մինչև նրա նշանակումը Իրանի կառավարությունում որպէս Հայաստանի Հանրապետության դեսպան։

Չպէտք է մոռանալ նաև Կուկունեանի արշաւախմբի արքայականներից և ապա Սիբիրից փախստական՝ Գանձակի շրջանից բարսումեցի Եփրեմ Դաթեանի վիթխարի ներդրումը Իրանի սահմանադրական շարժման կոիւններում կամ Կոստի Համբարձումեանին, որը դարձաւ Մալխաստի 1918 թականի կոիւնների ղեկավարներից մէկը։

Ուշագրաւ է ազուլեցի Սամսոն Թաղէոսեանի՝ նոյն ինքն Սամսոն խանի կամ պարզապէս Սամսոնի (*Քրիստափորի քրոջ որդին*) ազդեցիկ

գործունեությունը, ով, Կովկասից գալով 1898 թականին, մինչև իր մահը (*1 մարտի 1945 թ.*) նախ Մալխաստում (*20 փարի*) և ապա Թարիզում (*27 փարի*) ՀՅԴ ամենապատասխանատու գործիչներից մէկն էր՝ որպէս մարտական ձեռնարկների ղեկավար, հասարակական գործիչ, ուսուցիչ և գիղատնտես, որպէս կապ պարսիկ իշխանությունների հետ, որպէս զինագործ ու կոտող ռազմիկ, վերջապէս որպէս մէկը, որի ամբողջ կեանքը նւիրում է եղել իր ժողովրդին յեղափոխական և այլ աշխատանքների բազմատեսակ մարզերում։

Մէկ այլ նւիրեալ՝ բնիկ ոռոտայօցի (*Թէքիրդաղ*) դոկտ. Յարութին Ստեփանեանը, ով, 1902 թականին Ամերիկայից Իրան անցնելով, աւելի քան կէս դար ապրեց և գործեց նախ Թարիզում և ապա Թեհրանում որպէս ՀՅ Դաշնակցության ամենագործուն, անձնէր և պատասխանատու ղէմքերից մէկը։

Խիստ ուշագրաւ է Մալխասի դերակատարությունը հայ-քրդական փոխյարաբերությունների հոլովոյթում։ Այս կապակցութեամբ Հր. Միմոնեանը գրում է. «... Դաշնակցության Արևելեան բիրոն, շար կարևոր համարելով Վանի նահանգի արևելեան սահմանի վրայ գրնաող Հաքեարիի քրդերի հետ բարեկամական յարաբերություններ հաստատելը, ՀՅԴ Վրէժի (*Թարիզ*) կենտր. կոմիտէին յանձնարարում է Արրպատականի կուսակցական գործիչներից մէկին ուղարկել Շամստինանի շրջան՝ այնտեղի ազդեցիկ րէր Մեհմեդ Սղբիսի հետ հանդիպելու և կապեր հաստատելու համար։ Կենտրոնական կոմիտէն 1903 թ. աշնանը Շամստինան է ուղարկում յայտնի կուսակցական գործիչ Մալխասին։

Հասնելով Շամստինանի Մալխասար տեսակցում է շէյխի հետ և Դաշնակցության կենտրոնի անունից քանակցում է նրա հետ։

Բանակցության ընթացքում Մալխասը շէյխ Սղբիսին պարզում է Դաշնակցության տեսակէտները քրդ-հայկական յարաբերությունները կարգաւորելու և եթէ հնարատր է՝ համերաշխութիւն հաստատելու վերաբերեալ»³¹։

«...Խելօք մարդ էր, խորամանկ և քնածին

քաղաքագետ մը,- գրում է Մալխասը,- որուն սրտին մօտիկ էին իր ժողովուրդի շահերը: Դժբախտաբար, չունենալով լայն քաղաքական հորիզոն մը, չկրցաւ համերաշխութեան լեզու մը գտնել մեզի հետ, թէև այդ բանին կ'աշխարհէին մասնատրաբար Արամն ու Վոսմեանը: Ահա այս մարդուն մօտ է, որ գնացեր էի ես՝ որպէս ՀՅ Դաշնակցութեան ներկայացուցիչ՝ հնարաւոր համագործակցութեան մը գետնինը պայտրասարելու...

...Մանրամասն կերպով բացատրեցի իրեն մեր ծրագիրը, մեր պահանջները, միաժամանակ յայտնելով, որ մեր կազմակերպութիւնը սկսած օրէն իսկ բուն ցանկութիւն է ունեցած մեր քիւրդ հայրենակիցներու հետ համագործակցութիւն մը սրտեղծել: Օրինակ քերի անոր՝ Պետրերիսան պէյի կոչը, որ տպագրած էր «Դրօշակ»-ի մէջ: Աշխարհացայ համոզել գիւրքը, որ մեր շարժումը պէտք է լինի ՀԱՄԱՊԵՏԱԿԱՆ, և որ ան ոչ մէկ կերպով ուղղած չէ քիւրդ ժողովուրդի դէմ: Ըսի, որ մենք կը համարենք քիւրդերը հողի հարազատ եղբայրներ, և որ մեր շարժումը չի ձգտիր միայն հայ ժողովուրդի դրօշինը բարելաւելու, այլ բոլոր անոնց, որոնք կ'ապրին այդ հողամասի վրայ: Դժբախտաբար, համիրեան բռնակալութիւնը, շահագործելով քիւրդերու տգիտութիւնը, միջոց է դարձուցեր զանոնք կուցնելու մեզի հետ: Բացատրեցի, որ մեր կոնիներուն մեծագոյն մասը հարկադրաբար տեղի կ'ունենայ քրտերուն հետ, որոնց դէմ մենք թշնամութիւն մը չունինք, որ մեր կոնիը ուղղած է թուրք ռեժիմին դէմ, որու փոփոխման համար է, որ մենք ասպարէզ ենք իջած: Յայտնեցի, որ մենք կ'ուզենք սրտեղծել իրաւակարգ մը, որ կարողանայ համահասարակ կերպով, բոլոր ազգութիւններու համար ալ ցանկալի լինել: Խօսեցայ նոյնպէս կամ, անելի ճիշդ է ըսել, փորձեցի բացատրել անոր ֆէտրաքցիայի կամ դաշնակցութեան գաղափարը...»³²:

Հայ-քրդական յարաբերութիւնների քաղաքական առաւելութիւններին ու կարևորութեանը անդրադառնալով՝ Մալխասը շեշտադրել է նաև նոյն հարցի վերաբերեալ շէյխ Սադրդի մօտեցումները. «...Ձեզ սիրելու մասնատր պատճառ մը չունինք, բայց գիտենք, որ այս հողին վրայ դուք այնչափ հին էք, որչափ մենք, և որ նորեկը թուրքն է, որուն հանդէպ երկուքս ալ սիրալիք տրամադրութիւն մը ունենալու պատճառը չունինք: Մեր հողամասը ընդարձակ է, լայն ու լայն կը բաւէ մեր երկուքին ալ: Սկսելով Պաշկալայէն ու Նորտուգէն մինչև Մուսուլ մերն է, վերն ալ՝ ձերը: Ահա այս բանի մասին է, որ պէտք է մըտնենք մենք: Եթէ դուք մեզի աջակցիք, մենք ալ պատճառ մը չունինք ձեզ հակառակելու՝ ձեր ծրագիրներու իրագործման համար...»³³:

ՀՅԴ գործիչ Մալխասը առանձնայատուկ կարևորութեամբ քուրդ շէյխին ներկայացրել է իր պահանջները՝ ապահովել հայ յեղափոխականների, մասնատրաբար սուրհանդակ խմբերի և ապրանքատար շալակաւորների անվտանգ անցողարձը



Իշխան Յովսէփ Արդութեան


թուրք-պարսկական սահմանագծերում, ինչպէս և նրա օժանդակութիւնը՝ շրջանում քուրդ աշիրեթապետերի և հայերի միջև փոխըմբռնման հասնելու համար:

Ինչևէ, հայ-քրդական փոխյարաբերութիւնների կարգաւորման անհրաժեշտութիւնը մշտապէս արծարծող հարց է եղել հայ ազատագրական պայքարի հոլովոյթում: Իսկ ՀՅԴ օրգան «Դրօշակ»-ի՝ սուեալ խնդրին տուած գնահատականը անելի ակներև է դարձնում այդ անհրաժեշտութիւնը. «...Քուրդ-հայկական համերաշխութեան հարցը նոր երևոյթ չէ մեր կեանքում: Ներսէս Վարժապետեանի, Մկրտիչ Խրիմեանի հայեացքները եւ նրանց որոշ գործնական քայլեր այդ սահմաններում յայտնի են շարերին: ԲաՖֆիի մշտական քարոզները, Սրանձարեանցի կարծիքները եւ դրա հետ շար ուրիշների երբեմն մոլեռանդ հաւաստը, երբեմն բաւականաչափ հիմնաւորուած համոզումները վաղուց են շրջում մեր հասարակութեան մէջ: Վերջապէս անցեալ տասնամեակում քրդերի հետ դաշնակցելու նպատակով հայ յեղափոխականների տեղ-տեղ արած փորձերը նոյնպէս արդէն դուրս են գաղտնիքի շրջանից»³⁴: Սակայն փաստ է նաև այն իրողութիւնը, որ «...Տասնամեակներ շարունակ արեւմտահայ ազգային մարմինները եւ մանաւանդ ՀՅ Դաշնակցութիւնը բազմաւրեակ միջոցների դիմեցին հայ-քրդական համերաշխութիւն կայացնելու ցանկութեամբ, սակայն անկարելի եղաւ: ...Եւ միայն շար ուշ քրդերը չարաչար կերպով զոջացին, որ դարերի ընթացքում հայերի հետ բարեկամ չեն եղել, այլ թշնամի»³⁵:

Ներագգային գետնի վրայ մէկը միսին բացատելու, սակայն իրենց քաղաքական ու գաղափարական նպատակներով ու դրանց իրականացման մեթոդներով շարունակաբար միմեանց ընդօրինակելու և միմեանցից սովորելու հետևանքով Արմենական, Սոցիալ-դեմոկրատ հնչակեան և «ՀՅ Դաշնակցութիւն»

կուսակցությունները 1885-1895 թականներին դարձան հայ ազգային-ազատագրական պայքարի խորքում նշմարող «Մէկ շարժում – մէկ կազմակերպություն» սկզբունքի կիրարկման եւ օբյեկտները, եւ սուբյեկտները: Պատճառն ակնհայտ է. վերելք ապրող և միաուրման ընդհանուր առանցք փնտրող հայ ազգային-ազատագրական շարժումն անխուսափելի էր դարձնում իրենց գործառնությունը դեռևս սոսկ ազատագրական կազմակերպություններ հանդիսացող այս կուսակցություններից որևէ մէկի՝ հայութեան քաղաքական նպատակները ամբողջացնող ուժը և անկախ պետականութեան վերականգնման գործի առաջամարտիկը դառնալու հեռանկարը: Դա էր թելադրում նաև այլ ժողովուրդների ազատագրական պայքարի փորձը: Սակայն հայ իրականութեան մէջ այս անխուսափելի և օրինաչափ գործընթացը ստացաւ խիստ իրայատուկ կերպաւորում: Կուսակցությունների մեխանիկական միաուրման փորձերը ճախողեցին, բայց ազգային-ազատագրական պայքարի կոնկրետ պահանջները բաւարարելու ուղղութեամբ երեք ուժերի ձեռնարկած զուգահեռ քայլերը յանգեցրին գաղափարա-քաղաքական ժառանգորդականութեան իրայատուկ շղթայի ստեղծմանը՝ Արմենական կուսակցութեան բնօրրան Վանի, Հնչակեանի ձևատրման կենտրոն դարձած Ժնևի և ՀՅԴ օրրան Թիֆլիսի միջև³⁶:

Ելակէտային չափորոշիչները թոյլ են տալիս եզրակացնել, որ քննութեան ենթարկող դարաշրջանում՝ 1885-1918 թթ., առանցքային միտումը հայ ազգային-ազատագրական շարժման անշեղ ու հետևողական վերելքն էր, որն անխուսափելի էր դարձնում ոչ միայն ազգային կուսակցությունների հիմնումը, այլև դրանց ուժերի ու հնարաւորությունների կենտրոնացման շուրջ 10-ամեայ (1885-1895 թթ.) գործընթացի փոխակերպումը «Մէկ ազգ – մէկ կազմակերպություն» բանաձևի հայկական տարբերակի փնտրութիւնը: Այսինքն՝ մի կողմից ազատագրական խմբակներին ու կազմակերպություններին փոխարինում էին ազգային կուսակցությունները, միւս կողմից առաջ էր գալիս դրանց միջոցով հայ ազատամարտի ուժերի ու հնարաւորությունների կենտրոնացման առաջադրանքը, որն արտաքուստ ընդունում էր «Միութեան ու համերաշխ գործակցութեան» խնդրի շուրջ ծաւալող մրցակցութեան ու համագործակցութեան կերպարանք: Մինչդեռ այս գործընթացի խորքում իրականում տեղի էր ունենում հայ ազատամարտի վերելքով պայմանաւորող՝ միասնական գաղափարա-քաղաքական ուղղա-հայեացի ձևատրում՝ արմենականներ-հնչակեաններ-«Երիւրասարդ Հայաստան» – «Հայ Յեղափոխականների Դաշնակցություն» – «Հայ Յեղափոխական Դաշնակցություն» փոխբացասման ու փոխադարձ ժառանգորդականութեան շղթայի տեսքով, որոնցից իւրաքանչիւրը, իւրացնելով իր նախորդի փորձը, որակական նոր մակարդակի էր բարձրացնում արեւմտահայերի ազատագրութեան համար սկիզբ առած պայքարը³⁷:



Մալխաս (Արուաշէս Զովսէփեան)

Օգտագործված Աղբյուրներ

1- Ռէլիս օլ Սաղաթի Սէլեդ Էհսան, Դար թաքափոյեղ եք հեզբեղ մախֆի վա մուսէր (Մի ազրեցիկ և գաղտնի կուսակցութեան փնտրութիւն մասին), www.irdc.ir/FA/content/12102/default.aspx:
2- Նոյն տեղում:
3- Ռային Ի., Իրանիանէ աումանի (Իրանահայերը), էջ 141:
4- Ըստ «Պատմագրութիւն Հ.Յ.Դ-ի» քառասուոր շարքի Ա հատորի 109-110-րդ էջերի մատնանշումների՝ «Շատ կարճ ժամանակամիջոցի մէջ ողջ Պարսկաստանի մէջ մնաւորութեան հասնող գերակայութիւն ձեռք բերեց Դաշնակցութիւնը շնորհիւ Ռոստոմի, որ, գործնեցի լինելով, ծանօթ էր այդ երկրին, և շնորհիւ Յովսէփ Դաշնակցութեան, որ դարաւառացի (Պարսկաստան) էր, Շուշի ուսում ստացած: Այս տարօրինակ հիմնադիրները ուրականների պէս կ'երևային Պարսկաստանի տարբեր վայրերու մէջ և յետոյ կը կորուէին: Տրապարակ չէին ելիւր և ոչ կը քարոզէին, ոչ կը վիճէին և ոչ ալ կը գրէին: Միայն թէ, ուր որ անոնք կ'այցելէին, իրենց ետևէն կ'ետար, Դաշնակցութեան նորաստեղծ կազմակերպութիւն մը առաջ կուգար, և Արմենական ու Հնչակեան կուսակցութիւնները կը հալէին, կը քրատային զարեան ծիներու նման: Պատճառը այդ արագ և շրմեցոցիչ յաջողութեան, այդ տարօրինակ վարպետներու գործին և մեր նպատակներուն մօտենալու ձևին մէջ էր»: «...Այդ անվերապահ վստահութիւնը հանդէպ ուխտեալներուն, այդ ապակեղրուն ձևը սպանիչ էին հեղինակութեանց հմայքի վրայ յենած կեղրունաձիգ կուսակցութեանց համար, ինչպիսիս էին Արմենականութիւնը և Հնչակեանութիւնը: Դաշնակցութիւնը իր կազմի, անդամներուն բոլոր մասերով կը շնչէր ու կը մտածէր, և իբրև հետևանք ատոր՝ սունկի պէս կը բոսնէին դաշնակցական կորիզները ինքնաբերաբար, իրենց բազմատեսակ ձեռնարկներով, դպրոցներով, զինական գործարաններով և այլն»: «Կեղրունաձիգ Հնչակեան կուսակցութիւնը արագօրէն տեղի կուտար ապակեղրուն նորաձին Դաշնակցութեան առջև: Արմենական կուսակցութիւնը, Դաշնակցութեան երևալուն պէս, հալեցաւ անոր մէջ...»: 5- Խոյնիւնեան Գ., Հ. Յ. Դաշնակցութեան քննական պատմութիւն (ակունքներից մինչև 1895 թականի վերջերը), Եր., Իրատ. ՀՅԴ-ի, 2006, էջ 124:
6- Նոյն տեղում, էջ 280:
7- Տե՛ս Նոյն տեղում, էջ 280:
→բազմատեսակ ձեռնարկներով, դպրոցներով, զինական գործարաններով և այլն»: «Կեղրունաձիգ Հնչակեան կուսակցութիւնը արագօրէն տեղի կուտար ապակեղրուն նորաձին Դաշնակցութեան առջև: Արմենական կուսակցութիւնը, Դաշնակցութեան երևալուն պէս, հալեցաւ անոր մէջ...»: Ըստ պատմագէտ Արսէն Կիւրոյի «1885-1908 թթ. հայ ժողովրդի

ազգային-ազատագրական պայքարը՝ աշխատութեան, որում հեղինակը ներկայացնում է նաև հնչակեան գործիչների գործունեությունը Սալմաստում, դէպքերի նկարագրությունից պարզ է դառնում, որ այդ գործունեությունն այնքան էլ արդիւնաւէտ չէր: Դա, ի թիւս այլ պատճառների, կարելի է պայմանաւորել նրանով, որ Պարսկաստանում ուժեղ էին դաշնակցականները:

- 8- Գեորգեան Կ., Ամենուն տարեգիրքը, Պեյրոս, 1958, էջ 518:
- 9- Խոտլինեան Գ., «Հայ Յեղ. Դաշնակցություն», ՀԳԱԱ պատմ. ինստ. հրատ., նշ. աշխ., էջ 83:
- 10- Անուրեան Ա., ՀՅ Դաշնակցությունը Պարսկաստանում. 1890-1918, Թեհրան, «Ալիք», էջ 41-42 (տե՛ս Վարանդեան Մ., ՀՅԴ Պատմություն, Ա հատոր, Փարիզ, 1932, էջ 123-124):
- 11- «Պատմագրություն ՀՅԴ-ի», Ա հատոր, էջ 180:
- 12- Անուրեան Ա., նշ. աշխ., էջ 41-42:
- 13- «Արամը», Բ. հրատ., Թեհրան, հրատ. ՀՅԴ-ի, 1969, էջ 424:
- 14- Խոտլինեան Գ., նշ. աշխ., էջ 88:

15 Գ. Խոտլինեանը իր «ՀՅ Դաշնակցութեան քննական պատմություն» աշխատութեան մէջ գրում է. «Հայ զինեալների՝ Դերիկում հաստատելու հետևանքով Թուրքիայից Պարսկաստան անցնող քուրդ ասպատակները զրկեցին իրենց խիստ անհրաժեշտ ճանապարհներից, որոնց հանգուցակետը հէնց Ջարևանաղի Ս. Աստածածինն էր: Այդ պատճառով նրանք դիմեցին յաճախակի յարձակումների, որոնցից մէկի ժամանակ՝ 1892-ի մայիսին, զոհեց Մովսէս Բշխանեանը: Հարկատր էր ամրացնել վանքը և մեծացնել նրա պաշտպանների թիւը՝ նոր յարձակումներին դիմակայելու համար...»

...1894 թ. սեպտեմբերի վերջին Դերիկից Վասպուրական մեկնեց Անուրեանը և նախաձեռնեց Վասպուրականում ձևաորում ՀՅ Դաշնակցութեան առաջին զինատար խումբը՝ սկիզբ դնելով մէկը միացնել առաջին հերոսական, արկածներով լի անցումների, գլխերի փոխադրութեան և նոյնքան վտանգաւոր յետդարձերի տարեգրութեանը: ...Հէնց այդ անցումներից մէկի ժամանակ՝ Բողազ-Քեանի կոնիներում ցուցաբերած անօրինակական խիզախութեան համար հայ ֆիդայու քաջությունից ցնցած հակառակորդի կողմից անսանձույց մեծ հայրուկապետ Նիկողայոս Տեր-Յովհաննիսեանը՝ ընդմիջու ստանալով «Դուման» պատանուրը» (Խոտլինեան Գ., նշ. աշխ., էջ 287-290):

16- Տե՛ս Գեորգեան Կ., նշ. աշխ., էջ 518-519:

17- Գ. Խոտլինեանի «Հ. Յ. Դաշնակցութեան քննական պատմություն» աշխատութեան 282-րդ էջում կարդում ենք նաև հետևեալը. «...1891 թականից՝ 1-2 տարւայ տարբերութեամբ, դաշնակցական գործիչների մի ամբողջ փաղանգի հաստատելը Անուրեանը և նախաձեռնեց Վասպուրականում առաջին հերթին Թարիզը դարձրեց ՀՅԴ ուժերի ու միջոցների կուսակցական երկրորդ խոշոր կենտրոնը՝ Թիֆլիսից յետոյ: Աելին, արդէն 1892-ի ամռանը կայացած ՀՅԴ առաջին Ընդհանուր ժողովը իր ընդունած ծրագիր-կանոնագրով Թարիզի կուսակցական մարմին շտրեց Բիւրոյի կարգավիճակը»:

18- Գ. Խոտլինեանի «Հ. Յ. Դաշնակցութեան քննական պատմություն» աշխատութեան 282-րդ էջում կարդում ենք նաև հետևեալը. «...1891 թականից՝ 1-2 տարւայ տարբերութեամբ, դաշնակցական գործիչների մի ամբողջ փաղանգի հաստատելը Անուրեանը և նախաձեռնեց Վասպուրականում առաջին հերթին Թարիզը դարձրեց ՀՅԴ ուժերի ու միջոցների կուսակցական երկրորդ խոշոր կենտրոնը՝ Թիֆլիսից յետոյ: Աելին, արդէն 1892-ի ամռանը կայացած ՀՅԴ առաջին Ընդհանուր ժողովը իր ընդունած ծրագիր-կանոնագրով Թարիզի կուսակցական մարմին շտրեց Բիւրոյի կարգավիճակը»:

19- Ըստ Նազար Յ. Գորոյեանցի «Պարսկաստանի հայերը» գրքի 180-րդ էջում տրւած քաղաքութեան Դերիկի պատմական վանքը և համանուն գիւղը գտնւում են Դուշնանայ ձորի բարձունքներում: Գիւղը նախքան 1828 թ. եղել է հայաբնակ: Այդ թականին քաղաքական իրադարձությունների և ներգաղթի հետևանքով հայերի փոխարին հաստատուել են քուրդ բնակիչները: Դերիկի վանքը, որ Բաթումի հերոսների արձարյուն է, մեծ դեր է ունեցել հայ ազատագրական պայքարի նորագոյն շրջանի պատմութեան մէջ, մասնաորակալէ՛ 1890-ական թթ.-ին: Առաջին առաքեալը եղել է դարաբարդի Մովսէս Բշխանեանը, որ Անտեանց երկիրը տանող այդ ամբողջ վերակենդանացրել է 1880-ական թթ.-ի վերջերին: Այնուհետև Դերիկում գործել են Վարդան Մեհրաբեանը (հետագայում Խանասարի արշաւանքի հրամանատարը), Յովսէփ Արդուբեանը, Սեքարեցի Մաքոս և այլ ուխտեալներ: Վանքի ներքնում են գտնւում Մովսէս Բշխանեանի և յետափոխական այլ գործիչների գերեզմանները: Դերիկ գիւղը Մովսէս Բշխանեանի նախաձեռնութեամբ գնում է Հաֆթլիսի հայ համայնքը՝ որպէս ազգային կալածք, և այն այդպէս մնում է մինչև 1928 թականը, երբ Անուրեանը առաջնորդարանի կարգադրութեամբ վաճառեց մի քորդ ցեղապետի:

20- Տե՛ս Խոտլինեան Գ., նշ. աշխ., էջ 88: Տե՛ս նաև «Պատմագրություն ՀՅԴ-ի», Ա հատոր, էջ 165-166. «Եթէ Ս. Ջարբեանը իրաւամբ համարում է մեր ազատագրութեան շարժման խիղճը, գրում է Յ. Արդուբեանը, ապա նոյնքան իրաւամբ Դումանը պիտի համարի զինուորական ամենափայլուն ներկայացուցիչներից մէկը, մեր ազատագրութեան մարտիկը: Եւ խղճի ու քաջութեան ներդաշնակությունը դարձաւ յենարան Ջարբեանի ու Դումանի գաղափարական գործունեութեան: Նրանց գործունեութեան միջոցները տարբեր էին, բայց նպատակը՝ մէկ: Ջարբեանը, վտարանդիի ցուպը ձեռքին, քարոզում էր գաղափարը իր հոգու ամբողջ թափով, մտաոր ու գիտական պաշարով, իսկ Դումանը բռնութեան կապանքները ջախջախում էր գէլքով ու կրակով և հարթում ճանապարհը խղճի ու ազատագրութեան յափտենական յաղթանակի»:

21- Վարանդեան Մ., նշ. աշխ., Ա հատոր, Բ հրատարակություն, 1981թ., Թեհրան, էջ 145:

22- Խոտլինեան Գ., նշ. աշխ., էջ 92:

→ Վարդան Մեհրաբեանը (ապագայի Խանասարի արշաւանքի հրամանատար), Բշխան Յովսէփ Արդուբեանը, Սև Քարեցի Մաքոս և այլ ուխտեալներ: 1 Վանքի ներքնում են գտնւում Մովսէս Բշխանեանի և յետափոխական այլ գործիչների գերեզմանները: Դերիկ գիւղը, Մովսէս Բշխանեանի նախաձեռնութեամբ, գնում է Հաֆթլիսի հայ համայնքի կողմից, որպէս ազգային կալածք, և իբրև այդպիսին մնաց մինչև 1928թ.-ը, երբ Անուրեանը առաջնորդարանի կարգադրութեամբ վաճառեց մի քորդ ցեղապետի:

23- Նոյն տեղում, էջ 92:

24- Գեորգեան Կ., նշ. աշխ., էջ 520:

25- Տե՛ս Խոտլինեան Գ., նշ. աշխ., էջ 92:

26- Վարանդեան Մ., նշ. աշխ., էջ 194:

27- Նոյն տեղում, էջ 205-206:

28- Յատկանշական է, որ նոյն ժամանակահատվածում Դերիկի վանքում Թաւաքալեան վարդապետին յաջորդում է Վեհուկի վարդապետը, որը համարում էր արմենական, սակայն, արմենականներից օժանդակություն չստանալով, Վեհուկին հեռանում է, և Դերիկը դադարում է յետափոխական գործունեութեան կենտրոն լինելուց: Նրա շրջակայ երեք հայկական գիւղերը ևս տեղահանւում են՝ իջնելով Սալմաստի դաշտ:

29- Ռուբէնը (Տեր-Մինասեան), իր «Հայ յետափոխականի մը յիշատակները» գրքում (Ա հատոր, էջ 318-319) անդրադառնալով հայ ազատագրական շարժման մէջ Թաղէի վանքի յատկապէս զինատար խմբերի կայան ու միջանցք լինելու կարևորագոյն դերին, գրում է. «Թաղէի վանքը շուրջ 100 քիլոմէթր հեռու է Խոյնի, 25 քիլոմէթր՝ Մակուի, 40 քիլոմէթր՝ Պայազիտուն և 25 քիլոմէթր ալ՝ Ալագանէի, տաճկաց սահմանէ: Ան գլխաւոր ճանապարհներից դուրս ինկած ու մեկուսացած է և ատոր համար ալ Մենատր կը կոչուէր մեր կողմ: Այդ կէտէն, մէկ գիշերուան մէջ կարելի էր հասնիլ տաճկաց սահմանը, Ալատաղ կամ Ալագան լեռը: Առաջնով կարելի էր անցնիլ Բագրևանդ, իսկ երկրորդով՝ Վան, Արաղայի վրայով: Մեր գործի համար այս կարևոր էր: Պարսից և տաճկաց սահմանի երկայնքով, Մաաիսէն սկսած մինչև Թաղէի վանքի դիմաց, մինչև Կոթուրի մտերքը Հայտարցի ցեղախումբն էր, իսկ հիպիսի՝ Ջելայցիք: Այս երկու ցեղախումբերը մեզ հետ ունենալ կը նշանակէր վերացնել պարսից և թուրքաց միջև եղած սահմանները և ազատ երթնել հաստատել Երևանէն Պարսկաստան և Պարսկաստանէն Տաճկաստան: Այդ տեսակէտով՝ Թաղէի վանքը շատ կարևոր դիտարան էր, մասնաւոր որ այն միայն 15 քիլոմէթր հեռու էր Կարէի քրտական կենտրոնէն, որ Հայտարցի ցեղապետ Մուսաաֆա Բէլին կենտրոնն էր: Վանքը պէտք էր դարձնէլ հայ-քիւրդ բարեկամութեան կայանը...»:

30- Տե՛ս Անուրեան Ա., նշ. աշխ., էջ 39:

31- Միմոնեան Հր., Ազատագրական պայքարի ուղիներում, գիրք 3-րդ, էջ 147-148:

32- Մալխաս, Ապրումներ, Ա հատոր, Թեհրան, 1982, էջ 207-209:

33- Նոյն տեղում, էջ 210:

34- «Հայ-քրդական յարաբերություններ», «Դրօշակ», 1904, թիւ 4 (115), էջ 1:

35- «Ալան Ստեփանեանի յուշերը», գրի առաւ Անճումեան Հայկը, Թեհրան, 1966, էջ 244-245:

36- Տե՛ս Խոտլինեան Գ., նշ. աշխ., էջ 115:

37- Տե՛ս նոյն տեղում, էջ 9-10:

Համաներում

Վրէժ-Արմէն

Երբ խմբագիր ընկերոջս խոստացայ գրել այս նիւթին նուիրուելիք յօդուածս, տարբեր էր հայաշխարհը:

Նպատակ ունէի կոչ ուղղելու բոլոր այն հին ու սիրելի ընկերներուս, որոնցմէ շատերուն հետ նոյն «խրամատներուն» մէջ ուսի պայքարած էի, որոնց հետ նոյն սեղանին շուրջ աղ ու հաց կերած էի, երգած, ուրախացած ու տխրած, որոնց հետ որքան քաղցր յիշատակներ բաժնած էի տարիներու ընթացքին: Կոչ վերադառնալու տուն: Առ այդ ալ մտադրեր էի այս գրոյցին վերնագիրը դնել «Արի տուն, ընկեր»:

Այդ կոչս հիմնուած պիտի ըլլար այն համոզումիս վրայ, թէ ազգի ազատագրութեան դատին իր կեանքի գնով ծառայելու երդում տուած անձը այդ երդման չի դաւաճաներ, չի կրնար դաւաճանել, թէկուզ ըլլայ շարքերէն դուրս:

Շարքերէն դուրս՝ այս կամ այն պատճառաւ՝ իր հանդէպ ցոյց տրուած արդար կամ անարդար վերաբերմունքի մը, կայացուած տեղի կամ անտեղի կարգապահական տնօրինումի մը, ըսուած ճիշտ կամ սխալ խօսքի մը կամ որևէ այլ պատճառաւ:

Շարքերէն դուրս՝ չհանդուրժելով մեր հաւաքական որոշումները, մեր գործելակերպը, մեր կազմակերպական վիճակը և շատ այլ բաներ:

Շարքերէն դուրս՝ թէկուզ անձնական այլ նկատառումներով՝ արդարացի կամ ոչ արդարացի, թերևս բնատրութեան պատճառաւ՝ գիտակցելով, որ չի կրնար ենթարկուիլ կանտնազրի խիստ պահանջներուն:

Շարքերէն դուրս, բայց միշտ հաւատարիմ այն տեսլականին, որուն համար ան առաջին հերթին եկած ու անդամագրուած էր այս կուսակցութեան՝ Դաշնակցութեան:

Եւ այժմ առիթ կը տրուի իրեն, որ, համաձայն այս նոյն կուսակցութեան վերին մարմինի կոչին, ան վերադառնայ շարքերը՝ առանց գղջումնագրի: Առանց այլևայլի... Եթէ ի հարկէ չէր հակադրուած այդ նոյն տեսլականին:

Այս թեմայով պիտի ըլլար յօդուածս, սակայն սեպտեմբեր 27-ին վերսկսած պատերազմն ու այն ահաւոր գինը, որ հայ ազգը վճարեց ու կը վճարէ պահպանելու համար իր արժանապատուութիւնն ու իր հայրենիքի սահմանները, զիս բերին այն համոզումին, որ համաներումէն առաջ իւրաքանչիւրին համար ներման պահ մը պէտք է ըլլայ: Ինքնաներման:

Այո՛, ինքնաներման:

Այսինքն՝ հեռացած կամ հեռացուած ընկերը պիտի նայի հայելիին մէջ, պիտի նայի իր այքերուն մէջ և հարց տայ ինքն իրեն, թէ ազգի ճգնաժամի այս օրերուն, այս տարիներուն որքան կրնայ ներել ինքն իրեն այն իրավիճակին համար՝ հեռու մնալով, մասնակից չըլլալով, որուն մէջ գտնուած է կարճ կամ երկարատեւ ի վեր, չըսելու համար այն մեղքին համար, այն մեղանշումին՝ ինքն իր հանդէպ ամէնէն առաջ:

Կասկած չկայ մտքիս մէջ: Հեռացուած կամ հեռացած այդ անձերը ես իմ ընկերները կը նկատեմ,



իմ հարազատները այնքան ատեն, քանի դեռ իրենց կուրծքին տակ ազգին ցաւերով մղկտացող սիրտ մը կայ, այնքան ատեն, քանի դեռ այս կամ այն ձևով տակաւին անոնք կ'ուզեն, կը ջանան ու կը յաջողին ծառայել ազգին: Ի վերջոյ կուսակցութիւնը չ'է միակ ճամբան այդ ծառայութեան:

Բայց...

Այս «բայց»-էն առաջ կ'ուզեմ հարց տալ նաև, թէ բոլոր անոնք, ինծի ծանօթ ու սիրելի, մտերիմ այլ անձեր, որոնք տարբեր վայրերու մէջ, տարբեր կազմակերպութիւններու ճամբով աշխատող կամ առանձին գործող՝ որպէս միայնակ պայքարող սրբաբաններ, նոյն այդ հեռացուած կամ հեռացած ընկերներուն վիճակին մէջ չ'են գտնուիր, անոնք, որոնք երբեք չ'են միացած ՀՅԴ շարքերուն՝ ըլլալով հանդերձ յաճախ անոր համակիրները կամ նոյնիսկ գործակիցները, հեռու մնացած են, հաւանաբար վերը նշուած պատճառներով (երբեմն ալ՝ պատրուակներով): Անոնք ալ երիտասարդ չ'են եղած, ազգին ծառայելը սրբազան նպատակ չ'են դաւանած: Ինչո՞ւ չ'են առած նաև միւս քայլը, չ'են մտած շարքերը:

Եւ չ'են երդուած նաև «կեանքին գնով...»:

Ահա՛ հոս է, որ կը միջամտէ այդ «բայց»-ը:

Սեպտեմբեր 27-էն ի վեր մեր լեռներու մատոյցներուն մեր տղաքը՝ ազգի զօրակները, կուսակցական թէ ոչ կուսակցական այդ ֆետայիները, իրենց կեանքի գնով երկիր կը պահեն: Պատիւ կը պահեն: Ազգի պատիւը բարձր կը պահեն:

Համաներումէն առաջ դուք, սիրելի ընկերներ, դուք ձեզի ներեցէք, եթէ կրնաք, և... վերադարձէք ճակատ:

Ճակատ եկէ՛ք նաև դուք, երիտասարդներ և ոչ երիտասարդներ, նոր ձեր երդումը տալու... ■

Նոյեմբեր 2020թ.





Արգիշտի Գևորգյան
ՀՀԴ Հայաստանի Երիտասարդական
միութեան անդամ, կամավորական

Պատերազմն այն քննությունն է, որը փայլա են բոլոր ազգերը: Դրանով որոշվում է՝ կան՞ դու շարունակում ես ազատ ապրել ու արարել, կան՞ դու իրավունք չունես ապրելու:

Պատերազմի գինը զոհերն են, ու, հսկ, մենք պիտի հասկանանք, որ մեր լավագույններն են զոհվելու, մեր հարազատները, եղբայրներն ու հայրերը, բայց դա է գինը: Այլ փարբերակ չկա. կան՞ պատրաստվում ենք մեռնելու հանուն մեր սիրելիների, կան՞ մեռնում ենք բոլորս: Գիծը գծված է, քննությունը՝ սկսված:

Ուրեմն բոլորս զինվորագրվում ենք, բոլորս՝ առանց բացառության, դեպի ճակատ կամ ճակատի համար: Փահիչողներն ու անփարբերներն ընտրում են գոյությունը քարշ փայլու, սողեսող ապրելու փարբերակը:

Ոչ մեկը թող չփորձի մարդ հետ պահել ճակատ մեկնելուց, ոչ մեկը թող չփորձի բարձրացված բռունցքը իջեցնել, ոչ մեկը թող չփորձի մեկնողին թաց աչքերով ճանապարհել ճակատ:

Երբ քննությունն ավարտվի, տղերքը հետ են գալու, ապրելու ու ապրեցնելու են, և միաժամ այնպես ապրել էս հատվածը, որ կարողանաք էդ տղերքի աչքերին նայել, այլապես իրենց առաջ էլ եք սողալու:

ՀԱՂԹԵԼՈՒ ԵՆՔ

Այլ փարբերակ չկա:

*Արցախ
27.10.2020*



**ՊՍԱԿԱԴՐՈՒԹՅՈՒՆ ՇՈՒՇԻՒ ՍՈՒՐԲ ԴԱԶԱՆՉԵՑՈՑ
ՎԻՐԱՎՈՐ ԵԿԵՂԵՑՈՒՄ**

ԴՐՕՇԱԿ